





h-5-2897





VSSERII
EPISTOLÆ
HIBERNICÆ.



VETERVM
EPISTOLARVM
HIBERNICARVM
SYLLOGE;



Quæ partim ab Hibernis, partim ad Hibernos, partim
de Hibernis vel rebus Hibernicis sunt
conscriptæ.

IACOBVS VSSERIVS

ARMACHANVS Archiepiscopus
Collegis & Recensuit.

Epistolarum seriem proxima post præfationem pagina demonstrat.



PARISIIS,
Ex Officinâ LVD. BILLAINE, in Palatio Regio.

M. DC. LXV

M. T. R. V. M.

ESTABLISHED 1840

100 N. 3rd St. N. Y. C.

1840

ESTABLISHED 1840

ESTABLISHED 1840

ESTABLISHED 1840

ESTABLISHED 1840



PARIS 1840

ESTABLISHED 1840

ESTABLISHED 1840

NOBILISS. AC DOCTISS. VIRO
D. D.

ANT. VION. D. D'EROVVAL

VENERANDÆ ANTIQVITATIS
AMATORI, FAVTORI, ILLVSTRATORI:

QVI

RECONDITOS HISTORIÆ NOSTRÆ THESAVROS,
ET CÆTERA BONARVM LITTERARVM

MONIMENTA,

A TINEIS ET BLATTIS INDEFESSO LABORE
VINDICATA, ERVIT,

AC DOCTIS QVIBVSCVNQVE
INDIGITAT, COMMVNICAT.

HANC

VETERVM EPISTOLARVM HIBERNICARVM
COLLECTIONEM

OLIM A DOCTISSIMO VSSERIO EDITAM
ET

NVNC ITERATO PRELO IN GALLIIS PRIMVM
PRODEVNTEM

grati animi *Μνημόσυνον*

O. D. C.

LVD. BILLAINE. Typogr. ac Bibliop. Parisiensis;



IACOBVS

ARMACHANVS

Lectori S.



*V*antum ad fidem verum conferat Epistolarum proprijs temporibus scriptarum diligens inspectio; cum ex aliorum Annalium, tum ex Historia Augusta scriptorum lectione, compertum habere eruditi. Hinc ego patriarum antiquitatum, Ecclesiasticarum praesertim, penitus cognoscendarum studio ductus; ut Sedulij nostri epistolas (quas intra CXL. proximos annos adhuc extitisse, ex Io. Trithemio intellexeram) alicunde nanciscerer, operam in primis dedi. Verum quum neque illius, neque unius alicujus Veterum illorum numero, justum aliquod hujus argumenti volumen adipisci possem: ad & triess. ann. conuersus, quicquid sparsim inter chartulas meas ejus generis & vixit. reperire potui, addito ex libris editis supplemento, in unum literarum fasciculum conjeci. Vnde jam, pro unius alicujus aut alterius libri singularibus, multorum & diversis sibi aetatibus succedentium disiecta tabula, uno veluti intuitu conspiciendas sese offerunt: ex quarum consideratione, quantum seu in pietate seu in doctrinâ seculum quodque vel profecerit vel defecerit, licebis animadvertere. Neque enim tam hic spectandum, quid quisque loqui semper debeat; quam quid quâque aetate homines dicere assueverint.

Id autem cumprius memorabile est, quod in XXX. Epistolâ prodit Aldhelmus, de exteris ad capeffendum ingenij cultum cateruasim in Hiberniam confluentibus: quæ ab illis Paradisus quidam aut novus Circulus lacteus depingitur; discentium opulans vernansq; pascuosâ numerositate lectorum, quemadmodum poli cardines astriferis micantium ornantur vibraminibus siderum. Eo pertinet & Beda ille locus. *Histor. Ecclesiastic. lib. 3. cap. 27.* Erant in Hiberniâ multi nobilium simul & mediocrium de gente Anglorum, qui tempore Finani & Colmani Episcoporum, relicta insulâ patriâ vel divinæ

PRÆFATIO.

lectionis vel continentioris vitæ gratiâ illò secesserant. Et quidam quidem mox se monasticæ conversationi fideliter mancipaverunt : alij magis circumeundo per cellas magistrorum lectioni operam dare gaudebant. Quos omnes Scoti libentissimè suscipientes, victum eis quotidianum sine pretio, libros quoque ad legendum, & magisterium gratuitum præbere curabant. *Ut hys temporibus verissimum fuerit, quod de eadem Hiberniâ alibi pronuntiat idem:*

a gentem fuisse innoxiam, & nationi Anglorum semper amicissimâ.

Hinc etiam spectat, quod de Agilberto Gallo, Occidentali Saxonum prinum, deinde Parisiaca civitatis Episcopo, apud eundem Bedam legimus. b Legendarum gratiâ scripturarum in Hiberniâ non parvo tempore demoratus est. *c* de Ædilvino : *c* Hiberniam gratiâ legendi adiit, & benè instructus patriam rediit, atque Episcopus in provinciâ Lindissi factus, multo Ecclesiam tempore nobilissimè rexit. *d* de Alfrido Nordanhumberum Rege.

d Scottorum qui tùm versatus incola terris,

Cœlestem intento spirabat corde sophiam.

Nam patriæ fines & dulcia liquerat arva;

Sedulus ut Domini mysteria disceret exul.

In Hiberniam siquidem secedens (ut libro 1. de gestis Regum Anglor. refert Guilielmus Malmesburienfis) ibique magno otio literis imbutus, omni Philosophiâ composuerat animum.

Albinus quoque qui & Alcinus (cujus est ad Colcum lectorem in Scotiâ sive Hiberniâ, X VII I. Epistola) de V Villibrordo Vtraje- lino Archiepiscopo, qui Batavos, Frisos & Antuerpienses ad fidem Christi convertit, ita scribit. Quia in Hiberniâ scholasticam eruditionem viguisse audit, etiam quorundam sanctorum virorum, famâ narrant, conversatione incitatus, & præcipuè beatissimi patris & Episcopi Egberti, qui cognomento sanctus vocabatur, necnon & VVicberti venerabilis viri & sacerdotis Dei (quorum uterque ob cœlestis patriæ amorem, domo, patriâ, cognationeque relicta, Hiberniam secessit, ibique dulcissimos supernæ contemplationis fructus seculo nudus, Deo plenus, solitariâ quotidie hauriebat conversatione :) horum beatus adolescens æmulari cupiens religionem, cum conniventia sui Abbatis & fratrum, in Hiberniam veloci cursu contendit, prædictorum patrum se familiaritati jungens; quatenus, cum prudentissima apis, ex eorum propinquitate mellifluos pietatis carperet flores, & in sui pectoris al-

vario

a Bed. lib.

Hist. Ec-

cles. cap.

16. quam

eandem

historiam,

libro 1. de

gestis Re-

gum Angl.

cap. 3.

Guilielmus

Malmes-

burienfis

enarrans,

Hibernense

genus homi-

num inno-

cens genui-

nâ simplici-

tate, nil un-

quam mali

molens, ap-

pellat.

b Bed. lib.

3. cap. 7.

c Id. ibid.

cap. 27.

d Id. in

Carm. de

Vita S.

Cuthberti,

cap. 11.

PRÆFATIO.

veario dulcissimos virtutum favos construeret. Ibique duodecim annos inter eximios simul piæ religionis & sacræ lectionis magistros, futurus multorum populorum prædicator, erudiebatur.

Hæc in primo de vitâ VVilibrordi libro, Alcuinus: & in secundi initio.

Venerat occiduis quidam de finibus orbis,
Vir virtute potens, divino plenus amore,
Oresagax, & mente vigil, & fervidus æstu;
Ad te, temporibus Pippini, Francia felix:
Quem tibi jam genuit fœcunda Britannia mater,
Docta que nutrit studijs sed Hibernia sacris;
Nomine VVilbrordus;

atque iterum in 33. capitulo:

Vt dudum cecini, fœcunda Britannia mater;

Patria Scottorum clara magistra fuit.

Vbi doctam Hiberniam, & claram Scotorum patriam.

Caroli Magni temporibus eandem fuisse habitam, non obscure indicat. Vt quod de suâ cecinit & Poëta optimus, de nostrâ Scotiâ multo rectius pos-

*Georg.
Buchanan.
in Silvis.*

sis usurpari.
Hæc quoq; cum Latium quateret Mars barbarus orbem,
Sola propè expulsis fuit hospita terra Camœnis.
Hinc Sophiæ Graiæ, Sophiæ decreta Latinæ,
Doctoresq; rudis formatoresque iuventæ
Carolus ad Celtas traduxit.

Nam ex Hiberniâ traductos fuisse Doctores istos, luculenter confirmat, qui vitam magni Caroli LXX. circiter post mortem ipsius annis scripsit, Noikerus Balbulus Sangallensis monachus, narrationis suæ hinc ducto principio.

Omnipotens* Regum dispositor, ordinatoreque regnorum & temporum, cum illius admirandæ statuæ pedes ferreos vel testaceos comminuisset in Romanis; alterius non minùs admirabilis statuæ caput aureum per illustrem Carolum erexit in Francis. Qui cum in occiduis mundi partibus solus regnare cœpisset, & studia literarum ubiq; propemodum essent in oblivione; contigit duos Scotos de Hiberniâ cum mercatoribus Britannis ad littus Galliæ devenire, viros & in secularibus & in sacris scripturis incomparabiliter eruditos. Qui cum nihil ostenderent venale, ad convenientes emendi gratiâ turbas clamare solebant: Si quis sapientiæ cupidus est, veniat ad nos, & accipiat eam; nam venalis

Daniel. 2.

** al. veram.*

PRÆFATIO.

est apud nos. Quam tamen venalem se habere professi sunt, quia populum non gratuita, sed venalla mercari viderunt: ut sic vel sapientiæ, sicut cæteris rebus coëmendis, eos incitarent: vel (sicut sequentia comprobant) per tale præconium in admirationem verterent & stuporem. Deniq; tam diu clamata sunt ista, donec ab admirantibus, vel insanos illos putantibus, ad aures Caroli Regis, semper amatoris & cupidissimi sapientiæ, perlata fuissent. Qui sub omni celeritate ad suam eos præsentiam evocatos interrogavit; si verè, ut ipse famâ comperit, sapientiam secum haberent. Qui dixerunt: Et habemus eam, & in nomine Domini dignè quærentibus dare parati sumus. Qui cùm inquisisset ab illis, quid ipsâ peterent, responderunt: Loca tantùm opportuna, & animas ingeniosas, & sine quibus peregrinatio transigi non potest, alimenta & quibus regamur. Quibus ille perceptis, ingenti gaudio repletus, primùm quidem apud se utrumq; parvo tempore tenuit. Postea verò, cùm ad expeditiones bellicas urgeretur, unum eorum nomine *CLEMENTEM* in Galliâ residere præcepit: cui & pueros nobilissimos, mediocres, & infimos, satis multos commendavit; & eis, prout necessarium habuerant, victualia ministrari præcepit, habitaculis opportunis ad habitandum deputatis. Alterum verò nomine *ALBINVM* in Italiam direxit: cui & monasterium S. Augustini juxta Ticinensem urbem delegavit; ut ille ad eum qui voluissent, ad discendum congregati potuissent. Audito autem Albinus de natione Anglorum, quàm gratanter sapientes viros religiosissimus Regum Carolus susciperet, consensâ navi venit ad eum. & *quæ sequuntur.*

Eadem ipsæ ex Chronicis Metropolis Arelatensis producunt & alijs: quos Ioannes Rossus VVaravicensis secutus, in libro de Regibus ita rem narrat. Florentibus his diebus in Hiberniâ studijs liberalibus præ cæteris regnis, contigit duos Scotos monachos de Hiberniâ cum mercatoribus Britannicis ad littus Galliæ devenire. & post. Cum Rex Carolus responsum duorum monachorum Hibernensium audisset; repletus gaudio, ambos secum retinuit. Tandem unum eorum nomine Clementem, in Galliâ Parisiæ residere fecit. Hic verò Clemente Antisiodorensi Episcopo, atq; illo Bonifacij Moguntini antagonista (cujus in XV. Epistolâ fit mentio). & ætate posterior & inferior officio; Clemens Scotus ille fuit, ad quem à Ratgaro Fuldensi Abbate Modestus & Candidus, cum alijs, Grammatice studendi gratiâ,

f. Vincent.
Speculi. hi-
storial. lib.
21. cap. 173.
& Antonin.
Chronic.
tit. 14. cap.
4. §. 12.

PRÆFATIO.

in antiquo Abbatum Cœnobij illius Indice g. missus fuisse legitur. Eiusdem Grammatica quædam Collectanea à Melch. Goldasto h. citantur: neque alius videtur esse Clemens, Vitæ Caroli Magni exarator, in Catalogo auctorum, quorum testimonia à V. Volfrango Latio in Commentarijs Reipublicæ Romanæ producuntur, nominatus. Socium autem illius Albinum, apud Italos in urbe Ticinensi sive Papiensi à rege Carolo collocatum, ab Albino Anglo in loco jam citato clarè separat Noiskerus: neq; alium Ioannem illum Albinum esse existimaverim, cui Rhetorica præcepta inscripta vidisse se testatur i. Georgius Buchananus, quæ Albino Flacco sive Alcuino vulgò tribuuntur.

Neq; prætermittendum est Guil. Camdeni, viri eruditissimi & candidissimi, præclarum huius testimonium: k Anglo-Saxones nostri illâ ætate, in Hiberniam tanquàm ad bonarum literarum mercaturam undique confluxerunt: unde de viris sanctis sæpissimè in nostris scriptoribus legitur: Amandatus est ad disciplinam in Hiberniam. Similia quoque in Cambro-Britannicorum Sanctorum Vitis subinde occurrunt: quibus etiam, de Marco & Sulgeno Britannis, ista visum est adijcere. Sic enim in extremo libri i. de miraculâ S. Germani Capitulo, Eriem Antisiodorensis de Marco scribit. Qui natione Britto, educatus verò in Hiberniâ, post longa Pontificalis sanctitatis exercitia, ultro nec sibi peregrinationem indixit. Sic traductus in Franciam, pijsimique regis Caroli (illius nempe qui Calvus est dictus) munificentia illectus, apud beatorum Medardi & S. bastiani cœnobium anachoriticam exercet vitam; singularis nostro tempore unicæ philosophus sanctitatis. De Sulgeno qui sub annum 1070. Episcopus Menevensis fuit, ipsius filius Ioannes hunc in modum cecinit.

Exemplo patrum, commotus amore legendi,

Ivit ad Hibernos Sophiâ, mirabile, claros.

Sed cum jam cimbâ voluisset adire revectus

Famosam gentem scripturis atque magistris:

Appulit ad Patriam, ventorum flatibus actus,

Nomine quam noto perhibent Albania longè.

Ac remoratus ibi certè tum quinque per annos

Indefessus agit votum, &c.

His ita digestis Scotorum visitat arva:

Ac mox scripturas multo meditamine sacras,

Legis divinæ scrutatur sæpè retractans.

At tibi per denos* tricens jam placidus annos

g. Christoph.
Brouver. in
Notis ad
Rabani
Poemata
pag. 113. &
Antiquit.
Fuldens.
lib. 1. cap.
14. pag. 60.
h. Goldast.
in Notis ad
Parænetic.
vet. pag.
24. & 96.
i. Buchan-
naner, Scot.
lib. 5. in Rege
LXV.
k. Camden.
in Hibern.
p. 730.

PRÆFATIO.

Congregat immensam pretioso pondere massam;
Protinùs argutâ thesaurum mente secondens.
Post hæc ad Patriam rameans jam dogmate clarus
Venit, & inventum multis jam dividit aurum;
Proficiens cunctis discentibus undique circum.
Reges, quem populi, Cleri, cunctique coloni,
Omnes unanimēs venerantur mente serenâ.

In quo Carmine, iria ista notanda veniunt. I. Sulgenum legendi causâ, exêplo patrum Hiberniam adire voluisse: quod more majorum hoc ab illo factum fuisse ostendit. II. Tametsi l Norwagienses grassatores nono post Christum seculo, duce Turgesio, insulam hanc per annos XXX. occupantes, Ecclesias ferè omnes atque libros incendio consumpserint: revixisse tamen bonarum literarum studia, & seculo adhuc undecimo habitam fuisse Hiberniam (ut in vitâ Florentij loquitur Franciscus Guillimannus) virorum sanctissimorum doctissimorumque officinam. III. Ad illa ipsa usque tempora Hibernos nostros καὶ ἱερὰ Scotorum nomen retinuisse. Narrat enim hic Iohannes, patri suo fuisse propositum, studendi gratiâ, Hiberniam petere: sed navigio, quo vetus illò pervenire cogitaverat, adversis ventis actò, ad Albaniam appulisse; ibidemque quinquennij factâ morâ, Scotorum demùm arva invisisse, atque illuc X. vel XIII. annos sacrarum Scripturarum lectioni impendisse.

Hac ex innumeris paucula, ad Epistola XIII. illustrationem, proferre visum fuit. In ceteris si quid obscuri sit, quod ex temporis historia lumen aliquod desideres, ei facem, ex Veteri memoriâ comparatam, præferre conati sumus. Id tantùm jam monendum: ex his quæ ab alijs antehac sunt editæ, plures epistolas hic addi potuisse. & illam nominatim, quæ anno 742. à Papa Zacharia ad VVissam vel VVissanum scripta, inter in Romanorum Pontificum & n Bonifacij Moguntini epistolas excusa prostat. Qui enim Saxonicò nomine Witanus sive Whitus dictus est, à o Lupo Servato & alijs Latino vocabulo, Albuinus eodem sensu est appellatus: is ipse, qui egressus de Hiberniâ (ut notat p Thirstemius) prædicationis causâ venit in Thuringiam; ubi à Bonifacio primus Barbarena sive Buraburgensis ecclesia Episcopus est constitutus. In oppido enim Buraburg iuxta frizlar, sedi Episcopali post suum recessum ordinavit Episcopum Albuinum discipulum suum Hiberniensem, monasterij urbis Monachum: cuius festum agitur VII. Kalend. Nouembris. quemadmodum ex M S. suo resulis Nicol. Serarius, rerum Moguntiacarum lib. 3. notat. 29.

l Girald.
Cambrenf
Topo-
graph. Hi-
bern. di-
stinct. 3.
cap. 17. 41.
46. locce-
lin. in Vitâ
Patricij,
cap. 175. &
186.

m Epist.
Decret.
edit. Ro-
maz. tom. 2.
epist. 1.
n Bonifac.
epist. 131.
o Lup. in
Vitâ VVig-
bercati,
cap. 24.
p Io Tri-
them. de vi-
ris illustr.
Ord. Bene-
dicti, lib. 4.
cap. 190.
Vid. & lib.
3. cap. 167.

PRÆFATIO.

Ex ineditis verò plurimæ sunt epistolæ, quas omni licet adhibita diligentia, consequi nequivimus : inter quas & Regum nostrorum illæ sunt, de quibus in Caroli Magni Vita Eginhardus. Scotorum reges sic habuit ad suam voluntatem per suam munificentiam inclinatos, ut eum nunquàm aliter quàm Dominum, sèque subditos & servos ejus pronuntiarent. Extant Epistolæ ab ijs ad eum missæ, quibus huiusmodi affectus eorum erga illum indicatur. Sed has, & ejus generis alias, illis qui in transmarinis partibus degunt è tenebris eruendas relinquimus ; earum quas domi reperire possumus editione hoc tempore consensì.



SERIES EPISTOLARVM

Q V Æ

IN HAC SYLLOGE CONTINENTVR.

EPIST.	G regorij I. Romani Pontificis, ad Episcopos Hi-	
I.	berniae,	pag. 1-
II.	Ejusdem Gregorij, ad Quirinum Episcopum,	2
III.	S. Columbani Hiberni,	4
IV.	Ejusdem Colombani, Rhythmica,	6
V.	Ejusdem Columbani ad Hunaldum,	7
VI.	Ejusdem Columbani, ad Fedolium,	10
VII.	Laurentij Dorobernensis Archiepiscopi, ad Scotos, Hiberniae incolas,	11
VIII.	S. Livini Episcopi & Martyris, ad Florbertum Abba- tem Monasterij S. Bavonis,	12
IX.	Romani Cleri, ad Clerum Hibernicum,	15
X.	S. Galli Hiberni, ad Desideriũ Caducensem Episcopũ,	16
XI.	Cumiani Hiberni, ad Segienum Huenssem Abbatem de Controversia Pascali,	17
XII.	Scoti cujusdam anonymi, ad Aldhelmum Malmesbu- riensem Abbatem,	24
XIII.	Aldhelmi Malmesburiensis Abbatis, ad Eahfridum ex Hiberniã in patriam reversum,	26
XIV.	Adamnani Huensis Monasterij Abbatis,	29
XV.	Bonifacij Moguntini Archiepiscopi, ad Zachariam Ro- manum Pontificem de causã Aldeberti Galli & Clementis Scoti,	31
XVI.	Zacharia Romani Pontificis, ad Bonifacium; de causã Virgilij, Hiberni & Sidonij,	33
XVII.	Ejusdem Zacharia, ad Bonifacium; de alijs quæstionibus	

SERIES EPISTOLARVM.

ab eodem Virgilio & Sampſone Scoto mori, 34

XVIII. Albini Magiſtri, ad Colcum lectorem in Scotiâ, 36

XIX. Claudij Scoti Presbyteri, ad Iustum Abbatem, 37

XX. Ejusdem Claudij, ad Duſſerannum Abbatem, 38

XXI. Gilde, ad Rabanum Monachum, 39

XXII. Ioannis Scoti Erigene, ad Carolum Caluum, 40

XXIII. Ejusdem Ioannis, ad eundem Carolum, 41

XXIV. Anaſtaſij Romana Eccleſiæ Bibliothecarij, ad eundem

Regem Carolum, 45

XXV. Dublinienſium, ad Lanfrancum Cantuarienſem Archi-

epiſcopum, 48

XXVI. Lanfranci Cantuarienſis Archiepiſcopi, ad Gothricum

Regem Dublinie, 48

XXVII. Ejusdem Lanfranci, ad Terdeluacuum Hiberniæ Re-

gem, 50

XXVIII. Ejusdem Lanfranci ad Domnaldum Hiberniæ Epiſ-

copum, 51

XXIX. Gregorij VII. Romani Pontificis, ad Hibernos, 53

XXX. Gilleberti Lunicenſes Epiſcopi, ad Epiſcopos Hiber-

niæ, de vſu Eccleſiaſtico, 54

Gillebertus Lunicenſis Epiſcopus, de Statu Eccleſiæ, 55

XXXI. Ejusdem Gilleberti, ad Anſelmum Cantuarienſem Ar-

chiepiſcopum, 61

XXXII. Anſelmi Cantuarienſis Archiepiſcopi, ad eundem Gil-

lebertum, 61

XXXIII. Ejusdem Anſelmi, ad Epiſcopos Hiberniæ, 62

XXXIV. VVaterfordienſium, ad Anſelmum Cantuarienſem

Archiepiſcopum, 64

XXXV. Anſelmi Cantuarienſis Archiepiſcopi, ad Mariarda-

chum Hiberniæ Regem, 65

XXXVI. Ejusdem ad eundem, 66

SERIES EPISTOLARVM.

XXXVII.	<i>Murchardachi Hiberniæ Regis, ad Anselmum Cantuariensem Archiepiscopum,</i>	68
XXXVIII.	<i>Anselmi Cantuariensis Archiepiscopi ad Malchum Waterfodiensem Episcopum,</i>	68
XXXIX.	<i>Ejusdem, ad Samuëlem Dubliniensem Episcopum,</i>	69
XL.	<i>Dubliniensem, ad Radulphum Cantuariensem Archiepiscopum,</i>	70
XLI.	<i>Henrici I. Anglorum Regis, ad eundem Radulphum,</i>	71
XLII.	<i>Bernardi Clarevallensis Abbatis, ad Malachiam Hiberniæ Episcopum,</i>	72
XLIII.	<i>Ejusdem, ad eundem,</i>	73
XLIV.	<i>Ejusdem, ad eundem,</i>	74
XLV.	<i>Ejusdem, ad Hibernienses fratres,</i>	76
XLVI.	<i>Adriani IV. Pontificis Romani, ad Henricum II. Anglorum Regem,</i>	78
XLVII.	<i>Alexandri III. Pontificis Romani, ad eundem,</i>	80
XLVIII.	<i>Ejusdem Alexandri, ad Laurentium Dublinensem Archiepiscopum,</i>	81
XLIX.	<i>Giraldi Barrii Cambrensis, ad Guilielmum Verum Herefordensem Episcopum, De Mirabilibus Hiberniæ,</i>	83
L.	<i>Ejusdem Giraldi Cambrensis in librum tertium Vaticanum Prologus, qui adjectus est, vice, Appendicis, ad duos ejusdem libros Vaticanæ Historiæ, de Expugnatione Hiberniæ,</i>	85
	<i>Professiones ab Ostmannorū in Hiberniā Episcopis, ordinationis suæ tempore, Cantuariensibus Archiepiscopis factæ,</i>	88
	<i>Edgari Regis Anglorum Charta de Osvaldes-lavv,</i>	90

Vsserij recessiones quæ in fine Editionis Dublinensis repositæ erant, singulis in hac Editione Epistolis subjectæ sunt, pro Majori Lectorum commoditate.



VETERVM EPISTOLARVM HIBERNICARVM SYLLOGE.

GREGORII I. Romani Pontificis, ad Episcopos Hiberniæ. EPIST. I.

Gregorius, Vniuersis Episcopis per Hiberniam.



SCRIPTA vestra summâ cum gratulatione suscepi : sed erit in me uberior valdè lætitia, si mihi de vestrâ contigerit reversione gaudere. Prima itaque Epistolæ vestræ trons gravem vos pati persecutionem innotuit. Quæ quidem persecutio dum non rationabiliter sustinetur, nequaquam proficit ad salutem. Nam nulli fas est retributionem præmiorum expectare pro culpâ. Debetis enim scire (sicut beatus Cyprianus dixit) quia *Martyrem non facit pœna, sed causa*. Dum igitur ita sit, incongruum nimis est de eâ vos, quam dicitis, persecutione gloriari, per quam vos constat ad æterna præmia minimè provchi. Reducat ergo charitatem vestram tandem integritas fidei ad matrem, quæ vos generavit, Ecclesiam. Nulla vos animorum intentio à concordia unitate dissociet : nulla persuasio rependo vos à recto itinere defatiget. Nam in Synodo, in quâ de *Tribus capitulis* actum est, apertò liquet, nihil de fide convulsam esse, vel aliquatenus immutatum, sed (sicut scitis) de quibuscumque illis solummodò personis est actitatum : quarum una, cujus scripta evidenter à rectitudine Catholicæ fidei deviabant, non injustè damnata est.

Anno Christi 591.

Quod autem scribitis, quia ex illo tempore inter alias provincias maxime flagellatur Italia : non hoc ad eius debetis intorquere opprobrium quoniam scriptum est : *Quem diligit Dominus, castigat ; flagellat autem omnem filium quem recipit*. Si igitur ita est, ut dicitis ; ex eo tempore magis dilecta est apud Deum & modis omnibus approbata, ex quo Domini sui meruit sustinere flagella. Quia verò non ita sit, quemadmodum, vos in eius insultatione asfirmate conamini, rationem attendite. Postquam recordandæ memoriæ *Vigilius* Papa in urbe regiâ constitutus,

Hebr. 12. 6.

Vlserij Epist. Hibern.

A

contra *Theodorum* tunc *Augustam* & *Acephalos* damnationis promulgavit sententiam; tunc *Romana* urbs ab hostibus adita & captivata est. Ergo bonam causam habuerunt *Acephals*, & iniuste damnati sunt, post quorum damnationem talia contigerunt? Absit. Hoc enim nec nostrum quempiam, nec alios qui Catholicæ fidei mysteriis instituti sunt, vel dicere, vel aliquo modo confiteri convenit. His denique cognitis, ab hac quandoque iam deliberatione recedite.

Ut igitur de *Tribus capitulis* animis vestris ablata dubietate, possit satisfactio abundanter infundi; librum quem ex hac re sanctæ memoriæ decessor meus *Pelagius* Papa scripserat, vobis utile iudicavi transmittere. Quem si deposito voluntariæ defensionis studio, puro vigilantique corde sapius volueritis relegere; cum vos per omnia secuturos, & ad unitatem nostram reversuros nihilominus esse confido. Porro autem si, post huius libri lectionem, in eâ quæ estis volueritis deliberatione persistere; sine dubio non rationi operam, sed obstinationi vos dare monstratis. Vnde iterum habitâ locutione, charitatem vestram admonéo, ut quoniam (Deo suffragante) fidei nostræ integritas in causâ *Trium capitulorum* inviolata permansit; mentis tumore deposito, tanto citius ad matrem vestram, quæ filios suos expectat & invitat, Ecclesiam redeatis, quanto vos ab eâ quotidie expectari cognoscitis.

RECENSIO.

Ex *Gregorij Regesto*, lib. 2. *epist.* 36. *Inditione* 10. quæ anno ara nostra *Christiana* 591. respondet.

EPIST. II.

Ejusdem GREGORII, ad *Quirinum* Episcopum.

Anno Christi
601.

Gregorius, Quirino Episcopo, & cæteris Episcopis in Hiberniâ Catholicis.

Quia charitati nil longè est; quos dividunt loca, jungat epistola. Lator itaque præsentium ad *Petri* Apostolorum principis Ecclesiam veniens, fraternitatis vestræ se asservit ad nos epistolas accepisse, easque in *Hierosolymorum* urbe cum rebus quoque alijs perdidisse. In quibus, sicut ipse ait, studuistis inquirere, sacerdotes ac plebes quæ *Nestoriana* hæreseos etrote confusæ sunt, cum ad matrem electorum omnium Catholicam Ecclesiam revertuntur, utrum baptizari debeant, an certè solius veræ fidei confessione ejusdem matris Ecclesiæ visceribus adjungi.

Et quidem ab antiquâ patrum institutione didicimus, ut qui apud hæresim in *Trinitatis* nomine baptizantur, cum ad sanctam Ecclesiam redeunt, aut unctione chrismatis, aut impositione manus, aut solâ professione fidei ad sinum matris Ecclesiæ revocentur. Vnde *Arianos* per impositionem manus *Occidens*, per unctionem verò sancti chrismatis ad ingressum sanctæ Ecclesiæ Catholicæ *Oriens* reformat. *Monophysitas* verò & alios ex solâ vera confessione recipit; quia sanctum baptismum, quod sunt apud hæreticos consecuti, tunc in eis vires emundationis accipit,

cum vel illi per impositionem manus Spiritum sanctum acceperint, vel isti per professionem veræ fidei sanctæ & universalis Ecclesiæ visceribus fuerint uniti. Hi verò hæretici qui in Trinitatis nomine minimè baptizantur, sicut sunt * *Bonofiani & Cataphryges* (quia & illi Christum Do- * al. *Bono-*
minum non credunt, & isti sanctum Spiritum perverso sensu esse quen- *fici.*
dam pravum hominem *Montanum* credunt, quorum similes multi sunt) & alij tales, cum ad sanctam Ecclesiam veniunt, baptizantur: quia baptis-
ma non fuit, quod in errore positi in sanctæ Trinitatis nomine minimè perceperunt. Nec potest hoc ipsum baptisma dici iteratum; quod,
sicut dictum est, in Trinitatis nomine non erat datum.

Nestoriani verò quia in sanctæ Trinitatis nomine baptizantur, sed eos Iudaicæ perfidiæ similes, incarnationem unigeniti non credentes, suæ hæreseos error obscurat, ad sanctam Ecclesiam catholicam venientes, de veræ fidei firmitate & confessione docendi sunt: ut unum eundemque Dei & hominis filium, Deum Dominum nostrum Iesum Christum credant, ipsum existentem in divinitate ante sæcula, & ipsum factum hominem in fine sæculorum: quia *Verbum caro factum est, & habitavit in nobis.* Verbum verò carnem dicimus factum, non immutando quod erat, sed suscipiendo quod non erat. Incarnationis enim suæ mysterio unigenitus patris nostra auxit, sua non minuit. Una itaque persona est Verbum & caro, sicut ipse ait: *Nemo ascendit in cælum, nisi qui de cælo descendit, Filius hominis qui est in cælo.* Qui filius Dei in cælo, erat filius hominis qui loquebatur in terrâ. Ioan. 1. 14.

Hinc Ioannes ait: *Scimus quia filius Dei venit, & dedit nobis sensum.* Qui nobis quem sensum dederit, illicò subiungit: *ut cognoscamus verum Deum.* Quem hoc loco verum Deum insinuat, nisi Patrem omnipotentem? Sed quid etiam de omnipotente filio sentiat, adjungit: *Et sumus in vero filio eius Iesu Christo.* Ecce ait verum Deum Patrem, verum eius filium Iesum Christum. Quem verum filium quid esse sentiat, apertius ostendit: *Hic est, inquit, verus Deus, & vita æterna.* Si igitur, iuxta errorem *Nestorij*, alius Verbum, atque alius esset homo Iesus Christus; qui verus est homo, utique verus Deus non esset & vita æterna. Sed unigenitus filius Verbum ante sæcula factus est homo. Hic est ergo *verus Deus, & vita æterna.* 1. Ioan. 5. 13.

Certè cum hunc sancta Virgo conceptura esset, & loquentem ad se Angelum audiret, ait: *Ecce ancilla Domini, fiat mihi sicut dicis.* Quæ cum eum concepisset, & ad *Elizebeth* cognatam suam pergeret, ab eadem *Elizabeth* protinus audivit: *Vnde ego digna, ut mater Domini mei veniat ad me?* Ecce eadem Virgo & ancilla Domini dicitur, & mater. Ancilla enim Domini, quia Verbum ante sæcula unigenitus æqualis est patri: Mater verò, quia in eius visceribus ex sancto Spiritu, de eiusque carne factus est homo. Nec alterius ancilla, alterius mater: quia dum unigenitus Dei existens ante sæcula, ex eius utero natus est homo, intelligibili miraculo facta est ancilla hominis per divinitatem, & mater Dei per carnem. Luc 1. 38.
Luc. 1. 43.

Non autem priùs in utero Virginis caro concepta est, & postmodum

Psal. 45. 7.

divinitas venit in carnem: sed mox ut Verbum venit in utero, mox Verbum servatâ propriâ veritate naturæ factum est caro. Et perfectus homo, id est, in veritate carnis & animæ rationalis, natus est per uterum Virginis unigenitus filius Dei. Vnde & unctus præ participibus dicitur, sicut Psalmista ait: *Vnx it te Deus, Deus tuus, oleo laetitiae præ consortibus tuis.* Unctus quippe est oleo, dono videlicet Spiritus sancti: sed præ consortibus unctus est, quia omnes nos prius peccatores homines existimus, & postmodum per unctionem sancti Spiritus sanctificamur. Ipse autem qui existens Deus ante sæcula, per sanctum Spiritum in utero Virginis homo conceptus est in fine sæculorum, ibi ab eodem Spiritu unctus est, ubi conceptus: Nec antè conceptus, & postmodum unctus est; sed hoc ipsum de Spiritu sancto ex carne Virginis concipi, à sancto Spiritu ungi fuit.

Hanc ergò nativitatis eius veritatem quicumque à perverso errore *Nestorsj* revertuntur, coram sanctâ fraternitatis vestræ congregatione fateantur; eundem *Nestorium*, cum omnibus sequacibus suis, & reliquis hæreses anathematizantes. Venerandas quoque Synodos, quas universalis Ecclesia recipit, se recipere & venerari promittant: & absque ullâ dubitatione eos Sanctitas vestra, servatis eis proprijs ordinibus, in suo cætu recipiat: ut dum & per sollicitudinem occulta mentis eorum discutitis, atque eos per veram scientiam recta quæ tenere debeant doceatis, & per mansuetudinem eis nullam contrarietatem vel difficultatem de proprijs suis ordinibus facitis; eos ab antiqui hostis ore rapiatis. Et tanto vobis apud omnipotentem Deum æternæ gloriæ crescat tributio, quanto multos colligitis, qui vobiscum in Domino sine fine gloriantur. Sancta itaque Trinitas orantes pro nobis suâ vos protectione custodiat; vobisque in amore suo dona multipliciora concedat.

R E C E N S I O.

Ex Regest. lib. 9. Epist. 61. Indictione 4. (quæ in annum 601. incurrit:) licet manuscriptus Vaticanus Iberiam hic legat, pro Hibernia.

S. COLVMBANI Hiberni.

EPIST. III.

Circa annum 610.

OTu Vita quantos decepisti, quantos seduxisti, quantos excæcasti: Quæ, dum fugis, nihil es; dum videris, umbra es; dum exaltaris, fumus es. quæ quotidie fugis, & quotidie venis; quæ veniendo fugis & fugiendo venis: dissimilis eventu, similis ortu, dissimilis luxu, similis fluxu; dulcis stultis, amara sapientibus. Qui te amant non te sciunt: & qui te contemnunt, ipsi te intelligunt. Ergo non es vera, sed fallax. te ostendis quasi veram, te reducis quasi fallacem. Quid ergo es humana Vita? via es mortalium, & non vita, à peccato incipiens usque ad moriem. Vera enim esses, si te peccatum primæ transgressionis humanæ non interrupisset. & tunc casabunda & moralis devenisti, cum omnes ruos viatores morti assignasti. Via, ergo es ad vitam, non vita. vera enim es, via, sed non plana; alijs longa, alijs

brevis; alijs lata, alijs angusta, alijs læta, alijs tristis; omnibus similiter festinans, & irrevocabilis: via es, inquam, via es, sed non omnibus manifesta es. multi enim te vident, sed pauci te viam esse intelligunt. Sic enim subtilis es, & sic seductrix, ut paucorum sit te scire viam. Interroganda ergo es, & non credenda nec vendicanda; transeunda non habitanda, misera humana Vita. Nullus enim in viâ habitat, sed ambulat; ut qui ambulat in viâ, habitent in patriâ. Quare ergo tu mortalis Vita habitaris, diligeris, vendicaris? * Ascita es à perditis, contemneris à sensatis, caveris à salvandis. Timenda itaque es humana Vita, & multum cavenda; quæ sic fugitiva es, sic periculosa, sic brevis, sic incerta, ut quasi umbra, aut imago, aut nubes, aut nihil, aut inane, dissolvatur. Dum ergo nihil es: ô mortalis Vita, nisi viâ imago, fugitiva ut avis, ut nubes incerta, & fragilis ut umbra, ut somnium: sic per te iter agendum est, tam sollicitè, tam cautè, tam expeditè, ut viatorum morere ad veram Patriam omnibus intelligentibus festinandum sit; de transacto securis, de eo quod restat sollicitis. Nihil enim tibi prodest ascendere, quod ascenderis, nisi, quod restat, evaseris. Via enim, & ascensus quidam, putanda est Vita hæc. Non quæramus in viâ, quod futurum est in patriâ. Labor enim & fatigatio in itinere versatur; in patriâ requies & securitas paratur. Cavendum est itaque nobis, ne foris per viam securi simus, & ad veram nostram patriam non perveniamus. Sunt enim reverà nonnulli in hoc itinere securi, a desides, lividi: ut non tam in viâ, quàm in patriâ esse videantur: & non tam voluntarij, quàm invitè eunt ad patriam, nimirum iam perditam. Hic enim in viâ præcisi sunt patriâ, & de brevi vitâ æternam mortem mercati sunt: infelices de frustrato commercio læti sunt; aliena caduca dilexerunt, & propria æterna neglexerunt. Quapropter quamvis sint læta, quamvis blanda, quamvis sint speciosa, aliena terrenâ devitemus, ut propria æterna non perdamus. *Fideles in alienis inveniamur, ut in propriis ac nostris hæredes efficiamur: donante Domino nostro Iesu Christo, qui vivit & regnat in sæcula sæculorum. Amen.*

* al. *Diligens à stultis.*

Luc. 16. 12.

a *Desides, lividi*, in Sangallensi codice omittuntur hæ duæ voces; non malè.

R E C E N S I O.

De eo Trichemius, in libro de *Scriptoribus Ecclesiasticis*. Ex Hiberniâ veniens in Galliam & Germaniam, velut olim Druidum principes, cultus divini & cœnobii auxit & famulos. Cùm adhuc junior esset, magnum studium litteris sanctis impendit: adeo ut elegantè stylo scriperet. In totum Platerium Commentariorum lib. 1. & qualdam ad fratres Epistolas. Inter Epistolas verò hanc primùm edidit. CL. Melchior Haminsfeldius Goldastus, ex vetustissimo codice Bibliotheca Atonasterij S. Gallj, in quo, hoc titule prænotata legebatur. INCIPIT EPISTOLA S. COLUMBANI ABBATIS, quamquam in eâ nullum apparere epistolici characteris vestigium, v. g. à viro cruditissimo est observatum: sicut etiam, hinc sermones sui 49. exordium mutuum esse Homiliarum ad fratres in eremo, quæ inter Augustini opera servantur, consarcinatore. Et senè, inter Columbani instructiones, seu Homilias XIII. quæ in manuscriptis Monasterij Bobiensis habentur, hæc ipsa ordine quinta reperitur; indeque descripta. Parisijs à Thomâ Massinghame typis est mandata. Nos verò, ex mûltâ utriusque editionis collatione, hanc suæ Epistolam, seu Homiliam aliquanto emendatiorē hic exhibuimus.

EPI. T. IV.

Ejusdem COLYMBANI, Rhythmica.

* id est, al-
teri.

Ioan. 3. 19.

Esaï. 40. 6.
1. Petri. 1. 24.
Iacob. 1. 11.

MVndus iste transit, & quotidie decrescit :
 Nemo vivens manebit, nullus vivus remansit.
 Totum humanum genus ortu utitur pari,
 Et de simili viâ sine cadit æquali.
 Deferentibus vitam mors incerta subripit :
 Omnes superbos vagos mœror mortis corrumpit.
 Quod pro Christo largiri nolunt, omnes avari
 Importunè omittunt : post se colligunt * alii.
 Parvum ipsi viventes Deo dare vix audent :
 Morti cuncta relinquunt ; nihil de ipsis habent.
 Quotidie decrescit vita præsens, quam amant :
 Indeficiens manet sibi pœna quam parant.
 Lubricum, quod labitur, conantur colligere :
 Et hoc, quod se seducit, minùs timent credere.
 Dillexerunt tenebras tetras magis quàm lucem :
 Imitari contemnunt vitæ Dominum Ducem.
 Velut in somnis regnent, unâ horâ lætantur :
 Sed æterna tormenta adhuc illis parantur.
 Cæci nequaquàm vident quid post obitum restat :
 Peccatori impio quod impietas præstat.
 Cogitare convenit te hæc cuncta, Amice :
 Ablit tibi amare huius formulam vitæ.
Omnis caro ut fœnum, flagrans licet florida :
 Sicque, *quasi flos fœni omnis eius gloria*.
 Orto sole arescit fœnum, & flos deperit :
 Sic est omnis iuventus, virtus cùm defecerit.
 Vultus Christi radius præ cunctis amabilis,
 Magis diligendus est, quàm flos carnis fragilis.
 Cavero, Filiole, seminare species,
 Quas mox ingreditur non parva perniciēs.
 Plerique perpeSSI sunt pœnarum incendia ;
 Voluntatis lubricæ nolentes dispendia.
 Poculum impijssimæ noli tu bibere ;
 Vnde multos plerumque vides lætos ridere.
 Nam quoscumque videris ridere inaniter ;
 Scito in novissimis quod flebunt amariter.
 Conspice, Charissime, sic esse libidinem,
 Ut morsum mortiferum ; quod vincit dulcedinem,
 Noli pronus pergere per vias mortalium :
 Quàm multis evenisse conspicias naufragium ?
 Perge inter laqueos cum suspensis pedibus ;
 Per quos captos cæteros incautos comperimus.

De terrenis eleva tui cordis oculos:
 Ama amantissimos Angelorum populos.
 Beata familia, quæ in altis habitat:
 Vbi senex non gemat, neque infans vagiat:
 Vbi non esurit, ubi numquam sititur:
 Vbi cibo superno plebs cœlestis pascitur.
 Vbi nemo moritur, quia nemo nascitur:
 Vbi aula regia [ac] cœlestis pascitur.
 Vbi vita viridis veraque est futura:
 Quam nec mors, nec mœtoris metus, est consumptura.
 Læti leto transacto lætum Regem videbunt;
 Cum regnante regnabunt, cum gaudente gaudebunt.
 Tunc dolor, tunc tædium, tunc labor delebitur:
 Tunc Rex Regum, Rex mundus, à mundis videbitur.

RECENSIO.

Ex duobus antiquis Bibliotheca Sangallensis Monasterij exemplaribus edidit Gellastus: quorum unum deduxit, alterum auctoris nomen praeferbat. Verum & illud & me quoque fugerat, quod à doctissimo Episcopo Kilmarensi D. Guilielmo Bello est animadversum, rhythmis orationem totam contineri. Ut inter ea qua ad canendum digna Columbanum edidisse scribit a Ionas & b Sigebertus, etiam hac numeranda fuerit epistola. Versus enim sunt parisyllabi omnes, modulationi accommodati: in quibus, elisionum & quantitatis ratione prorsus neglecta, quatuordecim syllabarum numerus studiosè est observatus. Vnde singulis per styxus descriptis, paucula quadam à nobis sunt leviter immutata, & ita quoque dempti versiculi, quibus nullus alius simili rhythmo desinens respondere deprehendebatur, nempe post distichen decimum-tertium.

Pulchritudo hominum senescens delabitur.

Post vigesimum-tertium. Vbi laudes Domini nulla vox retinet. vel potius (ut & sensus & numeri syllabarum ratio postulat) nulla vox non retinet.

& post vigesimum-quintum. In qua malè resonans, nulla vox audita est. Huius generis versus, inter Bonifacij Moguntini epistolae, complures occurrunt, octo syllabarum numero constantes: de quibus (in epistolâ sexagesima-quinta ad Althelmum) ita meminit Adilvaldus. Huic nostrae parvitaris Epistolae vixina cantari modulaminis carmina, binis generibus digesta subdidimus, &c. quorum tertium non pedum mensurâ elucidratum, sed octonis syllabis in uno quolibet versu compositis (una eademque littera comparibus linearum tramitibus aptata) cursum calamo perarante caraxatum tibi sagacissime cefator, transmittens dicavi. simplicibus verò hîc rhythmis successerunt demum versus qui (ab inventoris, ut putatur, nomine) Leonini sunt dicti ex rhythmo pariter & metro constantes: utpote, in quibus tum similiter cadentium, tum quantitatis syllabarum ratio est habita. Cuius generis inter primos qui exstant, Guilielmi Pictaviensis illi sunt, quos ad Epistolam 29. sumus producturi.

a Ionas Abbas in Vita S. Columbani, cap. 2. b Sigebert. de script. Eccles. cap. 60. c Pater, ut infra in (ipsius Aldhelmi) epistola XIII.

Ejusdem COLUMBANI ad HYNALDVM.

EPIST. Vd

Omnia innumeris decurrunt tempora vitæ,
 Omnia pretereunt, menses volvuntur * & anni;
 Abitur in senium momentis omnibus ætas.

* al. in annis.

VETERVM EPISTOLARVM

V t tibi perpetuam liceat comprehendere vitam,
 Viles illecebras vitæ nunc sperne caducæ.
 V blandâ luxuriâ virtus superatur honesta.
 V rdet avaritiâ cœcâque cupidine pectus.
 V nescit habere modum vanis mens dedita curis.
 V ilius argentum est auro, virtutibus aurum.
 V summa quies, nil velle super, quàm postulat usus.
 V hos ergo versiculos misi tibi sæpè legendos:
 V t mea dicta tuis admittas auribus, oro.
 V ne te decipiat vana & peritura voluptas.
 V spice quàm brevis est procerum regumque potestas.
 V ubricâ mortalis citò transit gloria vitæ.
 V da veniam dictis; fuimus fortasse loquaces.
 V omne quod est nimium, semper vitare memento.

Columbanus Hibernus, Hunaldo discipulo.

Suscipe, *Hunalde*; libens & perlege mente serenâ
 Dicta *Columbani*, fidâ te voce moneniis:
 Quæ licet ornari careant sermonis honesti,
 Vota tamen, mentisque pia testantur amorem.
 Vive, Deo fidens, Christi præcepta sequendo,
 Dum modò vita manet, dum tempora certa salutis.
 Tempus & hora volat, momentis labitur ætas.
 Despice, quæ pereunt, fugitivæ gaudia vitæ.
 Non fragiles secleris opes, & inania lucta:
 Nec te sollicitet circumflua copia rerum.
 Sint tibi divitiæ, divinæ dogmata legis,
 Sanctorumque patrum castæ moderamina vitæ;
 Omnia quæ dociles scripserunt anîdè magistri,
 Vel quæ doctiloqui cecinerunt carmina vates.
 Has cape, divitias semper contemne caducas:
 In mentemque tibi veniat tremebunda senectus;
 Quam gelidæ tandem sequitur violentia mortis.
 Ultima jam sapiens meditatur tempora vitæ,
 Torpentes senio vires, morbosque frequentes,
 Incertumque diem lethi, certosque dolores.
 Multa senem fragilis vexant incommoda carnis.
 Nam macie turpi tabescunt languida membra:
 Tunc genuum junctura riget, venasque per omnes
 Illius in toto frigescit corpore sanguis;
 Sic baculo nitens artus sustentat inertes.
 Quid tristes memorem gemitus: quid tædia mentis?
 Somnus abest oculis, illumi sonus excitat omnis.
 Quid tunc argenti, fulvi quid proderit auri
 Improba congeries multos collecta per annos?
 Munera quid procerum? ditis quid prandia mensæ?
 Quid meminisse juvat transactæ gaudia vitæ,

Venerit

HIBERNICARVM SYLLOGE.

Venerit extremi tandem cùm terminus ævi?
 Hæc, dum vitæ volat, vigili quæ mente retractat,
 Spernit avasitiam, vanoque refutat honores.
 Quid modò terrenis mentes intendere curis
 Mortales cupiunt? quid turpia lucra sequuntur?
 Semper avarus eget nummo, testante Poëta,
 Crescit amor nummi, quantum ipsa pecunia crescit.
 Indiget inter opes, nec habet quod habere videtur:
 Ille domi solus nummos abscondit in arcâ,
 Divitias cumulans: dum sese nescit amare,
 Plus amat hæredem, servat cui cuncta fidelis.
 O nimium felix, parcus cui sufficit usus,
 Corporis ut curam moderamine temperet æquo.
 Non miserâ capitur cæcæque cupidine rerum,
 Nec majora cupit, quàm quæ natura reposcit:
 Non lucri cupidus nummis marsuppia replet,
 Nec molles cumulat tinearum ad pabula vestes:
 Pascere non piugui procurat fruge caballos,
 Nec trepido tales volvit sub pectore curas,
 Ne subitis pereat collecta pecunia flammis,
 Aut fractâ nummos rapiat fur improbus auro,
 Vivitur argento sine, iam sine vivitur auro;
 Nudi nascuntur, nudos quoque terra receptat.
 Divitibus nigri referantur limina Ditis,
 Pauperibusque pijs cœlestia regna patefunt.
 Temnere divitias monuit Salvator avaros:
 Quisquis amat Christum, sequitur vestigia Christi.
 Nam brevis & fragilis morituræ gloria carnis,
 Quicquid habet, rapidi velox fuga temporis aufert.
 Pulchrè veridici cecinit vox talia Vatis,
 Tempora dinumerans ævi vitæque caduca:
 Omnia tempus agit, cum tempore cuncta trahuntur.
 Alternant elementa vices, & tempora mutant:
 Accipiunt augmenta dies noctesque vicissim,
 Tempora sunt florum, retinet sua tempore messis:
 Sic iterùm spisso vestitur gramine campus.
 Tempora gaudendi, sunt tempora cæta dolendi:
 Tempora sunt vitæ, sunt tristitia tempora mortis.
 Omnia dat, tollit, minuitque volatile tempus.
 Ver, æstas, autumnus, hyems, redit annus in annum:
 Omnia cùm redeunt, homini sua non redit ætas.
 Hæc sapiens omni semper reminiscitur horâ,
 Atque domum luctus epulis præponit opimis.
 Ultima nunc humili concludam verba precatu;
 Sis memor ipse mei, versus cùm legeris istos.
 Tempora sic habes optatæ longa senectæ.

Vsserij Epist. Hibern.

Ecclesiast.

3. 4.

RECENSIO.

Acrostichis utriusque nomen complectens, à Goldasto, primum est edita, sed à subsequente Epistolâ divulgata, quam ille ad Sethum quendam scriptam fuisse putavit; fretus autoritate Manuscripti Sangallensis, in quo primus versus ita legebatur.

Suscipe, Sethe, libens & perlege mente serena.

Nos verò inscriptionem alteram, quam in primâ hujus Epistolæ editione ex suis codicibus expressit Georgius Fabricius, vel eo nomine retinendam censuimus; quod non tam ad ipsam Acrostichidem, quam ad sequens Carmen, illa loquacitatis excusatio referenda videatur;

Da veniam dictis, fuimus fortasse loquaces.

EPIST. VI.

Ejusdem COLUMBANI, ad Fedolium.

Accipe, quaeso,
Nunc tibi paucali
Condita versu
Carminulorum
Munera parva:
Tuque frequenter
Mutua nobis
Obsequiorum
Debita redde.
Nam velut æstu,
Flantibus Austris,
Arida gaudent
Imbribus arva;
Sic tua nostras
Missa frequenter
Lætificabit
Pagina mentes.

Non ego posco
Nunc peritura
Munera gazæ:
Non, quod avarus
Semper egendo
Congregat, aurum:
Quod sapientum
Lumina cæcat,
Et velut ignis
Flamma perurit
Improba corda.
Sæpè nefanda
Crimina multis
Suggerit, auri
Dira cupido.

* Casus
recti.
ἀπὸ καὶ καὶ.

E quibus ista
Nunc tibi paucali
Tempore prisco
Gesta retexam.
Exstitit ingens
Causa malorum
Aurea pellis.
Corruit auri
Munere parvo
Cæna Dearum;
Ac tribus illis
Maxima lis est
Orta Deabus.
Hinc populavit
Trojugarum
Ditia regna
Dorica pubes.
Iuraque legum
Fasque fidesque
Rumpitur auro.
Impia quippe
Pigmalionis
Regis ob aurum
Gesta leguntur.
Sic Polydorum
Hospes avarus
Incitus auro
Fraude necavit.
Fœmina sæpè
Perdit ob aurum
Casta pudorem.
Non * Iovis auri

Fluxit in imbre:
Sed quod adulter
Obtulit aurum,
Aureus ille
Fingitur imber.
Amphiarum
Prodidit auro
Perfida conjunx.
Hæctoris heros
Vendidit auro
Corpus Achilles,
Et referati
Munere certo
Nigra feruntur
Limina Diis.
Nunc ego possena
Plura referre.
Ni brevitatis
Causa vetaret.
Hæc tibi, Frater
Inclite, parva
Litterularum
Munera mittens,
Suggero vanas
Linquere curas.
Desine, quaeso,
Nunc animosos
Pascere pingui
Farre caballos:
Lucraque lucris
Accumulando,
Desine nummis

Addere nummos.	Sed tamen illa	Vltima versus
Vt quid iniquis	Trojugenarum	Iure licebit.
Confociaris,	Inclita Vates	Tu modò, Frater
Munera quorum	Nomine Sappho,	Alme Fedoli,
Crebra recepras?	Versibus istis	Nectare nobis
Odit iniqui	Dulce solebat	Dulcior omni,
Munera Christus.	Edere carmen.	Floridiora
Hæc sapienti	Si tibi cura	Doctiloquorum
Despicienda,	Fortè volenti	Carmina linquens,
Qui fugitivæ	Carmina tali	Frivola nostra
Atque caducæ	Condere versu,	Suscipe lætus.
Cernere debet	Semper ut unus	Sic tibi <i>Christus</i> ,
Tempora vitæ.	Ordine certo	Arbiter orbis,
Sufficit autem	Dactylus istic	Omnipotentis
Ista loquaci	Incipiat pes:	Vnica proles,
Nunc cecinisse	Inde sequenti	Dulcia vitæ
Carmina versu.	Parte trochæus	Gaudia reddat:
Nam nova forsan	Proximus illi	Qui sine fine,
Esse videtur	Ritè locetur.	* Nomine Patris
Ista legenti	Sæpè duabus	Cuncta gubernans
Formula versus.	Claudere longis	Regnat in ævum.

* al. *Nm*
mine.

Hæc tibi dictâram morbis oppressus acerbis,
Corpore quos fragili patior, tristisque senectâ.
Nam dum præcipiti labuntur tempora cursu,
Nunc ad Olympiadis * ter senos venimus annos.
Omnia prætereunt, fugit irreparabile tempus.
Vive, vale lætus, tristisque memento senectæ.

* al. *ter*
sen.

R E C E N S I O.

Ex manuscriptis Bibliotheca Monasterij S. Galli, anno 1604. à M. Galdasto & Henr. Canisio edita. Versibus autem bipedalibus Adonicis est conscripta: eïstionis syllabarum occasione omni diligenter evitatâ, ut Carmen esset constanter πω/ισούλαςov eoque ad cantum magis apud conveniret. Annexi sunt & Hexametri sex: in quorum antepenultimo ætatem suam author ita indicat

Nunc ad Olympiadis ter senæ venimus annos.

Vel pluraliter potius, Olympiadum ter senum: Vt ista scripserit Columbanus, annum agens vel LXXII. si quatuor, vel XC. si quinque annorum ipatio (Latinorum quorundam more) Olympiadicam periodum definiamus.

LAURENTII Dorobernensis Archiepiscopi, ad Scotos,
Hiberniæ incolas.

EPIST. VII.

Dominis, charissimis fratribus, Episcopis vel Abbatibus per universam
Scotiam; Laurentius & Iustus Episcopi, servi
servorum Dei.

Circa an-
num 614.

DVm nos sedes Apostolica more suo, sicut in universo orbe terra-
rum, in his occiduis partibus ad prædicandum gentibus Paganis

dirigeret; atque in hanc insulam, quæ Britannia nuncupatur, contigit introisse: antequàm cognosceremus, credentes quòd iuxta morem universalis Ecclesie ingrederentur, in magnâ reverentiâ sanctitatis tam Britones quàm Scotos venerati sumus. Sed cognoscētes Britones, Scotos meliores putavimus. Scotos verò per *Daganum* Episcopum in hanc quam superius memoravimus insulam, & * *Columbanum* Abbatem in Galliis venientem, nihil discrepare à Britonibus in eorum conversatione didicimus. Nam *Daganus* Episcopus ad nos veniens, non solum cibum nobiscum, sed nec in eodem hospitio quo vesebamur sumere voluit.

* cuius iam proximè præcesserunt Epistolæ.

Cætera, quæ de legitimo observandi Paschæ tempore sequebantur, desiderantur.

RECENSIO.

Desumptum est hoc Epistola huius principum ex Bedæ Historia Ecclesiastica libro 1. cap. 4. ubi & religio partis, quæ desideratur, argumentum ita enarratum invenitur. Laurentius non solum novæ, quæ de Angliis erat collecta, Ecclesie curam gerebat, sed & veterum Britannicæ incolarum, nec non & Scotorum, qui Hiberniam insulam Britannicæ proximam incolunt, populis pastorem impendere sollicitudinem curabat. Siquidem ubi Scotorum in præfatâ ipsorum patriâ, quomodo & Britonum in ipsâ Britannia, vitam ac professionem minus Ecclesiasticam in multis esse cognovit, maximè quòd Paschæ solemnitate non suo tempore celebrarent, sed à decima quartâ Lunâ usque ad vicissimam Dominicæ Resurrectionis, diem observandum esse putarent: scripsit cum Cœpiscopis suis exhortatorium ad eos Epistolam; obsecrans eos & contestans, unitatem pacis & Catholicæ observationis cum eâ quæ toto orbe diffusa est Ecclesiâ Christi tenere. De eodem etiam Laurentio, in Vita eius à Gotselino Bersimiano descriptâ, hac potestur narratio. Fama eius transvolante maria, quia lux in candelabro & civitas in monte nequit abscondi; sanctus Terenanus archipontifex Hiberniæ ad eum transit, vir tantæ sanctitatis, ut tres mortuos suscitasse perhibeatur. Qui audientes beatum Laurentium de Paschæ observatione aliisque Apostolicis institutionibus mutuo conventu disputantem, dedit manus veritati; suoque discipulos (indignantes quòd tam divinus vir tali advenæ subiaceret) ad veritatis lineam, suo exemplo, cum sua gente corripuit. vel potius (ut Ioannes Tinmouthensis, & eius scriptor Ioannes Capgrave, rem narrat) suam gentem in posterum corrigere satagebat.

EPISTOLA
VIII.
Anno Christi
633.

S. LIVINI Episcopi & Martyris, ad Florbertum Abbatem
Monasterij S. Bavonis.

A Vdeo mira loqui; Solem sine lumine vidi,
Est sine luce dies, sic sine pace quies.
Hos postquam populos conspexi luce serenas;
Sol mihi non luxit, nox fuit una mihi.
Impia Barbarico gens exagitata tumultu
Hic *Brachanna* furit meque cruenta petit.
Quid tibi peccavi, qui pacis nuntia porto?
Pax est quod porto; cur mihi bella moves?
Sed quâ tu spiras feritas fors læta triumphi,
Atque dabit palmam gloria martyrij.

Cui credam novi, nec spe frustrabor inani:
 Qui spondet Deus est, quis dubitare potest?
 Attamen est aliquid mœsta solatia menti
 Quod dat, nec penitus me premit atra dies.
 Gauda parat gremium, quo me fover ubere lato;
 Invitat, mulcet, nutrit, amat, refovet.
 Hic est *Florberius*, quem virtus flore perornat,
 Cui probitas floret, flos probitate viger.
 Forma gregis, decus Ecclesiæ, concordia fratrum;
 Ipse suis medicus, & medicina sibi.
 Quid referam pietatis opus? quod me peregrinum
 Obsequiis lætis dum fover, addit onus.
 Sufficeret fratrum fratrem dixisse *Livinum*;
 Pontificis nomen pergravar & Domini.
 Egressus patriam, pompæ mortalis honorem
 Sprevi, devovi, spes Deus una mihi.
 Attamen inveniet quod Christo sedulus offert,
 Quod sic sum pauper hoc sibi nil minuet.
 Plus aliquid præstat absenti munere largo;
 Præfens continuis me fover obsequiis.
 Hæc quoque dum scribo, properans agitator aselli
 Munere nos solito, pondere lassus, adit.
 Ruris delicias affert, cum lacte butyrum,
 Ovaque, caseoli plena canistra premunt.
 Hospita quid restas? affer iam sedula gressum;
 Collige divitias, quæ modò pauper eras.
 Fervet, olus succum, sed nunc condire licebit:
 Ollula dura priùs, uncta suavis erit.
 * *HOLTAN* villa gravis, quæ nescis reddere fructum;
 Vrticas, lappas, cur bene culta refers?
 Hoc est quo recteor, quod habet paupercula tantum
 Hospita quod mittit, vel mihi *Gauda* boni.
 Et pius ille pater cum donis mollia verba
 Mittit, & ad studium sollicitat precibus.
 Ac titulo magnum iuber insignite *Bavonem*;
 Atque leves elegos esse decus tumulo.
 Nec reputar, fisco cum stridet fistula ligno,
 Quod soleat raucum reddere quassa sonum.
 Exigui rivi pauper quam vena ministrat
 Lasso vix tenues unda ministrat opem.
 Sic ego, qui quondam studio florente videbar
 Esse poëta, modò curro pedester equo.
 Et qui Castalio dicebar fonte madentem

† forte;
 opes.

* Bonifacio in Vita Livini, fundus, qui veteri notabulo *HOLTHERM* dicitur hodie *HAYTHEM* pagus territorij Alostenis, tertio milliari à portu *Gauda*, sive *Gauda*-vo positus.

VETERVM EPISTOLARVM

Dictæo versu posse movere Lyram :

Carmine nunc lacero dictant mihi verba Camænæ ;

Mensque dolens , lætis apta nec est modulis .

Non sum qui fueram festivo carmine lætus :

Qualiter esse queam , tela cruenta videns ?

Nec quid agam novi : mentis timor iste procacis

Quem rogo non lædat , par dare nolle pari ?

Officio certare pari si nempè recuso ;

Pecco quod magnis reddere parva moror .

Magna mihi præstat supplex qui parvula poscit ;

Et tamen invenior tardus ad officium .

Accingar studio , quamvis non viribus æquis :

Est non posse leve , non renuisse bonum .

Ergo tibi titulum scribens , sanctissime Bavo ,

Qui volo quod nequeo , quod valeo facio .

Epitaphium Sancti Bavonis .

Qui patriæ rector , spes gentis , gloria regni ;

Magnorum primus qui modò magnus eras .

Non quia magnus eras , te gloria magna beatum ,

Sed contempta decus gloria magna facit .

Pro Christo pauper , despectus , vilis , egenusque ,

Et Christi famulis nunc caput atque decus .

Defunctum revocans , qui morti iura tulisti ,

Monstras quippe tibi iura patere poli .

Quam tu fundâsti , quæ te tenet , inclyte Bavo ,

Ecclesiam meritis proteges sancte tuis .

Hæc , Florbarte pater , Livinus carmina mittens ,

Inscriptum lateri munus habere dedi :

Vt cùm vastatus fiet locus ille ruinâ ,

Carmina conservet obrutus ista lapis .

RECENSIO .

De eo Christianus Massæus Cameracensis , Chronicorum libro 13. ad annum Christi 633. S. Livinus natione Scorus , Archiepiscopus Hiberniæ , Gandavum venit cum tribus discipulis , 16. Julij , Indiæ . 6. Mansit illic mense uno . Deinde profectus ad Eccam , prædicavit Christum , multos convertit . Quidam verò indurati occiderunt eum , 12. Novembris eiusdem anni . Ioannes Balans (pseudonymum verò , uti Dempsterus putavit , ipse Massæus) , Hiberniam , sylvestrem Scotiam (sive Montaniam Albaniam) perperam interpretatur . De hoc verò Livini scripto subijcit . Epitaphium Allovini Bavonis Austrasiorum ducum hæredis , qui illum Grandavi per annum unum (vel iuxta Massæum , biennium) potius (morte præcellerat , Latine & doctè edidit . de quo etiam Molanus , in Natalibus Sanctorum Belgij , ad diem 1. Octobr. Florbarto abbati in sancti Bavonis memoriam elegiacum carmen transmisit . Hos autem S. Livini Elegos , ex manuscripto Corssendonexano ab Heriberto Rosweydo descriptos , communicavit mihi D. Rothaus , patriarum antiquitatum indagator diligentissimus . quorum duo disticha postrema ad Epistolam epilogum referenda sunt , non ad interjectum Epitaphium S. Bavonis .

ROMANI Cleri, ad Clerum Hebrnicum.

EPIST.
IX.Anno Christi
639.

Dilectissimis & sanctissimis, Tomiano, Columbano, Cromano, Dimao, & Baithano Episcopis; Cromano, Ernianoque, Laistrano, Scellano, & Segeno presbyteris; Savano, ceterisque Doctoribus seu Abbatibus Scotis: Hilarius Archipresbyter & servans locum sanctæ Sedis Apostolica, Ioannes Diaconus & in Dei nomine a electus, item Ioannes primicerius & servans locum sanctæ Sedis Apostolica, & Ioannes servus Dei Consiliarius eiusdem Apostolicæ Sedis.

(**A** D) scripta, quæ perlatores ad sanctæ memoriæ Severinum Papam adduxerunt, (hæc de luce eo migrante) reciproca responsa, & ad ea quæ postulata fuerant, siluerunt. Quibus referatis, ne diu tantæ quæstionis caligo indiscussâ remaneret, reperimus quosdam provincie vestræ, contra orthodoxam fidem, novam ex veteri hæresim renovare conantes; Pascha nostrum, in quo inmolatus est Christus, nebulosâ caligine tefutantes, & quattadecimâ lunâ cum Hebræis celebrare nitentes.

Et hoc quoque cognovimus, quodd virus Pelagianæ hæreseos apud vos denud reviviscit; quod omnino hortamur, ut à vestris mentibus huiusmodi venenatum superstitionis facinus auferatur. Nam qualiter ipsa quoque execranda hæresis damnata est, latere vos non debet: quia non solum per istos ducentos annos abolita est, sed & quotidie à nobis perpetuo anathemate sepulta damnatur; & hortamur, ne quorum arma combusta sunt, apud vos eorum cineres suscitentur. Nam quis non execretur superbum eorum conamen & impium; dicentium, posse sine peccato hominem existere ex propriâ voluntate, & non ex gratiâ Dei? Et primum quidem blasphemie stultiloquium est dicere, esse hominem sine peccato; quod omnino non potest, nisi unus mediator Dei & hominum homo Christus Iesus, qui sine peccato est conceptus & partus. Nam ceteri homines cum peccato originali nascentes, testimonium prævaricationis Adæ (etiam sine actuali peccato existentes) portare noscuntur, secundum Prophetum dicentem: *Ecco enim in initio conceptus sum, & in peccatis peperit me mater mea.* 1. Tim. 2.5. Psal. 51. 7.

a Severini in Romano Episcopatu, tunc vacante, successor designatus.

b Præpositio hæc, sensus explendi causâ, ex coniunctura est annectenda.

c Interciderunt sequentia, quibus docebatur, Dominicum Pascha diem à quattadecima luna usque ad vigesimam primam (iuxta Nicænæ Synodi statuta) inquirendum esse.

RECENSIO.

Anno Christi DCXXXIX. Jodo Romana per mortem Severini Pontificis vacante, scripta sunt ista littera. De quibus, & consimilibus alijs ante quinquennium ad eisdem Hibernos ab Honorio Papâ missis, ita scribit Beda lib. 2. Histor. Ecclesiast. cap. 19. Misit Papâ Honorius litteras genti Scotorum, quos in observatione sancti Paschæ

erasse compererat. solenter exhortans, ne paucitatem suam in extremis terræ finibus constitutam, sapientiores antiquis sive modernis, quæ per orbem erant, Christi Ecclesiis æstimarent; neve contra Paschales computos & decreta synodalia totius orbis Pontificum aliud Pascha celebrarent. Sed & Ioannes, qui successori eiusdem Honorij Severino successit, cum adhuc esset electus in Pontificatum, pro eodem errore corrigendo litteras eis magnâ auctoritate atque eruditione plenas direxit: evidenter astruens, quia Dominicum Paschæ diem à quintadecimâ lunâ usque ad vicefimam primam lunam (quod in Nicenâ synodo probatum est) oportet inquiri. Nec non & pro Pelagianâ hæresi (quam apud eos reviviscere didicerat) cavendâ ac sepellendâ, in eadem illos epistolâ admonere curavit. Deinde Epistolam hanc adiungit: sed qua de ratione Paschalis observantiz in ea sunt exposita pratermittit. Quod & in superiori-
bus Laurentij Cantuariensis ad Hibernos literis, & in alijs Vitaliani Romani Pontificis ad Osuivum Nordanhumberorum regem (quas penultimo 3. libri capiti inseruis) ab eo factum videmus, qui posteriorum illarum defectus ex antiquissimis fortassis VVith-bensis canobij schedis aliquo modo suppleri poterit; in quibus præfixo titulo Vitaliani (Vitaliani hæc dubi) Papæ Urbis Romæ, subiectum reperit. Nunquam enim cele-
brare (debemus) sanctum Pascha, nisi secundum Apostolicam & Catholicam fidem, ut
in toto orbe celebratur à Christianâ plebe; id est, secundum Apostolicam regulam
CCCXVIII. sanctorum Patrum, ac Computum sancti Cyrilli & Dionysij. Nam in
toto terrarum orbe sic Christi una columba, hoc est, Ecclesia immaculata, sanctum
Paschæ resurrectionis diem celebrat. Nam Victoris sedes Apostolica non approba-
vit regulam Paschæ: ideò nec sequitur dispositionem eius pro Pascha.

Epist. X.

Anno Chri-
sti 640.

S. GALLI Hiberni, ad *Desiderium* Caducensem Episcopum.

Domino semper suo, & Apostolico Patri, Desiderio Papa, Gallus peccator.

DVm talis nuntius de clade à *Masiliâ* venit, quòd omnem penè provinciam depopulans vaster; Dominus ordinet custodias mittere, ut nullus de *Cadurino* ad istas ferias in *Rumenico*, vel vicinas usbes præsumat exire. ne, quod abût, per quamlibet occasionem tantum malum in urbem vestram videatur inferre. Nam per ista contigua illis partibus loca custodiæ posite sunt; ut nullus emendi aut vendendi aditum penitus habeat. si non sollicitè cogitabitis prævidere; periculum mortis instat. Præterea debita veneratione salutem mittens, quæso ut in sanctis precibus vestris parvitatem nostram memorare dignemini, Domine, verius Pater.

RECENSIO.

Scotia quondam brum, nunc in Christo prudentissima, nobis lumen nostrum primitivum destinavit Kilianum, Burgundis Columbanum, Alamannis Gallom: inquit *Egilvvardus, Prolego in vitam S. Eucharadi. & Georg. VVitelius, in Vita Kiliani*: Ex Hiberniâ, hoc est Scorvæ natus; sicut Columbanus quoque & Gallus. A Gallo nostro, Urbis & Monasterium Sancti Galli in Helvetiâ nomen accepit. Eius Vita à VValafrido Strabo Abbate Augensî est descripta, & à Melch. Goldasto annotationibus illustrata; in quibus, ex veteri quodam codice, ista ad matrem Galli genus pertinentia produciuntur. Fertur, prout à quodam Hibernico ore accepi, quòd mater S. Galli Regina fuerit ex Vngariâ, & genuit cum viro XXI. filios & III. filias. Requiescit eius sacrum corpus in oppido *Formalin*, in Monasterio S. Benedicti, sito in quodam monte, habente ad latera montis torrentes duos; unus vocatur *Dun*, alius *Lin* appellatur. Super eodem monte situm est oppidum præfatum in Hiberniâ, hæc vero Galli Epistola, inter alias ad *Desiderium* datas, ab Henr. Canisso tome 5. Anti-
quo

qua LeBionis, & Marquardo Frobero in Corpore Franciscæ historia scriptorum, est edita.

CYMMIANI Hiberni, ad Segienum Huenssem abbatem
de Controversiâ Paschali.

EPIST.
XI.

IN NOMINE DIVINO DEI SUMMI CONFIDO.

Anno Christi 650.

Dominis sanctis & in Christo venerandis, Segieno abbati Columba sancti & caterorum Sanctorum successorum, Beocanoque solitario (charo carne & spiritu fratri) cum suis sapientibus; Cummianus supplex peccator & magnis minimis, apologeticam in Christo salutem.

Verba excusationis meæ in faciem sanctitatis vestræ proferre procaciter non audeo: sed excusatum me habere vos, ut patres, cupio; testem Deum inuocans in animam meam, quod non contemptus vestri gratiâ, nec fastu moralis sapientiæ, cum cæterorum despectu, solemnitatem festi Paschalis cum cæteris sapientibus * suscepi. Ego enim primo anno, quo cyclus quingentorum triginta duorum annorum à nostris celebrari orsus est, non suscepi, sed sili: nec laudare, nec vituperare ausus. utpote Hebræos, Grecos, Latinos, (quas linguas, ut Hieronymus, ait, in Crucis suæ titulo Christus consecravît) superare minimè in scientiâ me credens: deinde Apostolum interrogans dicentem, *Omnia probate, quod bonum est tenete*; antequàm gustarem, non fastidivi. Hinc per annum secretus sanctuarium Dei ingressus, hoc est, scripturam sacram, ut valui, * involvi; deinde historias, postremò Cyclos, quos inuenire potui. Et inveni primùm in Exodo de primo mense esse inquirendum secundùm Hebræos. Scriptum est enim: *Mensis iste vobis initium mensium, primus eris in mensibus anni.* Et in sequentibus: *Decimâ die mensis huius accipiet unusquisque agnum per familias & domos suas, & servabis eum usque ad decimam quartam diem mensis huius, id est, primi mensis: immolabisque eum universa multitudo filiorum Israël, ad vespèram.* Et inveni hoc Apostolum de immolatione Christi, non de resurrectione commemorâsse dicentem; *Etenim Pascha nostram immolatus est Christus.* Item in Exodo: *Et custodietis diem istum in generationes vestras ritu sempiterno, primo mense, quartadecimâ die mensis.* In Levitico quoque: *Si quis & mundus est, & in itinere non fuit, & tamen non facit Pascha; exterminabitur anima illa de populo suis, quia sacrificium Domini non obtulit in tempore suo, hoc est, in primo mense.* Hoc timui, & inquisivi diligenter quid Hebræi, quid Græci, quid Latini, quid Egyptij de hoc tempore servarent & sentirent: quod in sequentibus demonstrabo. Item in Exodo: *VII. diebus comedetis azyma usque ad diem XXI. & in tractatibus diligenter investigavi, quid sentirent de XXI. eruditissimi viri, quod Hieronymus pulcherrimè explanat, dicendo: Pascha immolat populus, & alias celebrat festivitates. omnis eius solemnitatis die finitur octavo: prima dies in azymis XIV. dies octava XXI.* Item in libro quæstio-

* *Addend: fortè, non ut mox infra.*

1. Thess. 5-11.

* *fortè euolu.*

Exod. 12. 2.

Exod. 12.

3. 6.

1 Cor. 5-7.

Exod. 12. 17

Num. 9. 13.

Exod. 12. 15.

dum : *A XIV. Lunâ*, qua nobis secundum legem prima est, rationem Pascha observemus. Omnia enim plena Deus instituit : ideo à *XIV. Lunâ* usque in *XXI. his VII. diebus* Pascha nobis celebrare concessum est ; ut de his *VII. aliqui dies* à parascene usque ad resurrectionem concludantur : ut neque *XIII. in passione* sit, neque *XIV. aut XII. in resurrectione* : ne ante primam secundum nos Lunam passio Christi sit, neque resurrectio eius in primo die quo cap- tus est mundus. Hæc, 86. quæstione. Item, 91. Apostolus, inquit, *falli non potui*, qui ait ; Pascha nostrum immolatus est Christus : quod non suum nique sed legis est verbum, dicente Moyse, & eris cum dicens vobis filij ves- stri. Quæ est desertio hac ? & dicetis, immolatio est, hoc Pascha Domini est. Quid amplius, inquit, necessarium ad testimonium ? Lex loquitur, Aposto- lus probat, hoc superest ut contradictor abiciatur ut pervicax. Manifestum est enim transsum post pascha fuisse. Sanguis igitur salutem præstitit, non trans- situs : quia ut transitus non noceret, obstitit sanguis. Hoc timui, & me perculit. Item perscrutans inveni, & Origenem chalcenterum & verè adamanti- num dicentem : Est quidem solennis dies in mense primo, alia solennitas Pas- cha, alia solennitas azymorum, licet in unâ videatur azymis. Principium namq ;

* foris hinc. azymorum ad * fidem Pascha conjungitur : Pascha autem ipse solus dies appella- tur, in quo agnus occiditur ; reliqui verò azymorum septem dies appellantur. sic enim dicit : Facies solennitatem azymorum septem diebus. Deinde Euange- lio inveniemus. Inveni Dominum meum Iesum Christum dicentem :

Luc. 11. 15. Desiderio desideravi hoc Pascha manducare vobiscum, antequam pariar. quod Hieronymus explanat : Finem, inquiens, carnali festivitati volens im- ponere, umbræque transiente Pascha reddere veritatem, complens legem, sicut dixit ; Non veni solvere legem sed adimplere, hoc est, addere. Vnde ad pas- sionem veniens, vetusque consummans testamentum & novum in- choans, quintâ feriâ, Lunâ XIV. primi mensis (qui est apud Hebræos Nisan, apud Macedones Spantoriacos, apud Ægyptios Parmothi ; qui apud Latinos interdum Martij, interdum Aprilis obtinet partem) ves- perâ procedente, accepto pane gratias egit, benedixit, fregit, dedit dis- cipulis suis, dicens : Hoc est corpus meum, &c. Item, Hic calix novum testamentum in meo sanguine. Mandè autem facto, sextæ videlicet ferix, con- silium inierunt omnes principes sacerdotum : alterâ autem die, hoc est, Sabbato Lunâ XV. convenerunt principes & munierunt sepulchrum. Vnâ autem Sabbati, Lunâ XVI. solutis gemitibus inferni, surrexit à mortuis. Post verò dies octo, Lunâ XXIII. venit & stetit in medio dis- cipulorum, ostendit manus & pedes & latus, & dixit, Pax vobiscum. Die autem XL. post resurrectionem, à sextadecimâ videlicet Lunâ, non à quattadecimâ, eduxit discipulos suos usque in Bethaniam ; & elevans manus suas benedixit eos, & elevatus est in cælum. Et cum compleretur quinquagesimus dies (à resurrectione scilicet in XVI. Lunâ, non à pas- sione in XIV.) Spiritus sanctus super Apostolorum singulos sicut ignis sedit. Vnde Orientalis tota Ecclesia tres hebdomadas tribus sacratissi- mis solennitatibus Domini nostri Iesu Christi venerabiliter, id est, passioni, sepultura, resurrectioni deputaverunt : passioni à XIV. in XX. sepultura à XV. in XXI. resurrectioni à XVI. in XXV. Lunam ; septima-

1. Cor. 5. 7.

Exod. 12.
26. 17.

* foris hinc.

Luc. 11. 15.

Math. 5. 17

Luc. 12. 19.
20.Ioan. 10.
26.

Act. 1. 1.

nem pro reuerentiâ Dominici diei consecrans. Quia si XIV. Lunâ refur-
 rectioni deputetur, (ut vos faciis :) XIII. in sepulturâ, & XII. in pas-
 sione præpostero ordine fiet. Hac de re Synodus in unum congregatis
 ob diversitatem successorum Apostolorum (dum Apostoli undique pres-
 furis, ut legimus, acti & diversis limitibus sparsi ordinare cyclum re-
 gulariter nequiverunt) id est sancti Petri claviculari & sancti Ioannis
 petalici, aliterius in circumcissionem, alterius in præputium prædican-
 tis; inveni scriptum, excommunicandos & de Ecclesiâ peliendos & ana-
 thematizandos eos, qui contra statuta canonica quaternâ sedis Aposto-
 licæ (Romanæ videlicet, Hierosolymitanæ, Antiochenæ, Alexandri-
 næ) veniunt concordantibus his in unitate Paschæ. Nicæna etiam Syn-
 odus trecentiorum decem & octo Episcoporum est adiuncta, iudican-
 tium de obseruatione Paschæ antiquum Canonem obseruandum; per
 quem nulla de reliquo orietur Ecclesiis diuersitas, omnibustitè dispo-
 sitis, & Ecclesiarum pax & fides (inquierunt) in Orientis & Occiden-
 tis partibus una atque eadem seruetur. Item Arelateni Synodo sex-
 centorum Episcoporum confirmante primo in loco de obseruatione Pas-
 chæ ut uno die & uno tempore per totum orbem terrarum à nobis con-
 seruetur: ut universalis Ecclesia uno ore, iuxta Apostolum, honori-
 ficet Dominum unum. Vnde cavendum est, ut Hieronymus ait, *ne ex-
 tra unam domum, contra præceptum legis, id est, extra Ecclesiam universalem
 agnum typicum comedamus. Ex quo manifestum est (inquit) quod Iudei &
 hæretici & omnia conuenticula dogmatum peruersorum, qui agnum in unâ
 Ecclesiâ non comedunt, non eos agni carnes comedere, sed draconis qui datus* Psal. 74.
est, iuxta Psalterium, in escam populis Æthiopibus. Et hoc vereor, sed vos 14.
 considerate quæ sunt conuenticula quæ dixi: utrum Hebræi & Græci &
 Latini & Egyptij simul in obseruatione præcipuarum solennitatum uni-
 ti; an Britonum Scottorumque particula, qui sunt penè extremi, & (ut
 ita dicam) mentagræ orbis terrarum; hoc mihi iudicare. *In quo enim* Matth. 7. 2.
*iudicio indicaveritis, indscabitur de vobis: & in periculo vestro hoc pen-
 det. Vos enim estis capita & oculi populi: qui si in errorem per vestram
 obstinamiam inducitur; reddetis stricto iudici rationem de iniussu-
 que (iuxta Ezechielem) sanguine anime. Seniores verò nostri, quos in* Ezech. 3. 18.
velamine repulsionis habetis, quod optimum in diebus suis esse nove- 10. & 33. 8.
runt simpliciter & fideliter sine culpâ contraditionis ullius & animositatis
observaverunt, & suis posteris sic mandaverunt. iuxta Apostolum: Om- 1. Thess. 5. 1.
nia probate, quod bonum est tenete, ab omni specie malâ abstinete vos. Sed
vereor ne accidat vobis ut universalis Ecclesiæ Catholicæ unanimem re- 23. 22.
gulam malam speciem fore iudicetis: quod absit. Quid plura? venio ad
Apostolum, item dicentem: Fraïres, nemo vos seducat in parte dies festi, Coloss. 2.
aut neomeniâ aut sabbato, quæ sunt umbra futurorum, corpus autem Christi. 16. 17.
quod venerandæ memoriæ sanctus Augustinus pulchrè explanat. Dies
festus, inquires, Pascha est, iuxta Euangelistam Lucam, dicentem: Appro- Luc. 22. 1. 7.
pinquabat autem dies festus azymorum, in quo necesse erat occidi Pascha. Pascha
occidetur, veritas vivificatur. Pars autem diei festi, XIV. Luna, non to-
tus dies, in quâ seducimur, sed in parte, & sabbato otioso, & neome-

niâ buccinatâ : quæ sunt umbra, non corpus Christi. Umbra occiditur: veritas vivificatur. Et hoc obsecro diligenter inspicite : ut mihi ignoscatis, vel me dirigatis, verbis vestris, vel scriptis fortioribus & certioribus prolatis, ad aliud melius intelligendum, si habetis; & ego suscipiam gratanter, ut hoc suscepi. Si verò non habetis; silete, & nolite nos hæreticos vocare. Scriptum est enim : *Va qui dicitis bonum malum, & malum bonum ponentes tenebras lucem, & lucem in tenebras.* Diei enim sumus filij, non noctis neque tenebrarum, & cavere debitis quod de

Esai. 5. 20.

Ezech. 13.
19.

Hieronym.
epist. 85. ad
Euagrium.

Id. epist. 88.
ad Dama-
sum.
Ibid.

alii dicitur : *Mortificabant animas quæ non moriuntur, & vivificabant animas quæ non vivunt.* Non ergo nos vos odimus, sed nos veris de fendimus. Hieronymus item adest auxiliator, dicens. *Non est alia Romana urbis Ecclesia, alia totius orbis estimanda est.* Et Gallia, Britannia, Africa; & Persis & Oriens & India, & omnes Barbaræ nationes unum Christum adorant, unam observant regulam veritatis. Si auctoritas, inquit, queritur; orbis major est urbe, Episcopus Roma, sive Alexandria, &c. & post aliquanta. *Hinc, inquit, presidys fultra mundi, Arriana fremit rabies: hinc in tres partes scissa Ecclesia ad se rapere festinat monachorum chorum circa commorantium.* Antiqua, inquit, in me insurgit auctoritas. Ego interim clamito; si quis cathedra sancti Petri iungatur, meus est ille. Aut ergo duo sentiuntur; aut omnes. Angustiæ mihi undique. Si ego hoc clamavero cum Hieronymo, divinarum Scripturarum interprete & omnium hæreticorum impugnatore; à vobis impugnor: si non clamavero, ab universali Ecclesiâ catholicâ excommunicor, cui alligandi solvendi quæ auctoritas à Deo data est. His perscrutatis, venio ad Cyprianum, rotum (ut aiunt) sumendum; & invenio illum penè omnium de unitate Ecclesiæ gravissimum: qui ait, *Ab uno patre, & ab unâ matre*

Habere iam non potest Deum patrem, qui Ecclesiam non habet matrem.

Cyprian. de Unitate Ecclesie.

Ephef. 5. 32.
Ioan. 19. 34.

* Cyprian. de unitate Ecclesie.

Exod. 33. 21.
22. 23.

Iosue. 2. 18.
21.
Psal. 133. 1.

in hunc mundum venimus, & sic in futurum veniemus. Qui non habet unam matrem in terrâ, nec unum patrem habebit in cælo. Idè post confessionem Trinitatis, in quâ est Pater cum Filio & Spiritu sancto, subsequitur unius matris pia confessio, dicens sanctam esse Ecclesiam Catholicam. Cur unus Adam fingitur, & una Eva de latere tollitur & in mulierem formatur? Nonne secundum Apostolum *mysterium magnum est in Christo, & in Ecclesiâ*? Non est ergo altera Christi de latere, sed una est formata. Vnde unus est in latere Christi Iesu lanceâ militis mysticus locus, de quo exiit aqua & sanguis: quæ duo in signa unius Ecclesiæ. Vnde una arca servatur in diluvio, nec altera. * *si potuit evadere quisquam [qui fuit extra arcam] Noë; & qui extra Ecclesiam foris fuerit, evadet.* Vnde unum tabernaculum in monte Moyfi & exemplar ostensum est. Vnde unus locutus est apud Deum, in quo Moyse extrema manus super præxit, dicente Domino : *Est locus apud me, sta in foramine petra, & posteriora mea videbis.* Petra autem erat Christus: posteriora manus, incarnatio; foramen unum, una passio; locus unus, una Ecclesia figuratiter intelligi potest. Videte quòd non videtur dextra Domini nisi in uno loco, in unâ petrâ, in uno foramine. Vna Raab meretricis domus ab incendio Iericho sub coccineofune salvata. Vnde unum Templum à Salomone construitur. *Ecce quàm bonum & quàm incundum, habitare*

fratres in unum. Quæ omnia quomodo de unitate Ecclesiæ explanata sunt, bene (ut credo) meministis. His perterritis, ad alia me converti, & inveni Augustinum (qui dicitur aqua de nubibus) versum de Psalterio explanantem hunc; *Per diem Sol non urit te, neque Luna per noctem.* Per diem à Sole uritur, qui prava de Christo sentit; & per noctem à Lunâ, qui prava de Ecclesiâ sentit. Vnde scriptum est in lege: *Qui maledixerit patri aut matri, morte moriatur.* Quid autem pravius sentire potest de Ecclesiâ matre, quàm si dicamus? Roma errat, Hierosolyma errat, Alexandria errat, Antiochia errat, totus mundus errat: soli tantum Scoti & Britones rectum sapiunt. Item Hieronymus: *Moses, inquit, moriens plangitur; Jesus absque lachrymis in monte sepelitur.* In lege morientes, sub XIV. Lunâ Dominum crucifigentes, plangam: sed cum Christo resurgentes in Evangelio suscipiam. Occurrit mihi item Augustinus sanctus, ubi contra totas hæreses sub anathematis titulo disputat; dicens. *Tessares cadicadite*, id est, quartanæ decimæ esse hæreses eorum qui Pascha XIV. Lunâ cum Iudæis faciunt. Item tractans Evangelium, de illis inquit. [Ex] *languentibus super piscinam unum Iesus elegit quem sanaret: quia quisquis præter unitatem fuerit, licet venerit, sanari non potest.* Et hoc mihi horret, nisi me consulationis vestri fida ratio validiori & certiori sententiæ perducatur. Quid plura? Ad Gregorij Papæ, urbis Romæ episcopi (à nobis in commune suscepti, & oris aurei appellatione donati) verba me converti; qui etsi post omnes scripsit, tamen est meritò omnibus præferendus: & inveni illum hunc locum apud Iob tractantem; *Auro locus est in quo consatur, &c.* Aurum est sanctorum massa; locus consolationis, unitas Ecclesiæ; ignis, tribulatio martyrij. Qui ergo extra unitatem Ecclesiæ uritur, consari potest, purgari non potest. Vnde & Paulus ait: *Si tradidero corpus meum ut ardeam, charitatem autem non habeam, nihil mihi prodest, & reliqua.* Item ad eundem sensum interpretantem & hunc versum alio loco inveni. *Esto mihi in Deum protectorem, & in locum munitum, ut salvum me facias.* nec in cælo angelis, nec in terrâ hominibus locum munitum, id est, tutum invenit, nisi humilem unitatem; quem Archangelus amisit & nunc diabolus est, & quem homo imitatus, illum amisit, & nunc mortuus est. Et hoc timeo: vos considerate compatienter, fratres, si * merito foris ex est, an ignavia.

Postremò ad cyclorum computationem diversorum, quid unaquæque lingua de cursu Solis & Lunæ sentiret; conversus torus, licet diverse alium in die, alium in Lunâ, alium in mense, alium in bissexto, alium in epactâ, alium in augmento Lunar (quod uos saleum dicitis:) inveni cyclos contra hunc quem vos tenetis esse contrarios. Primum illum quem sanctus Patricius Papa noster tulit & facit; in quo Luna à XIV. usque in XXI. regulariter, & æquinoctium à XII. Kalend. April. observatur. Secundò Anatolium, quem vos extollitis quidem a ad veram Paschæ rationem numquam pervenire eos qui cyclum LXXXIV. annorum

* Desideratur hic aliquid de quo videnda *Vilfridi* disputatio apud Bedam, lib. 5. histor. Ecclesiast. cap. 25. & *Aldelmi*, inter epistolas Banifacij edit Mongunt. ann. 1605. p. 59.

Psalm. 121.
6.

Exod. 21. 17

Levit. 20. 9.

Math. 15. 4

Marc. 7. 19

Gregor.
Moral. in
Iob. lib. 18.

Iob. 28. 1.

1. Corinth.
13. 3.

Psalm. 31. 3.

observant. *Tertio* Theophilum. *Quarto* Dionysium. *Quinto* Cyrillum. *Sexto* Morinum. *Septimo* Augustinum. *Ottavo* Victorium. *Nono* Pacomium monachum, *Aegypti* cœnobiorum fundatorem; cui ab Angelo ratio Paschæ dictata est. *Decimo* recentorum decem & octo Episcoporum decennovennalem cyclum (qui Græcè Enneacedeciterida dicitur) in quo Kalend. Ianuarij Lunæque eiusdem diei & initia primi mensis ipsiusque XIV. Lunæ recto iure ac si quodam clarissimo ramore, ignorantia relictis tenebris, studiosis quibusque cunctis temporibus sunt annotata, quibus Paschalis solemnitas probabiliter inveniri poreft. Hunc inveni valde huic. (cuius auctorem, locum, tempus, incertum habemus,) esse contrarium in Kalendis, in bissexto, *b* in epactâ, in XIV. Lunâ, in primo mense, in æquinoctio. Scrutinique, ut Cyrillus ait, quod ordinavit Synodus Nicæna Lunas quartadecimas omnium annorum per decennovennalem cyclum: (quem Victorius per vicissimas & octavas vices cum Kalendis DXXXII. & bissextris CXXXIII. in id ipsum unde ortus est cedere fecit) ut non fallamur in Lunâ primi mensis; & celebremus Pascha in sequenti Dominico, & non faciamus in Lunâ X I V. cum Iudeis & hæreticis qui dicuntur Tessares cedecadita, & constitutum est, inquit, in omnibus Synodis, præter Synodum Gangrensem & Casariensem, ut non faceret ulla Ecclesia, vel civitas, & omnis regio contraria his quæ statuta sunt de Pascha in Nicæno Concilio. Et si non scripisset Synodus Nicæna cyclum Lunarem primi mensis; sufficeret cyclus lapidis Seienitis in Perside ad exemplum rationis Paschalis, cuius candor interior cum Lunâ primi mensis crescit & decrescit. ut non faciamus communem de embolismo, & embolismum de commune, id est, brevem annum Lunarem XII. mensium de longo, id est, XIII. in quo abortivam Lunam fallaciter celebratis. ut in primo mense in unire Ecclesiæ verum agnum veri Israëlitz immaculatum immaculari in *unâ domo* (sicut præceptum est) comedamus, in quo mense eduxit Caim Abel iustum in campum ut occideret eum; in typo Christi educti in prætorium Pilati in sextâ feriâ. quia in eadem die conceptus creditur in utero, & mortuus est in cruce; dum in sextâ feriâ mortuus est Adam in animâ pro peccato in paradiso, & in eadem die obiit in corpore.

Exod. 12. 46

Hæc probate, si vultis; si non, renuntiate Catholicis testimoniis: si nec utrumque utrique hoc dicamus. Omnes nos manifestari oportet ante tribunal Christi, ut referat unusquisque propria corporis. Et non iudicemus ante tempus, donec veniat qui illuminabit occulta tenebrarum, & manifestabit consilia cordium. Et nolite iudicare, ut non iudicemini: in quo enim iudicio iudicaveritis, iudicabitur de vobis. Et quid iudicas alienum servum? Domino suo stat aut cadit. Onus est vobis, ut video, quod dico: onus est & mihi quod dicitis, nisi verbis Scripturæ sanctæ probaveritis. Onera a. Cor. 5. 13. ergo nostra invicem portemus; & sic adimplebimus legem Christi. Si enim alter alterius percutiamus infirmam conscientiam, in Christo peccamus.

2. Cor. 5. 10

1. Cor. 4. 5.

Math. 7.

1. 2.

Rom. 14. 4.

Galar. 6. 2.

1. Cor. 8. 12.

2. Cor. 5. 13.

Rom. 14. 8.

b Ex lacinia epistolæ Cyrilli ad Synodum Carthaginensem ineptè adfuta: de quâ consulendus Petavius, Doctrin. temporum, tom. 1. pag. 221. & tom. 2. pag. 893. 894.

c Vid. Damascium in vitâ Isidori; apud Phorium, pag. 568. 569, edit. Græc.

si sanum sapimus, vobis sapimus; si mente excidimus, Deo: si vivimus, Domino vivimus; si morimur, Domino morimur, quia Domini sumus. Obsecramus vos pro Christo, ut non nobis impropereis cum matre nostra: quia omnis soboles suæ matris speciem imitatur. Vnde accipimus spiritum, inde spiramus: loquacitatem nostram vestra fiducia præstat.

Anno igitur (ut prædixi) emenso, iuxta Deuteronomio, *Interroga-
vi patres meos ut annuntiarent mihi, majores meos ut dicerent mihi: (suc-
cessores videlicet nostrorum patrum priorum, Ailbei Episcopi, Querani
Colonienfis, Brendini, Nefiani, Lugidi,)* quid sentirent de excom-
municatione nostra, à supradictis sedibus Apostolicis factâ. At illi con-
gregati in unum, alius per se, alius per legatum suam vice suâ missum,
in campo *Lene* sanxerunt, & dixerunt; Decessores nostri mandaverunt
per idoneos testes; alios viventes, alios in pace dormientes, ut meliora
& potiora probata à fonte baptismi nostri & sapientia & successuribus
Apostolorum Domini delata sine scrupulo humiliter sumeremus. Post
in commune surrexerunt, & super hoc orationem (ut moris est) nobis
celebraverunt, ut Pascha cum universali Ecclesiâ in futuro anno cele-
brarent. Sed non post multum surrexit quidam paries dealbatus, tradi-
tionem seniorum servare se simulans; qui utraque non fecit unum, sed
divisit, & irritum ex parte fecit quod promissum est: quem Dominus
(ut spero) percutiet quoquo modo voluerit. Deinde visum est seniori-
bus nostris, iuxta mandatum, ut si *diversitas oborta fueris inter causam &
causam, & variaveris iudicium inter lepram & non lepram, irent ad locum
quem elegit Dominus; ut si causæ fuerint maiores, iuxta decretum Syno-
dicum, ad caput urbium sint referendæ: misimus quos novimus sapien-
tes & humiles esse, velut natos ad matrem, & prosperum iter in volun-
tate Dei habentes, & ad Romam urbem aliqui ex eis venientes, tertio
anno ad nos usque pervenerunt, & sic omnia viderunt sicut audierunt:
sed & valde certiora, utpote visa quàm audita, invenerunt: & in uno
hospitio cum Græco & Hebræo; Scythâ & Ægyptiaco, in Ecclesiâ san-
cti Petri simul in Paschâ (in quo mense integro disuncti sumus) fue-
runt: & ante sancta sic testati sunt nobis, dicentes; Per totum orbem
terrarum hoc Pascha, ut scimus, celebratur. Et nos in reliquiis san-
ctorum martyrum, & scripturis quas attulerunt, probavimus inesse vir-
tutem Dei. Vidimus oculis nostris puellam cæcam omnino ad has
reliquias oculos aperientem & paralyticum ambulantiem, & multa dæ-
monia eiccta.*

Hæc dixi, non ut vos impugnarem, sed ut me ut astrictioracem in
domicilio laritante defenderem. Sed si quid forte impoliticum vel vi-
tiosum per immunda labia dixi, bicipi labij vestri forcipe per igniferum
Esaianum altaris Dei carbonem tangite; & præputium inculti logij bi-
faris ter quaternis cultris Ben-Nun quinis denis digitulis humatis cum
plebis præcidite prioris præputijs. Nefas est enim errata tua non agnos-
cere, & prolata certiora non approbare. Hæreticorum est propriè, sen-
tentiam suam non corrigere malle perversam quàm mutare defensam
Scienti etenim bonum facere, & non facienti, peccatum est illi. Peccasti verò

Deut. 32. 7.

Deut. 17. 8

Esaï 6. 6

Iosu. 5. 3.

Iacob. 4. 17

Rom. 6. 23.

stipendium mors est. à quâ nos divina Majestas, & simplex trinitas, & multiplex apex, (subtus quem nihil est, intra quem nihil est, citra quem nihil, ultra quem nihil, supra quem nihil; sustinens omnia sine labore, penetrans omnia sine extenuatione, circumdans omnia sine extensione, superans omnia sine inquietudine) liberare dignetur. Amen, amen.

GRANDIS LABOR EST PRVDENTIÆ.

RECENSIO.

Eam ex veteribus Cottoniana Bibliotheca membranâ descripsi, hoc titulo prenotatis. Epistola Cummiâni, directâ Segeno Abbati, de disputatione Lunæ, qui quidem Segienus non alius fuisse videtur, quàm Segenus sive Segianus ille (variant enim ibi in nominis descriptione exemplaria) cuius in I X. Epistola ἐμχαρῆ facta est mentio; quemque Huenf. S. Columba insula ab anno 622. usque ad 632. Abbatem extitisse, ex Annalibus nostris Wlsoniensibus didicimus. Meminit eiusdem & Beda libro 3. Historia, capitis 5, (vel 4. ut antiquissimi codices Manuscriptis distinguunt) initio; & Adamnannus de S. Columbâ lib. 2. cap. 3.

SCOTI cujusdam anonymi, ad *Aldhelmum* Malmesburiensem Abbatem.

EPIST. XII.

Circa annum 680. *Domino sancto, sapientissimo, Christo quidem charissimo Aldhemo, Scotus ignoti nominis in Deo aeterno Salutem.*

DVM te præstantem ingenio, facundiaque Romanâ, ac vario flore literarum (etiam Græcorum more) non nesciam; ex ore tuo, fonte videlicet scientiæ purissimo; dicere malo, quàm ex alio quolibet potare, turbulento Magistro præferim. Hoc scito prænosces, quòd idcirco te fiducialiter ita obsecro, ut me suscipias, doceasq; quoniam fulgor (ceu dictum est) sapientiæ præ multis in te fulget lectoribus, ac peregrinorum mentes cupientium sapientiam discere cognoscis; quia tu Romæ advena fuisti, insuper quòd à quodam sancto viro de nostro genere nutritus es. Hæc compendij causâ sufficiant; quia si humiliter per charitatem volueris attendere, non minùs per pauca verba, quàm per plurimas sermocinationes perspicies. Hæc tibi quoque sinceriter dissero. Libellum quendam habes, qui non est maior acceptorio duarum septimanarum; quem ego legere cupio. Hoc autem breve tempus prædico; non eo quòd mihi plus non opus sit, sed ne hæc petitio fastidium in tuâ mente trect. Ministrum quoque equosque, ut opinor, adipiscar. In hoc autem tempore messis, lætum à te responsum sperabo. Orantem pro nobis Beatitudinem tuam divina gratia custodire dignetur.

*CHRISTE potens rerum, redeuntis conditor avi,
Vox summi sensusque Dei, quem sudit ab altâ
Mente pater, tantique dedit consortia regni.
Impia tu nostra domuisti crimina vite,
Passus corporeâ mundum vestire figurâ,*

Affarique

Affrique palàm populos, hominemque fateri.
 Quemque ntero inclusum Maria, mox numine viso
 Virginei tumuère sinus: innuptaque mater
 Arca non stupnis compleri viscera partu,
 Authorem paritura suum: mortalia corda
 Artificem texère poli, mundique repertor
 Pars fuit humani generis, latuitque sub imo
 Pectore, qui totum late complectitur orbem.
 Et qui non spatiji terra, non aquis undâ,
 Nec capitur celo, parvos confinxit in artus.
 Quin ex supplicij nomen nexuque subit,
 Vi nos subtraheres letho, mortemque fugares
 Morte tuâ: mox athereas evectus in auras.
 Purgatâ * repensens latuit te luce parentem.
 AUGUSTINUS foveas: festis ne sèpè diebus
 Annua sinceri celebret sejuncta sacri.

* *riperis la-*
sum collu-
re p.

RECENSIO.

Aldhelmus, cum esset adhuc presbyter, Abbas fuit monasterij quod Maildubi (vel Maildufi) urbem nuncupant: ut in libro 5. *Historia*, capite 19. (vel, ut in *Manuscriptis* 18.) confirmat Bada. Est autem monasterium illud, nunc in Scotiâ (nunc *Trisheimus*, eumque secuti *Gestorum* & a maledictissimus *Dempfersius*, *arietati* sunt) sed in Angliâ positum; atque olim Maildusefborch, hodie Malmesburiz nomen nostrissimum. Quo in loco *Aldhelmus* à primo ævo infantiz, atque ab ipso tyrocinio rudimentorum, liberalibus litterarum studiis eruditus, & in gremio sanctæ matris Ecclesiæ nutritus, vitam duxit: ut habes in b *Chartâ*, 8. Kalend. Septembr. anne Dom. 675. datâ, *Lutherius Occidentalem Saxonum episcopus*; à quo primum cœnobij, illius Abbas constitutus est ipse *Aldhelmus*. Quæ enim prius Ingelborne, postâ Mailduburi & Maldunsburg nomen habere cepit ab *Aldhelmi magistro* Maildulpho Scoto-Hiberno, viro summâ eruditione & singulari viâz sanctitate; quemadmodum in *Viltoniz descriptione* docet *Guilielmus Camdenus*. Cui & *Guilielmi Malmesburij* fides adijcimus testimonium, in *Aldhelmi vitâ* anne 1105. ab eo exarâtâ. Cum iam majusculis à Cantiâ in Vestfazones recedisset; religionis habitum in *Maldunensi* accepit cœnobio, quod situm quæ antiquo vocabulo *Malduburi*, nunc *Malmesburi* vocatur. Id quidam *Meldum*, qui alio nomine vocatur *Mailduf*, natione *Scotus*, eruditione *Philosophus*, professione *Monachus* fecerat. Qui cum natali solo voluntariè carens illuc devenisset; memoris amœnitatē (quod tunc temporis in immensum eo loci succererat) captus, heremiticam vitam exerevit; deficientibusque necessariis, scholares in discipulatum accepit, ut ex eorum liberalitate tenuitatem victus corrigeret. Illi procedente tempore magistri sequaces, ex scholaribus monachi effecti, in conventum non exiguum coalescere. Horum exemplo & consorcio *Aldhelmus* informatus ad studium, liberales artes plenitudini scientiæ adiecit. Unde jam liquet, quid illi sibi velint *Scoti nostri verba* in hæc ad *Aldelmum episcopum*; quod à quodam sancto viro de nostro genere nutritus es.

a Demp-
ster. lib. r.
Histor. Ec-
clesiast.
pag. 7.
b Guiliel-
Malmes-
bur de gest.
Reg. An-
glor. lib. 1,
cap. 1.

Addit de Aldhelm ibidem Guilielmus. Tacco de compatiotis, qui certatim ad eum scripta sua emittent, eius iudicii censuram subitura. Prætereo Sootos, rum maxime doctos, qui idem scilicet nesciunt. Quorum aliquos non obscure literaturæ nominare possum: maxime Arvillum, regis Scotiæ filium. Hic quicquid literariæ artis elaborabat (quod non adeo exile erat) Aldhelmi committente ambitio; ut perfecti ingenii limâ eraderetur scabredo Scotica. Videndum igitur non an Arvillum, sive Arvillus ille auctor huius fuerit Epistolæ: cuius partem quidem huic ipso scripto Aldelmuriensis inseruit, integram vero, una cum antea Carmine (quod à quibusdam

Væterij Epist. Hibern.

Damasc, ab alijs Claudiano tribuitur) ex Viennensis & Ingolstadiensis Bibliotheca Manuscriptis inter Bonifacianas edidit Nicolaus Serarius, qui etiam in Notis, non alium hic Scozum accipiendum esse quàm Hibernum, rectè monuit.

EPIS T.
XIII.

ALDHELM I Malmesburiensis abbatis, ad Eahfridum ex
Hiberniâ in patriam reversum.

Circa An-
num 690.

*Domino, venerabili praconio efferendo & sanctorum meritis magnopere
honorando, Eahfrido; Aldhelmus exiguus in Domino
aeternam salutem.*

PRIMITVS (a patrum procerum praetorumq; pio potissimum, paternoq; praesertim, privilegio) panegyricum poemataq; passim b prosatori sub polo promulgantes; stridula vocum symphoniâ, ac melodiarum, cantilenarumq; carmine modulatore, hymnizemus. praecipue quia tandem almae editum puerperae celsobolem (ob inextricabilem sonsu protoplastrorum) piaculum praescorumq; chirographum peccaminum obliteraturum, terris tantundem destinare dignatus est: luridum qui linguis d cheydrum trisulcis rancida virulentaq; vomentem per ævum venena torrenda tetrae tortionis in tartara trusit. Et ubi pridem ejusdem nefanda e natricis f ermuli * cervulique crudâ fanis colebantur stoliditate in profanis, versâ vice discipulorum gurgustia (imò almae oraminum ædes) architecti ingenio fabrè conduntur.

Fateor (sodalitatis fraternae cliens, atq; municipatus municeps) postquam vestram repedantem istuc ambrosiam ex Hibernia brumosis circionum insulae climatibus (ubi ter bino circiter annorum circulo uber sophiae sugens metabatur) territorij margine in Britannici sospitem applicuisse, rumigerulis referentibus, comperimus: ilicò (ut flammiger flagransq; flagitabat amor) ineffabiles altithrono grates, panis in edito utrimq; volis, tripudiantes obtulimus. potissimum, quod te exulem almus arbiter priscam paterni visitantem clientelam ruris (caerulea ponti trans glauci, enormesq; dodrantium glareas atq; spumiferas lymphae nemphae obstripationes, circili carinâ procellosum sulcante salum) reducere, ovante navarcho, dignatus est: ut, ubi dudum incunabulis tyrociniij editus rudibus adulto ætate pubertatis ævo adoleveras, nunc versâ vice (supernâ opitulanti praerogativâ affatim fultus)

a πάντων. i. cunctorum. ubi praeter putidam Graecismi affectationem (quae in hac epistola crebra est) observa XV. voces à literâ Principi ntes; ac si à Pugna porcorum Porcij poeta exemplum auctor transulisset.

b Patrem intelligit. c Filium. d χείροδον, anguem. e Serpentis: ut apud Ciceronem, in Academic. f forte ad ERMENSVL Saxonum idolum hic alludit, cuius in Franciscis Annalibus ad Annum 772. fit mentio; quodque Herma sive Mercurio putatur fuisse positum. Vereres enim Germanos Deorum maxime Mercurium coluisse, confirmat in Germaniâ suâ Corn. Tacitus, & Eginhardus in Gestis Saxonum, apud Adamum Bremensem Hist. cap. 5 ubi etiam de ERMINSVL is videndus: ut & Rich. Versteigan. Restituit. Antiquitat. Anglican. cap. 3. & Glossarium D. Henr. Spelmanii nostri, in Irmynsul. * De cervulis, vel binnullis, vid. Augustinus de Temp. serm. 45.

ab incolatu externi ruris repattians, præceptoris vocamine indeptu
sortitoq; fretus fingeris.

Illud æquè ælmitari Beatitudinis vestræ ex penetrabilibus præcordij
nequaquàm promens dissimulo propalare (ad augmentum, Mystisq;
ut reor tripudium, imò ad *g. doxam onomastis cyrij*) magnoperè inole-
ville: quòd præconio citrà modum rumotis *Scottico* in solo de gentium
(quorum contubetnio parumper fretus es) ceu tonitruali quodam
boatu fragore nymbofo emergenti, auditus nostri quatuntur; & per
tot tantq; telluris stadia lectionis opinio, pagis provincijsq; divulga-
ta, crebrescit. Si quidem tam creber ineatus est (istinc illincq; istuc
illucq;) navigero æquoreas fretantium calle gurgites, velut quædam
contribula apium germanitas nectar fabre conficiendum. Nam quemad-
modum alternatim, reciproca facessente noctis nebulâ, mellisfluvij
examen (emergente axe tenus æthere Titanæ) gliscentium culmina
tiliarum perflotulenta, ad crates graciles, sarcinatum, flava bajulans
gestamina asportat: eodem modo, ni fallor, lurconum conglacatio
lectorum (*dunning sat snob*) ac residua sagax discipulorum caterva;
Borigeris hagiographæ ex arvis, non solum artes Grammaticas atq; Geo-
metricas bis ternasq; omillas Physicæ artis machinas; quinimò allego-
ricæ potiora ac tropologicæ disputationis bipertita bis oracula (æthra-
libus opacorum mellita in ænigmatibus problematum) siticulosè su-
mentes carpunt, & in alveariis sophiæ, iugi meditatione loco tenus ser-
vanda condentes, abundunt. E quorum catalogo tuam proficisci soletiam,
prædâ onustam atq; torrente fluentis sacrosancti propinatam redun-
dantemque excellens fama percrebuit.

Quamobrem tuum affabilem discipulatum, ceu cernuus, singulta-
tim arcuatis poplitibus subnixisque precibus efflagito; ut oblitteratâ ne-
quaquàm memoriâ excedat, quod *b. Pacificus* cœlesti ambrosiâ præditus,
(subrogatus i genitore iure hæreditario, bis quaternis temporum lu-
stris Israëliticæ plebis imperij sceptro fungens,) almo auctus spiramine
ptompfit, dicens. *Bibe aquam de cisternâ tuâ, & fluentia putei tui: deri-* Prov. 5.
ventur fontes tui foras, & in plateis aquas druido: solus habeo eas, nec sint vers. 15. 16.
alieni participes tui. Quapropter his sacris imbutus sagminibus, iugi
conamine orthographiæ aperito gurgitem, & sitientia rigato arva men-
tium: quatenus germen æthralis extaseos (viris sæcundisque in ortho-
doxorum, satoris sudore, sulcis satum) nullo torridæ obitaculo sicci-
tatis obtinente, pullulans glisfat; & ubertim spissa, Dei suffragio, fe-
ges demùm maturefcat.

Nam idcirco supplex tam obnixè hæc cernitur oramen suggestisse,
quòd nonnulli supernâ noscuntur sphiâ præditi, & arcanâ luce enor-
miter referti: attamen quod gratuitâ cœlestis munificentiâ, Deique da-
psili deditiōe receptantes (proprio facessante meritum quæstu) ade-
pti sunt, nequaquàm (gazophylacio scientiæ referato) plenè promul-

g. dōxas onomastis xveiv, gloriam nominis Domini.

b. salomon: qui à paco nomen obtinuit.

i. genitori, vel, à genitore, paco David sc.

Maith. 3.
15.
Maith. 15.
18. 27. 30.

Pf. 40. 10.

gantes, sed particularim lurconibus largientes. Nam (κ cata Euangelicæ experimentum auctoritatis) nequaquam flagrans lychnus clanculè fuscata tetræ occultitur latebrâ urnæ, qui candelabri summitate cunctis limpido lumine lucere decuit: necnon frustra talenti fenora subterraneis clanculantur obstructa / sablonibus, quæ trapezitarum numerosis monetæ opportuissent numismatibus profligari. ne fortè, ut iners adepto (segnitiâ torpens) mancipium talento, supremos ergastulorum in squalores trusus præcipitur; sed potiùs *enax engeque* ingressurus tripudium à profatore pio promereatur. Vnde Psalmigraphus vates, ob hoc proprix piaculi xpianis flagitium conscientiæ, sacro præfagio orsus inhit:

Injustitiam tuam non abscondi, & reliqua.

Sed hæc misellus homuncio dictando volvens, scrupulo ancipiti ex templo quatiens angebar; (cur inquam) *Hibernia*, quò cætervatim istinc lectores classibus advehti confluent, ineffabili quodam privilegio effertur: ac si istic, secundo *Britannia* in cespite, didascalæ Argivi Romaniue *Quirites* repperiti minimè queant, qui cœlestis tetrica enodantes bibliothecæ problemata sciolis reserare se sciscitantibus valeant. Quamvis enim prædictum *Hibernia* rus, discientium opulans vernansque (ut ita dixerim) pascuosâ numerositate lectorum, quemadmodum poli cardines astriferis micantium ornentur vibrâminibus siderum: ast tamen climatis *Britannia* occidui in extremo ferme orbis margine sita (verbi gratiâ (ceus *Solis* flammigeri & luculento *Luna* specimine potiatur, id est, *Theodoro* insulâ Pontificatus fungenti, ab ipso tyrocinio rudimentorum in flore philosophicæ artis adulto; nec non & eiusdem sodalitoris cliente *Adriano* duntaxat urbanitate enucleatâ ineffabiliter prædito.

Et audacter in propatulo contestans, pellaci falsitatis frivolo neglecto, æquâ veritatis censurâ trutinante discernâ, etiam si Beata memorix *Theodorus*, summi Sacerdoti; gubernacula regens, *Hibernensium* globo discipulorum (ceus aper truculentus molossorum catastâ ringente vallatus) stipetur: limato perniciter Grammatico dente, iacturâ dispendij carens, rebelles phalanges discutit, & utpote belliger in meditullio campi arcister, legionum phalangibus septus æmulorum spissis, mox nervosis tenso lacertorum volis arcu, spiculisque ex pharetrâ exemptis, hoc est, Chronographiæ opacis acutisque syllogismis; turma supercilij typho turgens (amissâ ancilium testudine) terga dantes, latebras antrorum atras (triumphante victore) præpopere petunt.

Neu tamen hæc philosophando, *Scotticus* sciolos (quorum gemmato tua sagacitas dogmatum favo aliquantisper *m* abusa est) sugillare à quocumque autumer; (quippe cùm satagerem præconium cudens affabiliter texere nostrorum, non sugillationem ridicule cachinnans rumigerare vestrorum:) sed potiùs, jocistâ scurræque ritu dicacitate temerariâ loquentium, fraternæ *n* ironiâ dilectionis obtenta * cavillabatur. Si vero quippiam, incitiâ suppeditante, garrulâ frontose convincitur pagina promptissè: ut Versidicus ait,

* Locutus
corruptus.

κ κατὰ, secundum, ut in Bonifacii Moguntini epistolis, & apud Cyprianum quoque
I arenis: ut in Gildæ epistolâ.

m id est, *usq*; ut apud Hieronymum etiam aliquoties. n *inopini*.

• Digna fias fante glingio gurgo fugax famulo;
 Neu timeas scriptor terrentis ludere lingua.
 Sic semper cupiunt scriptorum carpere chartas,
 Ut caper hirsutus rodis cum dente racemos:

Nec tamen emendant titubantis grammæ Pœta.

o Ad hunc barbarum versiculum apponitur hæc glossa (non admodum certè co-
 cinnæ) in margine Manuscripti. D. Rob. Cottoni & Thomæ Alani. Fugax gurgo, id
 est, virgo impetrante novit de matrimonio exposta, inter feras enutrita, ferarum
 consuetudinibus assuescens: qua alio nomine luturna. Fante glingio, id est, rogante
 fratre, vel alio qualibet amico; ut digna fieret illa fugax gurgo, famulo, id est, ri-
 versione, vel sine laboris.

RECENSIO.

Ex quatuor antiquissimis codicibus descripta: quorum primum suppeditavit mihi no-
 bilissimus Dominus Guiljelmus Harwardus de Navvorth, secundum D. Robertus Cotto-
 nus, tertium Thomas Alanus Oxoniensis, & ex Regiâ Bibliothecâ quartum amicissimus
 Patricius Junius. Scripta est autem sylo ita impedito & implicato; ut non admodum
 mirari subeas, etiam Guiljelmum Malmesburienfis temporibus repositum fuisse, quibus ha-
 uismodi Aldhelmi scripta nauscam pepererint: non attendentibus quod iuxta mores
 gentium varientur modi dictaminum. Ita ille, de gestis Regum Anglorum lib. 1. cap.
 2. ad dicti confirmationem porro subijciens: Græcos involutè, Romanos circumspice-
 tèt, Gallos splendide, Anglos pempaticè dictare solere. Porro Eadfridus sive Ælfridus
 (E A enim Anglo-Saxonum, A E Latinorum diphthongo respondet) ad quem,
 post sex annos studii in Hiberniâ, impensas, missa est hæc Epistola; non alius esse vi-
 detur quàm Eadfridus (ab alijs Eadferd, à quibusdam etiam Egfridus dictus) cui Be-
 da Vitam Cuthberti soluta oratione à se descriptam dicavit? quemque Eadberto anno
 Dom. 698. in Lindisfarneſi episcopatu successisse, ex Dunelmensis Ecclesiæ Historia à
 Targoto conscripta; & Florentij VVigornienſis Annalibus intelligimus. Antequam verò
 ille Episcopatum est adeptus, Epistolam hanc scriptam fuisse liquet; licet in Regio Ma-
 nuscripti, titulum hunc præfixum habeat. Incipit Epistola Aldhelmi Episcopi. Verum,
 cum post annum 698. ad Schireburnensem Episcopatum Aldhelmum proventum fuisse
 constet: nos priorem Malmesburienſis Abbatis appellationem retinere maluimus.

ADAMNANI Huenſis Monasterij Abbatis.

In libros tres de vitâ S. Columba.

PROLOGVS.

BEati nostri Patroni (Christo suffragante) vitam descripturus, fratrum
 flagitationibus obsecundare volens: imprimis eandem lecturos
 quosque admonere procurabo; ut fidem dictis adhibeant comper-
 tis; & res magis quàm verba perpendant, quæ (ut æstimo) inculta
 & vilia esse videntur. meminerintque, Regnum Dei non eloquentiæ
 exuberantiâ, sed in fidei florulentiâ constare: & nec ob aliqua Scoti-
 cæ, vilis videlicet linguæ, aut humana * onomata, aut gentium obscu-
 ra locorumve vocabula (quæ, ut puto, inter alias exterarum gentium
 vileſcunt linguas) utilium, & non sine divinâ opitulatione gestarum, deſ-
 piciant rerum pronuntiationem. Sed & hoc Lectorem admonendum
 putavimus; quod de beatæ memoriæ viro, plura studio brevitatis, etiam
 memoriæ digna, à nobis sunt prætermiſſa: & quasi pauca de plurimis,

EPIST.
 XIV.

* οὐδ' ἄλλα,
 nom. a.

* *εκατα,*
παρα τῆ
χρηστικῆς.

ad evitandum fastidium lectorum, sint * caraxata. Et hoc (ut arbitror) quisque hæc lectorus fortè annotabit, quod minima de maximis per populos fama de eodem Beato viro divulgata disperse-rit; ad horum etiam paucorum comparationem, quæ nunc breviter caraxare disponimus.

EPILOGVS.

Post horum trinalium lectionem libellorum, quisque diligens annotator lector, quanti & qualis meriti sanctus sæpe supramemoratus præfuit venerandus, quantæ & qualis apud Deum honorificentia fuerit æstimatus; quantæ & quales Angelicæ apud ipsum & luminosæ frequentationes fuerint; quanta in eo prophetalis gratia, quanta dialium efficientia virtutum, quanta & quam frequens eum divini luminis claritudo in carne mortali adhuc commemorantem circumfulserit. Quin etiam post * ingressum animæ de tabernaculo corporis sanctissimæ (sicuti quibusdam electis ostensum, habetur compertum) locum in quo ipsius sancta pausant ossa usque hodie eadem celestis claritas frequentare non cessat, & sanctorum frequens visitatio Angelorum. Et hæc etiam eidem beatæ memoriæ viro à Deo non mediocris est collata gratia, quæ nomen eius non tantum per totam nostram *Scotiam* & omnium totius orbis insularum maximam *Britanniam* clarè divulgari promeruit, (in hac parvâ & extremâ Oceani Britannici commoratus insulâ) sed etiam ad trigonam usque Hispaniam & Gallias, & ultra Alpes Penninas Italiam sitam pervenire, ipsam quoque Romanam Civitatem, quæ caput est omnium civitatum. Tantus & talis honor vocibilis eidem Sancto inter cætera divinæ donationis munera condonatus scitur à Deo, qui se diligentes amat; & eos qui eum magnificant laudibus, magis ac magis glorificans immensis sublimat honoribus: qui est benedictus in sæcula.

Admonitio Adamnani ad Scriptores.

Osecro eos quicumque voluerint hos describere libellos, imò potius adjuro per *Christum* iudicem sæculorum; ut postquam diligenter descripserint, conferant & emendent cum omni diligentia ad exemplar unde extraxerunt: & hanc quoque adjurationem hoc in loco subscribant.

RECENSIO.

De Adamnano pluribus agit *Jeda*, libro 5. *Histor. Ecclesiast.* cap. 16. Et *Crotfridus Abbas* in *Epistola ad Natanum Pictorum regem*, ibid. cap. 22. indeq; *Matthæus Florilegus*: Anno gratiæ DCC I. floruit vir bonus & literatus Adamnanus presbyter & Abbas monachorum qui erant in insulâ Hii. Hic missus ad Aldfridum regem gratiæ legationis, cum videre cœtus Ecclesiasticæ institutionis & observantiæ festi Paschalis, continuo trahitur ad consensum. Qui cum domum redisset, cura in suos, qui erant in insulâ Hii, ad cællem perducere veritatis, nec valuit; navigansquæ in Hiberniam, penè omnes ad legitimum Paschæ tempus observandum induxit. Scripsit idem vir Domini librum de loco Dominiæ nativitatæ, passionis & ascensionis; situmque Terræ sanctæ mirabiliter descripsit. Editus est hic liber Ingolstadtj anno 1619. à Jacobo

*Gregorio, titulo Adamanni Scotobiberni: ibidemque anno 1604. ab Henr. Canisso, (tomo 5. Antiqua lectionis) libri eiusdem tres de S. Columbà. cuius operis Prologum paulo correctorem ex MS. nostro hic damus; addito etiam, ex alio Costreniana Bibliotheca codice, Epilogo bacenini inedito, una cum Aduersione qua transcriptores obiectatur auctor, * Irenaei in libro *contra haereses* & Eusebii in *Chronico* exemplum imitatus.*

* Apud Euseb. lib. 5. Histor. Ecclesiast. cap. 19. 10. & Hieronymum, de scriptor. Ecclesiast. in Irenaeo.

EPIST. XV. Anno Christi 745.

BONIFACII Moguntini archiepiscopi, ad Zachariam Romanum Pontificem, de causâ Aldiberti Galli & Clementis Scoti.

Excellentissimo Patri atque Apostolico Pontifici, & ex auctoritate sancti Petri, Principis Apostolorum magisterio frecto, Zacharia Papa, Bonifacius exiguus servus servorum Dei, optabilem in Christo charitatis salutem.

POSTQUAM me ante annos propè triginta sub familiaritate & seruitio Apostolicæ sedis, anuente & iubente venerandæ memoriæ Antistite Apostolico Gregorio, anteriore voto constrinxi; quidquid mihi lætitiæ vel tristitiæ acciderat, Apostolico Pontifici solebam indicare, ut in lætis simul laudaremus Deum, & in tristibus eius consilio roborarer. Ita & nunc mihi liceat indicare, pietati vestræ supplico. Sicut scriptum est. *Interroga patrem tuum & annuntiabit tibi; seniores tuos & dicent tibi.* Notum enim sit paternitati vestræ, quia postquam indigno mihi mandatis in provinciâ Francorum (sicut & ipsi rogaverunt) sacerdotali Concilio & Synodali conventui præfesse; multas iniurias & persecutiones passus sum, maximè à falsis Sacerdotibus, ab adulteratis Presbyteris seu Diaconibus, & fornicarijs Clericis. Maximus tamen mihi labor fuit contra duos hæreticos pessimos, & publicos, & blasphemos contra Deum, & contra Catholicam fidem. Vnus qui dicitur *Aldebert*, natione generis *Gallus* est; alter qui dicitur *Clement*, genere *Scotus* est: specie quidem diversi; sed pondere peccatorum pares.

Contra istos obsecro Apostolicam auctoritatem vestram, quòd meam mediocritatem defendere & adjuvare, & per scripta vestra populum Francorum & Gallorum corrigere studeatis: ut hæreticorum fabulas & vana prodigia & signa præcursoris Antichristi non sectentur; sed ad canonica iura, & ad viam veræ doctrinæ convertantur. & ut per vetus vestrum isti hæretici duo mittantur in carcerem (si vobis justum esse videatur, cum vitam & doctrinam illorum vobis intima-vero) & nullus cum eis loquatur vel communionem habeat, ne fortè fermento doctrinæ illorum fermentatus aliquis pereat: sed segregati viuant, & iuxta dictum Apostoli, huiusmodi *traditi Satana in interitum carnis, ut spiritus saluus sit in die Domini.* & iuxta Evangelicum præceptum, *dum Ecclesiam non audierint, sint vobis sicut Ethnici & Publicani:* donec discant non blasphemare, nec scindere tunicam Christi. Propter istos enim persecutiones, & inimicitias & maledictiones multo-

1. Cor. 5. 5.

Matth. 18.

17.

1. Tim. 1. 10.

rum populorum patior: & Ecclesia Christi impedimentum fidei & doctrinæ rectæ sustiner.

Matth. 7.
19. 16.

Dicunt enim de *Aldeberio*, quod eis sanctissimum Apostolum abstulisset; patronum, & oratorem, & virtutum factorem, & signorum ostensorem abstraxisset. Sed pietas vestra audiens vitam eius, iudicet ex fructu, utrum vestimentis ovium indutus intus autem lupus rapax fuisset, an non.

2. Tim. 3. 6.

In primæâ enim ætate hypocrita fuit, dicens, quod sibi Angelus Domini, in specie hominis, de extremis finibus mundi, miræ & tamen incertæ sanctitatis reliquias attulisset; & exinde potuisset omnia, quæcunque poposcerit, à Deo impetrare: & tunc demùm per illam simulationem (sicut Apostolus Paulus prædixit) penetravit multorum domos & capivas duxit post se mulierculas oneratas peccatis, quæ ducebantur varijs desiderijs, & multitudinem rusticorum dicentium, quod ipse esset vir Apostolicæ sanctitatis, & signa & prodigia multa fecisset. Deinde conduxit Episcopos indoctos, qui se, contra præcepta Canonum, absolute ordinarunt. Tum demùm in tantam superbiam elatus est, ut se æquipararet Apostolis Christi: & dedignabatur in alicuius honore Apostolorum vel Martyrum Ecclesiam consecrare, & interrogavit, quid voluissent homines visitando limina sanctorum Apostolorum. Postea in proprio honore suo dedicavit oratoria (vel ut verius dicam, sordidavit) fecit cruciculas & oratoriola in campis, & ad fontes, vel ubicumque sibi visum fuit, & iussit ibi publicas orationes celebrare; donec multitudines populorum, spretis cæteris Episcopis, & dimissis antiquis Ecclesijs, in talibus locis conventus celebrabant, dicentes: Merita sancti *Aldeberii* adjuvabunt nos. Ungulas suas & capillos dedit ad honorificandum, & portandum cum reliquijs sancti Petri Principis Apostolorum. Tum demùm, quod maximum scelus & blasphemia contra Deum esse videbatur, fecit. Veniente enim populo & prostrato ante pedes eius, & cupienti confiteri peccata sua, dixit. Scio omnia peccata vestra, quia mihi cognita sunt occulta vestra; ideoque non est opus confiteri ea. Securus ergo & absolutus de peccatis vestris præteritis, reverimini ad domos vestras cum pace. Et omnia quæcunque sanctum Evangelium hypocritas fecisse testatur, suo habitu, incessu, & moribus imitatus est.

Alter autem hæreticus, qui dicitur *Clementis*, contra Catholicam contendit Ecclesiam: Canones Ecclesiarum Christi abnegat, & refutat tractatus; & intellectus sanctorum Patrum, Hieronymi, Augustini, Gregorii rufus. Synodalia iura spernens, proprio sensu affirmat, se, postduos filios sibi in adulterio natos [sub nomine Episcopi] esse posse legis Christianæ Episcopum. Iudaismum inducens, iudicat iustum esse Christianæ Episcopum. Iudaismum inducens, iudicat iustum esse Christiano ut, si voluerit, viduam fratris defuncti accipiat uxorem. Ipse etiam contra fidem sanctorum Patrum contendit, dicens; quod Christus filius Dei descendens ad inferos, omnes quos inferni carcer detinuit, inde liberasset, credulos & incredulos, laudatores Dei simul & cultores

cultores idolorum: & multa alia horribilia de *Prædestinationis Dei* contraria fidei Catholicæ affirmat. Qua propter de hoc quoque hæretico peccator, ut per litteras vestras mandare curetis Duci *Carolomanno*, ut mittatur in custodiam; ut semina Satanae latius non seminet, ne forsitan una ovis morbida torum gregem polluat. Valere sanctitatem vestram, & prosperis profectibus gaudere in longitudinem dierum optamus.

R E C E N S I O.

Incerta est Aetio Romana Synodi, anno 745. habita: in qua contra Clementem Scutum, huiusmodi lata est sententia. Clemens, qui per suam stultitiam sanctorum Patrum statuta respuit, vel omnia Synodalia acta; inferens etiam Christianis Iudaismum, dum prædicat fratris defuncti accipere uxorem; insuper & Dominum Iesum Christum descendentem ad inferos, omnes pios & impios exinde prædicat abstraxisse: ab omni sit sacerdotali officio nudatus, & anathematis vinculo obligatus, pariterque Dei iudicio condemnatus, vel omnis qui eius sacrilegis consenserit prædicationibus. Videantur de Adelberti & Clementis causa, Zachariæ Romani Pontificis Responsa, inter Bonifacij epistolæ à Secretario editæ, num. 138. 39 & 144.

ZACHARIÆ Romani Pontificis, ad *Bonifacium*, de causâ EPIST. XVI.
Virgilij, Hiberni & *Sidonij*.

*Reverendissimo & sanctissimo fratri Bonifacio Cæpiscopo, Zachariæ
servus servorum Dei.*

Anno Christi
746.

Virgilius & *Sidonius* religiosi viri, apud *Baïcariorum* provinciam degentes, suis nos litteris visitarunt: per quas intimaverunt, quod tua reverenda fraternitas eis injungeret Christianos denuò baptizare. Quod audientes, nimis sumus conturbati, & in admirationem quandam incidimus, si habet, ut dictum est. Rerulerunt quippe, quod fuerit in eadem provinciâ sacerdos, qui Latinam linguam penitus ignorabat, & dum baptizaret, nesciens Latini eloquij, infringens linguam diceret; *Baptizo te in nomine Patris, & Filii, & Spiritus sancti*: ac per hoc tua reverenda fraternitas consideravit rebaptizare. Sed (sanctissime frater) si ille qui baptizavit, non errorem aut hæresim introducens, sed, pro solâ ignorantia, Romanæ locutionis infringendo linguam, (ut supra fati sumus) baptizans dixisset; non possumus consentire, ut denuò baptizentur. Quia, (quod tua benè compertum habet sancta fraternitas) quicumque baptizatus fuerit ab hæreticis, *In nomine Patris, & Filij, & Spiritus sancti*, nullo modo rebaptizari debeat, sed per solam manus impositionem purgari debeat. Nam (sanctissime frater) si ita est, ut nobis relatum est, non ampliùs à te illis prædicetur huiusmodi; sed ut sancti Patres docent & prædicant, tua sanctitas studeat conservare. Deus te incolumem custodiat, reverentissime frater. Data Kalendis Iulij, imperante Domino piissimo Augusto Constantino, à Deo coronato, magno Imperatore anno vicessimo sexto, Imperij eius anno * quatto, Indi-

* sexto.

R E C E N S I O.

*A Iacobo Merlino Colonia anno 1530, cum Isidori Mercatoris Canonum & Epistolæ
Vlserij Epist. Hibern.*

a Vid. supr.
epist. 1. p. j.

b Habuit
secum labe-
ris & core-
na participi
Episcopum
eemitantem
de patria
nomine
Dobda, ad
persolvendū
Episcopale
officium, in-
quit, Viar
S. Virgilij
descripior,
Eberhardi
Salisburgē-
sis Episcopi
discipulus.
Vide etiam
Acta Ru-
perti primi
Salisburgē-
sium Epif-
copi, apud
Surium,
tom. 1. die
27. Martij.

rum Pontificiarum Collectione primū ostendit: & deinde, cum in totis Conciliarum
rūm alibi sapius recusa. De Virgilio & socijs Thadæus, abbas Scotorum Ratibona, ex
Chronico fundationis Scotorum ista refert. Tempore eodem (quo de Hibernia venit
Kilanus, cum duobus socijs suis Colenno & Tetnno) venit honorabilis turba San-
ctorum de Hiberniā, videlicet S. Virgilius Episcopus, cum alijs septem Episcopis
sanctis, multisque alijs socijs: qui proposuerunt Domini vestigia ac sanctam terram
corporeis oculis videre, a more reverendorum Patrum Scotorum, &c. S. Virgilius
Salisburga Episcopus est factus. Ceteri eius Coepiscopi Salzburge in ministerio ope-
ris Dei remanserunt usque ad diem obitus eorum. Ceterum eorum socius, videlicet B.
Lullus, apud Illminster gloriosis operibus intrepidus permansit. Et B. Declanus cum
alijs duobus apud Frisingiam, duoque alij apud Rete beata ossa sua terræ commenda-
verunt: & S. Alto apud Alconminster. Et sic sanctus grex beatorum virorum divisum
in diversis locis regna ecclesiastica sunt adepti. & Virgilius Hundius, in Iuvavian-
sum seu Salisburgensium Episcoporum Catalogo. B. Virgilius, natione Hiberni-
cus, ex nobili progenie ortus, a Stephano Papā & Pipino Rege Francorum ad admi-
nistrationem Episcopatus Iuvavienlis destinatus est: sed a Regeper duos ferē in-
tegrōs annos, propter eximiam eruditionem & sanctimoniam viar, terentus est, postea
verō honorificē ad Orlilonem Boiorum tūm temporis Decem dimissus, ab eo Epif-
copatu accepit. Dissimulatā aurem consecrationē, penē duorum annorum spatio,
b Pontificem secum habuit propriū Dobdan nomine, Græcum, qui ipsum securus
erat ex patriā. Is iniecit ipsius munere fungebatur. Postulantibus deinde subditis,
Boijsque Pontificibus, consecratus est anno Christi 767. XVII. Calendis Iulij. Græ-
co autem illi Magistro & Sacerdoti Dobdan tradidit Otilo sedem Chiemensem: ubi
aperuit ille Scholam, & agmina discipulorum quam plurima habuit. Mirarer verō ex
Hibernia nescia hominem Græcum prodixisse, nisi scirem in agro Midenfi apud Trim-
mensis, ad eam sacram extitisse, quæ Græcæ Ecclesiæ nomen ad hunc usque diem retinet.

EIVSDEM ZACHARIÆ, ad Bonifacium; de alijs
quæstionibus ab eodem Virgilio & Sampson Scoto motis.

Reverendissimo & sanctissimo fratri Bonifacio Cœpiscopo, Zacharias
servus servorum Dei.

Epist.
XVII.
Anno Chri-
sti 748.

Scriptis reverenda fraternitas tua, reperisse te quendam presbyterum,
S genere Scorum, nomine Sampson, errantem a viā veritatis; dicentem
& affirmantem, sine mystericā invocatione aut lavacro regenerationis
posse fieri Catholicum Christianum, per Episcopalis manus impositio-
nem. Hic autem qui hoc dicit, vacuus est Spiritu sancto, & alienus a
gratiā Christi, atque a consortio sacerdotali abijciendus. Quis enim
nisi baptizetur, iuxta præceptum Domini, In nomine Patris, & Filij,
Matth. 28.
19. & Spiritus sancti. & sic per manus impositionem consecratur, potest
esse Catholicus? Hunc nequissimum virum, talia prædicantem, ab Ec-
clesiā Dei sanctā condemnatum expelle. Illos autem viros, qui ab hæ-
reticis baptizati sunt, & dubietas tenet, quod in nomine Patris, & Filij,
& Spiritus sancti non sunt baptizati; inquisitū rei veritate, si ab erro-
neis sacerdotibus baptizati sunt, hos * sine dubio (iuxta prædecessoris
nostri beatæ memoriæ Gregorij Papæ, & sacrorum Canonum traditum
tibi mandatum) ** implere non omitas; ne in æternum pereant, sed
potius Evangelicā consecratione salventur.

* forte hoc

** baptiza-
ri permittas

Intimatum est etiam à sanctitate tuâ, quòd *Virgilius* ille (nescimus si dicatur Presbyter) malignatur adversum te, pro eo quòd confunde-
batur à te, erroneum se esse à Catholicà doctrinâ; immissiones faciens
Ostensi Duci *Baioariorum*, ut odium inter te & illum seminaret: aïens
quòd & à nobis esset absolutus, unius defuncti ex quatuor illis Episcopis,
quos tua illic ordinavit fraternitas, diocësim obtinere. Quod ne-
quaquam verum est: quia *mentita est iniquitas sibi*. De perversâ autem
& iniquâ doctrinâ, quam contra Deum & animam suam locutus est, si
clarificatum fuerit ita eum confiteri, quòd alius mundus & alij homines
sub terras sint; hunc accito Concilio, ab Ecclesiâ pelle sacerdotij ho-
nore privatum. Attamen & nos scribentes prædicto Duci, evocatorias
de prænominato *Virgilio* mittimus litteras; ut nobis præsentatus, &
subtili indagatione requisitus, si erroneus fuerit inventus, canonicis
sanctionibus condemnetur. Qui enim *seminant dolores*, ipsi *metunt eos*.
Sic enim scriptum est: *Perversa cogitationes separant à Deo; probata au-*
tem virtus corrumpit incipientes.

Phil. 2. 12.

Iob. 4. 8.

Sapient. 1. 3.

Pro *Sidonio* autem & *Virgilio* supradicto Presbyteris, quod scripsit
sanctitas tua, agnovimus. Et illis quidem, ut condecerebat, comminan-
do scripsimus: tuæ autem fraternitati plùs credulitas quàm illis admit-
tetur. Si autem placuerit Deo, vitâ comite, sedi Apostolicæ eos, missis
Apostolicis litteris (ut prælatum est) evocabimus. Docuisti enim eos,
& non susceperunt: & factum est in illis, sicut scriptum est in libro Sa-
pientiæ. *Qui docet factum, quasi qui conglutinat testam, Arenam, & sa-*
lem, & massam ferri facilius est portare, quàm hominem imprudentem, &
factum, & imprum. Quoniam *qui miratur corde, cogitat inania; & vir*
imprudens & errans cogitat stulta. Non ergo ad iracundiam provocetur
eor tuum, fratet: sed in patientiâ tuâ ubi tales repereris, *admone, obse-*
ra, incipa; ut convertantur ab errore ad viam veritatis. Et si conver-
tuerint, *sa'vasti animas eorum*; si vero in duritiâ permanferint, merce-
dem ministerij tui non perdes: illos autem, iuxta Apostoli vocem,
devota.

Ecclesiast.
12. vers. 7.Ecclesiast.
16. 23.2. Tim. 4. 2.
& 18.
Iacob. 5.
19. 10.

Tit. 3. 10.

Deus te incolumem custodiat, reverentissime & sanctissime frater.
Data Calendis Maij, imperante Domino piissimo Augusto *Constantino*,
à Deo coronato, magno Imperatore, pacifico; Imperij anno XXIX.
Patriatus eius anno VII. Indictione primâ.

RECENSIO.

Hæc, una cum duabus epistolis præcedentibus, non solum in Bonifacianarum episto-
larum habetur volumine, sed etiam in Bonifacij Vita ab Oshlono descripta, atque à
Surio (tom. 3. die 5. Iunij) & Særio (lib. 3. ver. Moguntiac.) publicata. Quas edi-
tiones, & inter se, & cum Romana Pontificiarum Epistolarum editione contulimus. Ne-
que hæc tamen epistolam, quæ longiuscula erat integram hic descripsimus: sed quæ
ad Sampsonis & Virgilij causam pertinebant inde excerpta dedimus. Extat vita Vir-
gilij nostri, Casinobiz Apostoli, à quodam Eberhardi Salisburgensis episcopi discipulo
listeri confecta; & ab Henr. Camisso in Antiqua lectionis tomis edita: cuius hoc ini-
tium. Basilissimus Virgilius in Hiberniâ insulâ nobili ortus prosapia, litterarum stu-
dij ita animum applicavit; ut inter doctos sui temporis atque Climatis, doctissimus
haberi potuisset. Atque inde nata est hæc, quæ inter illum & Bonifacium intercessit,

de Antipodibus controversia : de qua videndi rerum Boicarum scriptores, To. Aventinus & M. Velferus Litterarum vero Virgilij monumentum hodie nullum superest : si Glossarium fortè exceperis, à Glosaſto, in Notis ad Columbanum (p. 83, 152. & 155. citatum.

EPIST.
XVIII.

ALBINI Magistri, ad Colcum lectorem in Scotia.

Anno Christi 795. Benedicte magistro & pio patri Colcu, Alcuine humilis Levita salutem.

* id est,
X. V. Ephali.

AVDITA sanitate & prosperitate paternitatis vestræ, totis (ut fateor) gavissus sum visceribus. Et quia curiosum te nostri itineris putavi, vel rerum in mundo nuper gestarum; per hos rusticitatis mex apices, tuæ providentiæ innotescere curavi, seu audita seu visa. Primò sciat dilectio tua, quòd (miserante Deo) sancta eius Ecclesia in partibus Europæ pacem habet, proficit, & crescit. Nam * antiqui Saxones & omnes Frisonum populi, instante Rege Carolo (alios præmijs, & alios minis sollicitante (ad fidem Christi conversi sunt. Sed anno transacto idem Rex, cum exercitu irrumpit super Sclavos, quos nos Dionudos dicimus, eosque subegit suæ ditioni. Gracivè tertio anno cum classe venerunt in Italiam, & à ducibus Regis præfati victi fugerunt ad naves: quatuor millia ex illis occisi, & mille captivi feruntur. Similiter & Avari, quos nos Hunos, dicimus, exarserunt in Italiam, & à Christianis superati domum cum opprobrio reversi sunt: nec non & super Bangariam irruperunt; qui & ipsi ab exercitu Christiano superati & dispersi sunt. Etiam & ejusdem Christianissimi Regis duces & Tribuni multam partem Hispania tulerunt à Saracenis, quasi trecenta milia in longum per maritima. Sed heu (proh dolor!) quòd iidem maledicti Saraceni (qui & Aggareni) totà dominantur Africa & Asia majore, maximâ ex parte. De quorum egressione, tuæ venerandæ prudentiæ dudum (ut æstimo) scripsi.

De cætero (Pater sanctissime) sciat reverentia tua, quòd ego filius tuus, & Ioseph vernaculus tuus (Deo miserante) sani sumus: & tui amici toti, qui apud nos sunt, in prosperitate Deo serviunt. Sed nescio quid de nobis venturum sit. Aliquid enim dissensionis, Diabolico fomento inflammante, nuper inter Regem Carolum & Regem Offan exortum est: ita ut utrinque navigatio interdicta negotiantibus cesset. Sunt qui dicunt nos pro pace esse in illas partes mittendos: sed obscuro ut vestris sacrosanctis orationibus manentes vel euntes muniamur. Nescio quid peccavi, quia tuæ Paternitatis dulcissimas litteras multo tempore non merui videre: tamen pernecessarias orationes sanctitatis tuæ me quotidie sentire credo.

Misi charitati tuæ aliquid de oleo, quod vix modò in Britannia invenitur, ut dispensares per loca necessaria Episcoporum, ad * utilitatem hominum vel honorem Dei. Misi quoque quinquaginta sicos fratribus de eleemosynâ Caroli Regis: (obsecro ut pro eo oretis:) & de meâ eleemosynâ quinquaginta sicos: & ad Australes fratres Baldhwinoga, tringinta sicos de eleemosynâ Regis, & tringinta de eleemo-

* al. utili-
tatem ho-
minis Dei.

HIBERNICARVM SYLLOGE.

37

synâ meâ, & viginti sîclos de eleemosynâ patris familiæ *Arcida*, & viginti de eleemosynâ meâ; & per singulos Anachoritas tres sîclos de puro argento: ut illi omnes orent pro me, & pro Domino Rege *Carolo*, ut Deus illum conservet ad tutelam sanctæ suæ Ecclesiæ, & ad laudem & gloriam sui nominis. Exaudiat vos omnipotens Deus pro sanctâ suâ Ecclesiâ intercedentes; & proficete faciat in salutis æternæ prosperitate.

RECENSIO.

Part huius epistola à Guilielmo Malmesburiensi, libro 1. de Gestis Regum Anglorum cap. 4. producitur: sed integram ex duobus antiquissimis Cottonianæ Bibliothecæ Codicibus descripsimus, in quibus & alia ad Iosephum illum habetur, cuius in hac epistola facta est mentio: ubi de Colco, vel Colcano, ita meminit. Sanus est magister vester Colco, & sani amici tui, qui apud nos sunt.

CLAUDII Scoti Presbyteri, ad Iustum Abbatem.

EPIST.
XIX.

Ex Præfatione Commentariorum in Matthæum.

Anno Christi
815.

ANNO octingentesimo decimo quinto Incarnationis Salvatoris Iesu Christi, postquam pius ac mitissimus Princeps, S. Ecclesiæ Catholicæ filius *Ludovicus*, anno secundo Imperij sui, cælesti fultus auxilio, adversus barbaras nationes movisset exercitum; atque abeunte & discedente tuâ paternitate ex palatio jam dicti Principis ad charum dilectumq; tibi semper tui monasterij portum: inunxisti mihi, ut aliquod dignum memoria opusculum in expositione Evangelij ad legendum dirigerem. Fratribus monasterij vestri. &c. Ad quoscunque verò sive per hoc sive per aliud quodcumque opusculum notitiâ nominis mei pervenerit; intercessionem peccatorum meorum supplex ab omnibus exquiri: subnixâ prece deposcens, ut ita à misericordissimo Domino nostro flagitetis, ut omnibus delictis meis atque peccatis (omnibus opitulantis vobis) consuetudinariâ clementiâ & copiosâ bonitate deleatis, et si non ad idem præmium, saltem ad eundem vos portum quietis videat pervenire.

fort. nos
p. q. velit
pervenire.

RECENSIO.

De eo Bosonus Buriensis, in Scripturum Catalogo. Claudius monachus, & discipulus sancti Bedæ secundum quosdam, floruit circa annum Christi 815. & scripsit ex opusculis Origenis, Hieronymi, Ambrosij, Hilarij, Augustini, Rufini, Iohannis, Fulgentij, Leonis, Maximi, Gregorij & Bedæ super Evangelium Matthæi lib. 30. Eundem annum, & istos authores, in Commentariorum horum Præfatione auther ipsa commorat: cuius ea tantum pars hic est adscripta, quam ad finem huius anni 815. in tom. 9. Appendice, ex Vallicellana urbis Romana bibliotheca, attexit Casar Baronius. Nos verò integram hoc opus cum alibi vidimus, tum Cantabrigia, in Collegij Benedictini & Aulæ Pembrochianæ Bibliothecâ.

Ejusdem CLAUDII, ad Dructerannum Abbatem.

Epist.
XX.

Praefatio Commentariorum in epistolam ad Galatas.

*Domino piissimo, & in Christo summo mihi honore singulariter excolendo,
Dilectissimo Abbati, Claudius peccator.*

T Res, ni fallor, & eo amplius iam pertranseunt tempore anni, quod me adhuc in Alverni celsipitis arvo, in palatio pij principis Domini *Ludovici* (tunc Regis, modò Imperatoris) detentum focordiâ sensus mei, tuâ fervida dilectione adorsus es excitare, ut aliquem fructuosum laborem in Epistolis magistri Gentium adsumerem Apostoli *Pauli*. Sed quia laboribus & tutbinibus mundi depressus, hætenus parere iussioni tuæ nequivi; modò (largiente Deo) in isto Quadragesimæ tempore epistolam beati iam dicti Apostoli *Pauli* ad Galatas, ex tractatibus beatorum *Augustini* & *Hieronymi* Patrum, permixtis procuravi ordinare sententijs. In quibus tractatibus cum ad congruentem expositionem multa deesse cernerem, verti me ad alios libros præfati iam patris *Augustini*; & exinde eam, quæ in illis de ear tractatibus, explere studui expositionem. Nonnulla etiam, ut mihi visum est, infra illorum locutionem, mea studij conjungere verba; quæ utramque expositionem absque scissione conjungerent, & legentis exerceret sensum, & fastidium facerent evitare. Hanc interim, quasi manubias quasdam, tuæ ovans dirigere studeo sanctitati: ut quoties eam manu teneris & legeris, mei memor esse digneris; & in unum conjungat immensa ubique præsens Christi charitas, quos spatia terrarum dissociant. De cæteris verò Epistolis, iam multa in manibus nostris tenentur excepta: ad quas (si Dominus voluerit, & vitam atque salutem concesserit, orantibus vobis pro nobis) ad expositionem illarum quantocius potuero, accedere procurabo. Pius & misericors Deus, reverendam mihi beatitudinem tuam ad prospectum & ornatum Ecclesiæ suæ, & annis multiplicare dignetur, & meritis. Vale in Domino, vir & Dei, memento mei.

RE·CENS·IO.

* Claudius Habentur Claudij in epistolas Pauli Commentarij in Bibliotheca Conobij Cassinensis
super Leviticum (ex dono Theobaldi Abbas, ut ex Chronicis Cassinensis Leonis Officij, lib. 2. cap. 13.
intelligitur) & S. Germani in urbe Anisiodor. unde enarrationem epistola ad Gala-
tiam, cui hæc præfata est Præfatio, descripsit Petrus Pesseliarius, & Parisij anno 1540. in
ducentis emisit. Eiusdem in libros Moysi, Iudicum & Ruth Commentarij) quorum memini-
mus Trithemius) an aliqui adhuc extant, nescio: ex libris in Leviticum, has tantum
aut cutis, risus, festinus citatus invenio. * Sicut qui sanus ferè totus, pro parte aliqua leprosus,
removetur à tabernaculo ut immundus: sic qui Legis præcepta transgreditur ex ali-
qua parte, nihil ex eustodia mandati luvatur alienis: quia transgressorij sunt res
est omnium. Item, Christi in Cruce carnem suam feci nobis cibilem. Nisi enim
fuisset crucifixus, sacrificium corporis eius minimè comederetur. Comeditur autem
nunc in memoria Dominicæ passionis. Crucem tamen præveniens, in Carnè Apo-
stolorum seipsum immolavit, qui post resurrectionem in cæli Tabernaculum suum
sanguinem introduxit, portans cicatrices passionum.

GILDÆ, ad Rabanum monachum.

*Prefatio in librum de Computo.*EPIST.
XXI.*Dilecto fratri Rabano monacho, Gildas peccator in Christo salutem.*Anno Christi
820.Proverb. 8.
11.

LEgimus scriptum in Proverbijis; *Meliorem sapientiam cunctis pretiosissimis; & omne desiderabile ei non potest comparari.* Ideoque (frater dilectissime) gratias ago Deo, qui tibi eius amorem inspiravit, cuius possessio mundi divitiis contemnit; teque reddit suo fulgore decoratum, & proximis tuis profectuosum. Petebas ergo ut quibusdam de Computo propositionibus, earumque minùs perfectis responsionibus, quas mihi protuleras nescio à quibus confectas, stylum adhiberem; easque tibi lucidiores redderem. Feci quantum potui, sed non eo ordine quo ibi positas repperi: quia consula series vim cognoscendi abstulit, & tardium lectionis inexit. Pleraque ergo quæ mihi magis necessaria videbantur addidi; & ordinem in ipsis rebus disponere contendi. Inde quoque eventit, dum brevitati studerem, & tamen ipsarum rerum veritatem patefacere vellem; quodd unius libri quantitatem devitare non possem. Composui quidem ex numero & temporum articulis quendam Dialogum, & nomini tuo ipsum dicavi. In quo * necessaria mihi videbantur interrogandi, *Discipuli* nomine, & quæ respondendi * *Magistri* vocabulo prænotavi, & non hæc tantummodo proprijs rationibus, sed etiam ex antiquorum dictis, & sanctorum Patrum sententijs, enotare curavi. Ideo (frater charissime) hæc legens, scias me non difficultati verborum aut obscuritati sententiarum studuisse, immo magis plana quæque faciliæque collegisse; & quæ ex proprio inferui, ad dilucidandam ipsam veritatem laborasse, magis quàm aliorum imperitiæ insultasse. Nulli enim me præfero; sed bene querentibus, & fidem Catholicam ritè servantibus, pro modulo meo comitem spondeo, ac iuniorum subdo: quod mihi divina gratia concedat, ut quamdum vivam servorum Christi servitor, & bene docentium auditor, & bene laborantium aliquantulus adjutor existam. Dilectionem tuam majestas Christi nunc & in perpetuum conservare dignetur, sancte frater. Memorem te nostri obsecro, ut quanto citius possis exemplar istius libri, quod tibi ad rescribendum dixi, absolvas & mihi remittas.

* fort. add.
quæ
* fort. Interroganda
& respondenda.

R E C E N S I O.

Habetur Manuscript. in Cottonianæ Bibliothecæ liber eius de Computo, 99. Capitulis constant: præfixa Prefatione hæc ad Rabanum; quem ex monacho abbatis Emdensium post annum salutis 820. factum fuisse constat. Illud vero tempus ætatis Gildæ illius quæriti quadras, quem genitorem Hiberniensem Scotiam habuisse scribit Balcan; & qui studuisse in finibus Scotorum Hiberniensi in re Latine addit, quamquam Hibernicum opus, quod ab utroque illi tribuitur, illud ipsum pland est quod in eorum antiquis exemplaribus Nino Britanno adscribitur.

EPIST.
XXII.

IOANNIS Scoti *Erigene*, ad *Carolus Calvum*,
Francorum Regem.

Anno Chris-
ti 838.

In Areopagitica, Latine à se conversa, Carmen.

* λιβῶν,
liberatio-
nem quæ
vino fit.
** fort.
spendo à
Græco
σπένδω,
quod libare
significat.

Hanc * libam, sacro Græcorum nectare factam,
Advena *Ioannes* ** spondo meo *Carolo*.
Maxime *Francigenum*, cui regia stemmata fulgent;
Munera votiferi sint tibi grata tui.
Vos qui Romuleas nescitis temnere technas;
Attica ne pigeat sumere gymnasia.
Quorum si quædam per me scintilla relucet:
Vsbus Ausonijs, si liber aspiciat.
Mollestum si non nostrum munire laborem;
Firmetur vestri pondere iudicij.
Si quid nodosum durumve notetur in ipso;
Parcite, *Cecropidis* Attica tela sequor.
At si mendosus declinet tramite recto;
Mellistuo vestro fame corrigite.
Quod si quorundam mordetur dente feroci;
Hoc leve, namque meo contigit *Hieronymo*.
Vt verò stabilis maneat fundamine firmo;
Regali stathmo figere sufficiat.
Crediderim multos tangentum summa sophiæ
Non despecturos donula nostra fore.
Sudorisque gravis tentabunt carpere fructum:
Forsan virtutem vilia verba tenent.
Sæpè solent spinis redolentes crescere flores;
Nodosæ vitis sumitur uva ferax.

RE C E N S I O:

De hoc, *Gnilielmus Malmesburiensis lib. 2. de gestis regum Anglorum, cap. 4.* Hoc tempore creditur fuisse *Ioannes Scotus*, vir perspicacis ingenij & multæ facundiz: qui dudum conpreantibus undique bellorum fragoribus, in Franciam ad *Carolus Calvum* transierat; cuius rogatu *Hierarchiam Dionysij Areopagitæ* in Latinum de Græco verbum è verbo transtulit. & *Nicolaus I. in epistola ad ipsum Carolus*. Relatum est Apostolatu nostro, quod *Opus B. Dionysij Areopagitæ*, quod de Divinis nominibus, vel Cælestibus ordinibus; Græco descripsit eloquio, quidam vir *Ioannes*, genere *Scotus*, nuper in Latinum transtulcrit. Huic verò translationi præmissum est hoc ad regem *Carolus Carmen*: cuius primum distichon (quod tituli vicerequis- versibus super scriptum fuisse videtur) vir doctus ita legendum censuit:

Hunc librum, sacro Græcorum nectare factum,

Advena *Ioannes* * pando meo *Carolo*.

* vel ταν-
δο;

¶ παυδὸς post:

Parcite *Cecropidis*; Attica vela sequor.

Eiusdem

Ejusdem IOANNIS, ad eundem Carolum.

*In eadem Arcopagistica Prefatio.*EPIST.
XXIII.*Gloriosissimo Catholicorum Regum Carolo, Ioannes extremis sophia
studentium, salutem.*Circa an-
num 838.

Valde quidem admiranda, dignisque virtutum laudibus est exagi-
geranda, Catholicorum virorum religiosissima sollicitudo: qui
dum vitæ humanæ periculosis exagitari videntur ærumnis, fixâ tamen
mentis intentione divinarum rerum laboriosis investigationibus pur-
gati, fructuosius inventionibus illuminati, perpetuis immutabilibusque
veritatis atque divini amoris contemplationibus perfecti; non inter
mortales habitare, sed in cœlestem conversationem mutati penitus esse
iudicandi sunt. In quorum numero vos esse constitutos, nullus rectè
vestros affectus intuentium dubitare permittitur, piissime gloriosissime-
que Regum. quandoquidem civilium (plusque quàm civilium) bello-
rum maximis assiduisque perturbationibus, & insuper etiam paganarum
gentium barbaricis intursibus Christianorum regnum passim invaden-
tibus allis; non tamen regalis animi stabilitate dejecti (quasi quoddam
immobile saxum Neptuni limite naturaliter defixum, crispissimos va-
lidissimosque cæularum tumultus stabili duraque fronte repellens)
toto vestræ mentis intuitu totaque cordis devotione sanctarum Scrip-
turarum secreta (ducente Deo & rationis lumine) inuestigatis, inuesti-
gantibusque diligitis. Et non solum *Latialis* eloquij maximos sanctissimosque
autores perquiritis; verùm etiam in augmentum ædificationis Catho-
licæ fidei, novis modernisque editionibus, in laudem Christiani dog-
matis, *Helladas* Patres pio affectu addidistis consulere.

Hinc est quodd & ingenioli nostri parvitatem non dedignati estis im-
pellere, nec nos velut otiosos inertiaque somno sopitos perpeffi estis
dormire: ne dum *Hesperius* solummodò apicibus studium impendimus,
ad purissimos copiosissimosque *Græcæ* latrices recurrere, haustumque inde
sumere non valeremus. Iussionibus itaque vestris neque volentes, neque
valentes obfistere; rudes admodum tirones adhuc *Helladicorum* studiorum
fateniur, (quid enim pudeat nos fateri vestræ mansuetudini?) ultra vires
nostras (ipso tamen Duce, qui est lux mentium, & *illuminat abscondi-
ta tenebrarum*) libros quatuor sancti patris *Dionysii Arcopagite* Episcopi
Athenarum (quos scripsit ad *Timotheum* Episcopum Ephesiorum)
& decem Epistolas eiusdem, de Græco in Latinum transulimus. Opus
valdè (ut opinamur) anfractuosum, longeque à modernis sensibus re-
motum, multis inivium; paucisque apertum; non solum propter anti-
quiatem, verùm etiam cœlestium altitudinem mysteriorum.

1. Cor. 4. 3.

Fertur namque præfatus *Dionysius* fuisse discipulus atque adjutor
Pauli Apostoli, à quo Atheniensium constitutus est Episcopus. Cuius
& *Lucas* commemorat in Actibus Apostolorum, & *Dionysius* Episcopus Act. 17. 34.

Vsserij Epist. Hibern.

F

Corinthi vir antiquus: beatus quoque *Polycarpus* in Epistolâ ad Ecclesiam Athenarum, *Eusebius* item *Pamphili* in Ecclesiasticâ historiâ; necnon etiam sanctus Papa *Gregorius* in homeliâ suâ, ubi breviter Angelorum ordines exposuit. Hunc eundem quoque, non præfati viri, sed alij moderni temporis, asserunt (quantum Vita eius à fidelibus viris tradita testatur) temporibus Papæ *Clementis* (successoris videlicet *Petri* Apostoli) Romam venisse, & ab eo prædicandi Euangelij gratiâ in partes Galliarum directum fuisse; & martyrum gloriâ coronatum fuisse, cum beatissimis suis confortibus, *Rustico* scilicet atque *Eleutherio*.

Hæc igitur nostra qualiscumque translatio, non quidem proluxa indiget (ut arbitror) apologiæ; cum omnibus eius æmulis (quicumque & qualescunque sint) facillimâ unâ responsione possimus occurrere: Vestræ videlicet Celsitudini neque potuisse, neque debuisse non obedire. Si quis autem nimis tardæ aut nimis inusitatæ redarguerit elocutionis: attendat non me tantum sed & se ipsum nihil posse plus accipere, quàm quod ipse distribuit, *qui dividis singulis propria prout vult*. Sin vero obscuram minusque apertam prædictæ interpretationis seriem iudicaverit; videat me operis huius interpretem esse, non expositorem, ubi valdè pertimesco, ne fortè culpam *fidei interpretis* incurram. At si aut superflua quædam superadiecta esse, aut de integritate Græcæ constructionis quædam deesse arbitratus fuerit: recurat ad codicem Græcum, unde ego interpretatus sum; ubi fortasse inveniet ita ne * esse, nec ne. Hoc tamen mihi idoneum fore arbitratus sum; omiſſis aliorum conjecturis, unius solius arbitrio succumbere, cui oportet me obtemperare.

Sanctus ergo *Dionysius* (ut prædiximus) *Arcopagita*, ex vico videlicet *Martii* denominatus, (*Ares* enim à Græcis bellum vocatur :) primis iuventutis suæ floribus Academiæ studiis eruditus; deinde diuino atque ineffabili miraculo Solaris Eclipses, quæ facta est confixo Domino nostro *Iesu Christo* Crucis patibulo commotus. ipse liquidem (ut in quadam Epistolarum suarum commemorat) dum esset iuxta *Heliopolim* cum *Polycarpo* Episcopo: cæterisque qui tunc aderant, divinâ procurante providentiâ, mirabilem in modum conspexerat Lunam Soli subeuntem, ac per hoc Solem defecisse. Moxque sanctissimum virum, Apostolorum discipulum, *Hierotheum* videlicet episcopum, securus, cuius in tertio huius Operis libro mentionem facit, eundemque Magistrum suum venerabilem nominat, cæterisque tunc temporis Coëpiscopis post Apostolos in Theologiâ præferre non dubitat: cum quo, multisque alijs sanctis in unum convenientibus, *Christum* post resurrectionem corporaliter est contemplatus. Aderantque ibi, (ut ipse ait) *iacobus* frater Domini, & *Petrus* vertex Apostolorum. Talibus ac tantis admonitus, divinarumque Scripturarum mysteriis illuminatus, scripsit hos libros, horrante atque postulante sancto *Timotheo*, alijsque quorum nomina in processu huius operis sæpiſſimè declarat, doctrinamque breviter insinuat. Sed præsentis Operis intentionem, breviter intimare

1. Cor. 12.
II.

* fort. sit

necessarium duximus; quo facilius Lector studiosus ingredietur.

PRIMVS itaque liber, qui inscribitur *de Cœlesti Hierarchia* (quod nos, non verbum sed sensum experientes, possumus latine dicere, *de Cœlesti Pontificatu*, seu *de Cœlesti summo sacerdote*) novem cœlestium virtutum dispositiones enumerat, ordinat, segregat, conjungit; earumque sanctis theologis divinitus manifestatas symbolicas (hoc est, significativas imaginationes mysticas) luculenter exponit. Ordinatur quidem in superiores & medias & ultimas. Segregat verò in ternas ter Hierarchias. Conjungit primas ultimis, & ultimas primis, per medias; mirabili extremitatum & mediatatum ratione coadunans. Dissimilium quoque formarum descriptiones in Prophetis visionibus, plus quàm similibus, cœlestes substantias expressius insinuare confirmat. Nullamque visibilibus seu invisibilibus naturarum, ab initio intellectualis creaturæ usque ad extremum terrenumque vermiculum, nominari; ex quâ divina Theologia quandam similitudinem ad significandam omnium rerum causam (DÈVM videlicet) non introducat.

SECUNDVS verò, cui est inscriptio *de Ecclesiasticâ Hierarchiâ*, humanæ naturæ, (Saluatoris nostri sanguine redemptæ (unitatem denunciat, & similitudinem cœlestis sacerdotij, (quantum possibile est) mortalibus adhuc ordinatam: cujus summus Pontifex ipse est qui eam sibi per gratiam suam coopravit; qui etiam totius Hierarchiæ, cœlestis quidem & terrestrium, principium est, & medium, & finis ad quem omnia referuntur. Hæc itaque nostra Hierarchia instar cœlestis tripartita est; in tres scilicet Hierarchias. Quarum *prima* (temporali quidem ordine, ultima verò dignitate) legale sit Sacerdotium; quod in varijs valdeque obscuris symbolis per legislatorem *Mosén* planè carnali adhuc populo, literæque non spiritui servienti, distributum est: cujus maximus character erat Tabernaculum illud in Arabico monte figuratè monstratum. *Secunda* verò, quæ est media, Sacerdotium quod nunc est: Ecclesiam dico novi Testamenti, sub gratiâ quidem constitutam, partim symbolis visibilibus sacramentorum dispositam, partim verò veritatis contemplatione perfectam; & est finis præteritæ primæ, initium verò futuræ Hierarchiæ: quæ est *tertia*, jam ex parte inchoata in primitijs contemplationis, perficienda verò post gloriam futuræ resurrectionis; quando, visibilibus sacramentorum velaminibus sublati, ipsam veritatem perspicuâ claritate contemplabimur. Ideoque præsens Ecclesiastica Hierarchia (ut diximus) media est inter legalem præteritam & cœlestem futuram: quoniam non solum æternarum rerum symbola peragit & visibiliter considerat, ut legalis præterita; sed & spiritualem intelligentiam investigare invenitque non cessat, ut cœlestis futura.

TERTIVS dehinc continet divinarum nominationum virtutes, ideoque *de Divinis nominibus* vocatur; quia in eo secretissima subtilissimaque resecretantur mysteria de Unitate & Trinitate divinæ essentiae: hoc est, quæ nomina discretam quæ unitam insinuant Deitatem; quæ per se inhumanato Filio conveniunt. quæ sit unius solius omnium causæ in primordiales causas prima processio, ac per eas iterum à summo usque

deorsum multiplex theophania; in genera quidē, in species, numerosq; visibilibus & invisibilibus naturarum: ubi supernaturali contemplatione docere perspicitur, plus similia esse & appropinquare Deo ea quę nō sunt quān quę sunt (non tamen privatione substantiæ, sed superexcellentiā naturæ) quid distat inter causas & causativas; malum nihil esse, neque in rerum naturā subsistere, neque substantiæ, neque virtuti, neque operationi nocere: ea quoque quę per privationem de Deo dicuntur, per excellentiam in ipso intelligenda esse.

Q V A R T V S de *Mysticā Theologiā*, quantum coarctior sit cæteris in sermonibus, tantum largior in sensibus. Vnde & in duas maximas Logicę disciplinæ dividitur partes; *cataphaticam* planē & *apophaticam*; id est, in esse, & non esse. ubi analyticę artis regulis utitur; & nos præclarissimē commonet, per privationem omnium quę dici seu intelligi possunt, oportere ad veritatem quę est causa omnium quę ab eā, & per eam, & in eā, & ad eam, & propter eam creata sunt, per excellentiam essentię recurrere.

L V M I N E sidereo *Dionysius* auxit *Athenas*,
Areopagites, magnificusque *sophos*.

Primò commotus *Phœbum* subeunte a *Selenā*,
Tempore quo b stauro fixus erat *Dominus*.

Mox ut conversus, mirā stupefactus *eclipsi*;
Consequitur gaudens *Hieroshea* ducem.

Qui mox edoctus: præclarus namque magister
e *Pneumatis* excelsi fonte renatus erat.

Nec mora, perfulgens cœlestis luce d *sophiæ*,
Atticus edocuit, de quibus ortus adest.

Namque ferunt *Paulum*, qui *Christum* sparlit in orbem,
Ipsi felices imposuisse manus.

Ast mox perfectus Doctoris e *symmachus* instans,
Rexit *Cecropidas* pervigil f archiereus.

Alta dehinc volitans *Paulum* supra astra secutus,
Empyreï cœli tertia regna videt.

Suscipit ad *Scraphin* primos, sanctosque *Cherubin*,
Æthereosque *chronos*, quò sedet ipse Deus.

Post hos, *virtutes*, *dominatus*, atque *potentes* Deus,
Agminibus sacris enitet ordo sequens.

Aρχὺν g
Mentibus b ouraniis tertia i taxis inest.

Hos igitur numeros terno ter limite septos,
Prædicti Patris mystica dicta docent.

RECENSIO.

Hæc etiam Epistola præmissa est libris S. Dionysij Arcopagitæ quos Iohannes Eri- gena transtulit de Græco in Latinum, jubente ac postulante gloriosissimo rege Carolo, Ludovici Imperatoris filio. ut habetur in libro Manuscript. quo hic sum usus, Collegij S. Trinitatis Cantabrigiæ Iohannis quoque nostri putantur esse Excerpta illa, qua inter

a οὐρανῶν,
Luna.
b σαυρῶν,
Cruci.

c πνεύματος,
Spiritus.
d σοφίας,
sapiëntia.
e σύμμαχος
Commisio.
f ἀρχιπρεσβύτερος,
Pontifex.
g Græcus
iste versicu-
lus in MS.
exemplari
ab imperito
librario ita
erat depra-
vatus; ut à
nobis om-
ninò resti-
tui non
posset.
h ἐργαίους,
celestibus.
i ταξις,
ordo.

Macrobij scripta feruntur, De differentijs & societatibus Græci Latinique verbi, hæc ad finem notatione adjecta. Explicet desloratio de libro Ambrosij Macrobij Theodosij, quam Iohannes carperat ad discendas Græcorum verborum regalias. Atque ita etiam censuit P. Pithæus V. CL. esse hunc Iohannem Scotum, virum illum Græcæ Latinæque lingue peritissimum, qui Carolo imperatori coætæus & Dionysij libros Latinos fecit: quemadmodum in suis ad hunc libellum notulis monuit Iohannes Ofsopami. Riseret Io. Balauz (Centur. 2. scriptor. Britann. cap. 24.) & eum secuti alij, transfuisse enim tres linguas, scilicet Chaldaicam, Arabicam & Latinam, Aristotelis Moralia de secretis secretorum, seu recto regimine Principum. Latini scripti duo penes me sunt Manuscripti, exemplaria: quod posterius alicujus Iohannis opus esse, mihi non est dubium.

ANASTASII Romanæ Ecclesiæ Bibliothecarij, ad eundem
Regem CATOLUM: de iisdem Areopagiticis, & Iohanne Scoto
eorum Interprete.

EPIST.
XXIV.

INter cætera studia, quæ tam laudabilis actio quam saluberrima com-
monitio, quin etiam odorifera volans opinio de virtutum ac mo-
rum quantitate tuorum (ô Dictator inclyte) mortalium mentes exci-
tat, & ad effodiendum sapientiæ hortatur velut thesauros; illud quoque
non mediocriter est admiratione stupendum, quòd non solum La-
tinos Patres, sed & Græcos rimari non cessas, & Romanâ linguâ polle-
ntes Pelasgarum facis rerum non expertes. Tu quippe facis, qui ad faciend-
um suscitasti & hortaris: quia & nos sæpè magnam domum fecisse dici-
mur non tamen manibus, sed assaribus. Bearus itaque *Areopagita Dionysius*
Antheniensis anistes (quem inter cætera constar industriâ tuâ,
præstantissime Principum, in Romanum sermonem translatum) tantum
est, ut ipse patentius nôsti, ad intelligendum difficilis, quantum
sermone sublimis: immò quanto difficilia sunt intellectu & alta myste-
rijs, quæ ipse perscrutatus, supernâ revelante gratiâ, didicisti; & arcana
Theologiæ (divinâ se ducente manu) ingressus in sanctuarium Dei, a-
blato velamine penetravit.

Mirandum igitur est, quia Pietas tua nec talia indiscussa reliquit. Sed
hic licet in terrâ ambular, tanquam in cælis conversans ambit: ita ut,
veluti quidam (ut ita fateamur) angelus vel cælestis homo, sancta san-
ctorum ingredi contemplatione videaris, & ad abdita & adyta divinæ
ineffabilitatis (quantum possibile est mortalibus) acutis spiritualium
oculorum visibus * accepisse credaris. Mirandum est quoque, quomodo
vir ille barbarus (qui in finibus mundi positus, quanto ab hominibus
conversazione, tanto credi potuit alterius linguæ dictione, longinquus)
taliam intellectu capere in aliamque linguam transferte valuerit. *Iohan-*
nem innuo *Scotigenam* virum, quem auditu comperi per omnia sanctum.
Sed hoc operatus est ille artifex spiritus, qui hunc ardentem pariter &
loquentem fecit. Nisi enim ex gratiâ ipsius igne charitatis flagrasset, ne-
quaquam donum linguis loquendi procul dubio suscepisset. Nam hunc
magistra charitas docuit, quod ad multorum instructionem & ædifica-
tionem patravit.

Circa an-
num 865.

* accepisse.

Verùm etsi ad mensuram datus est ei spiritus: ipse tamē, paternis doctrinis imbutus, quantum potuit fecit, & prodesse proximis ultra vires tentavit. Si quidem præter illa quæ hunc latuisse probantur, ex his quæ sparsim à quibusdam de prædicti Patris sermonibus & epistolis ante nos interpretata inveniuntur, plurimum utilitati subtraxit; quia tanto studio verbum de verbo dicere procuravit: quod genus interpretationis (licet & ipse plurimum sequar) quantum illustres interpretes virent, tua profectò solers experientia non ignorat. Quod cum non egisse ob aliam causam existimo, nisi quia cùm esset humilis spiritu, non præsumpsit verbi proprietatem deserere; ne aliquo modo à sensus veritate decideret. Vnde factum est, ut tantum virum, qui per se (quia intima & ardua quæque utriusque philosophiæ penetralia rimari proposuit) perplexus nostris intellectibus videbatur, intra cuiusdam labirynthi difficultia irretiret, & in antris profundioribus invisibiliorem quodammodo collocaret; & quem interpretaturum susceperat, adhuc redderet interpretandum.

Quapropter ipse meritò anxius, cæpi sedulò quærere, si fortè reperiri potuisset præceptor quisquam vel aliquod scriptum, quo enucleante, tantus Pater nobis liquidius illucesceret; & (quia jam per interpretis industriam linguæ nostræ fuerat traditus, (nostris patulis redderetur perfectius intellectibus: cùm ecce repentè *paratheses* sive *scholia* in eum (quæ Constantinopoli positæ videram) ad manus venêre, quibus utcumque interpretatis, mihi aliquantulum magis emicuit, quæ in marginibus interpretati codicis ejus, ut in Græco repperi, mox interpretata utcumque (donec à docto melius interpretarentur) respondentibus signis interpres ego satis imperitus apposui, Vestræque gloriose sapientiæ potissimum fore mittenda non immetiò judicavi, ut scilicet, quæ fuit alterius interpretationis hortatrix & auxiliatrix, sit etiam nostræ qualiscunque susceptrix & approbatrix. Ipsorum autem *scholiorum* sive *paratheseon* quæcunque in calce sui signum vivificæ Crucis habent, à beato *Maximo* Confessore & monacho inventa narrantur; cætera verò sancti *Iohanni Syropolitani* episcopi esse feruntur. Sanè ubi à verbis interpretis scholia ipsa dissentire vidi; ut Lector quid de appositis dictione interpretis fensierit, quid scholion insinuet indifficuler agnoscat, & verba interpretis scholio inserui, & qualiter ea scholij compositor prætulere innui. Sed &, si ubi oportunum fore conspexi, ex me quoque (quoniam esse aliter non potuit) paucissima quædam, & quæ facilius ab intelligente agnosci poterant, interposui.

Præterea notandum est, quòd licet tantæ gloriæ tantæque scientiæ si ve antiquitatis iste sanctus *Dionysius* fuerit, nunquam tamen aliqua opuscula eum edidisse (nisi fallor) quæcumque Orthodoxorum scripta traditio prodit, priusquàm Romani Pontifices (videlicet *Gregorius*, *Martinus*, & *Agatho*) dictorum ejus in conscriptis suis mentionem fecerint, & ea per hæc probabilia judicantes admiserint. *Gregorius* scilicet in homeliâ capituli Evangelij de centum ovibus & decem dragmis; *Martinus* in Synodo suâ quam Romæ contra hæreticos celebravit; &

Agatho in Epistolâ quam ad Sextam Synodum destinavit. Vnde ego veram esse Græcorum opinionem conijcio, perhibentium libros ejus à prioribus hæreticis occultatos; donec longo post tempore ex opusculis ejus solus codex qui nunc habetur, est Romæ repertus, cæterisque nondum inventis, in Græciam asportatus. Edidit enim alios, ut ipse innuit, libros; quos nec Græcus quisquam nec adhuc potuit invenire Latinus.

Et quidem *Lucas* in Actibus Apostolorum *Eusebiusque Pamphili & Dionysius* Corinthi antistes, de eo quædam miranda tradunt: quæ verò scriptis (nisi me oblivio fallat) omninò non tradunt. Suadet autem ad hoc ita credendum etiam illud, quòd nemo probabilium Tractatorum (sicut eis moris est priorum dicta exponendi, & suis opusculis inserendi) scriptis ipsius utitur, aut horum cujuspiam reminiscitur. Denique vir magnus & Apostolicæ sedis præceptor *Constantinus* philosophus, quî Romam sub venerabilis memoriæ *Adriano* juniiori Papâ veniens, *Sclemensis* corpus sedi suæ restituit (quique totum codicem sæpe memorati & memorandi Patris memoriæ commendabat, & quantum utilitatis medulla ejus habebat, auditoribus commendabat) solitus erat dicere: quòd si sanctos, videlicet priores institutores nostros, qui hæreticos vix & quodammodo cum fuste decollaverunt, *Dionysium* contigisset habere, cum acuto illos gladio proculdubio trucidassent. innuens profectò hujusmodi dicto, quia quorum os laboriosius & fortè tardius obstruxerunt, facilius & acutius sive velocius (scî quippe & *acutum* significat & *velox*) obmutescere cõgissent. Ac post prælatorum sanctorum sedis Apostolicæ præsulum memoriam, tam *Septima* & *Octava* Synodus, quàm Latini & Græci Dòctores, non solum quia venerabilis hic Pater scripserit innuunt, sed & testimonia ex Scripturis ejus frequenter assumunt; ut scilicet sensus suos & dicta tanti viri reddant auctoritatis pondere gravis, & cuuctis mortalibus approbanda pariter & scètanda.

Deus omnipotens gloriam tuam à terrenis ad cæleste regnum transferat quandoque.

* de quo vide Anastasij hujus Præfat. in Octavam Synodum (tomo 3. Concil. general. edit. Rom. part. 2. pag. 181.)

RECENSIO.

Idem hic de Iohannis Scoti translatione ab Anastaso fertur judicium, quod postea à Rogero Hovedeno latum est, in prioro parvo Annalium. Caroli rogatu Hierarchiam Dionysij Areopagitæ in Latinum de Græco verbum è verbo transtulit: quo fit, ut vix intelligatur Latina litera, quæ volubilitate magis Græcâ, quàm positione constructur, nostrâ. Ex hac autem Epistolâ intelligimus, Græcâ in Dionysium quæ Maximo tribuntur Scholia, non illius esse omnia, sed Iohannis Sycopolitani episcopi præcæbitus habere admixta. Vnde & Prologo in Græcâ editione Morellianâ titulum hunc præfixum videmus: Περὶ τῶν ἐν τῷ Ἀγίῳ Μάρτυρι, ἡ ἀπὸ τῆς αὐτοῦ τῷ Εὐκλεπίτῃ. Prologus sancti Maximi, vel, secundum quosdam, Sycopolitani.

EPIST.
XXV.

DUBLINIENSIVM, ad Lanfrancum Cantuariensem
archiepiscopum.

*Venerando sancta Cantuariensis Ecclesie Metropolitano Lanfranco, Clerici
& populus Ecclesie Dublinensis debitam subjectionem.*

Anno Christi
1074.

Hæ B. Lan-
franci Epist.
edix sunt
cum ejusde
operibus
cura & stud.
D. Lucæ Da-
cherij Mon.
Ben. Cögr.
S. Mauri,
Paris 1648.

Vestræ Paternitati est cognitum, quod Ecclesia Dublinensis (quæ
Hibernia insulæ metropolis est) suo sit viduata pastore, ac destituta
rectore. Propterea elegimus presbyterum, nomine *Patricium*, nobis
sufficientissimè cognitum, natalibus & moribus nobilem, Apostolicæ
& Ecclesiasticæ disciplinæ imbutum, fide Catholicum, in Scripturarum
sensibus cautum, in dogmatibus Ecclesiasticis exercitatum, Quem nobis
quantociùs petimus ordinari Episcopum: quatenùs, auctore Deo, regu-
lariter nobis præesse valeat & prodesse; & nos sub ejus regimine salubri-
ter militare possimus. quia integritas præsidentium salus est subditorum:
& ubi est incolumitas obedientiæ, ibi sana est forma doctrinæ.

RECENSIO.

*Historia, cum hujus Epistola argumento connexa. & in Dublinensibus & in Can-
tuariensibus Annalibus habetur tradita. In Dublinensibus quidem ita. Anno Domini
1074. Dúnánus, episcopus Dublinensis civitatis in Christo quievit, & in Ecclesiâ Sanctæ
Trinitatis, juxta magnum altare, ad dextram ipsius, est sepultus. Eodem anno ad re-
gimen Dublinensis Ecclesiæ Lanfrancus Archiepiscopus Cantuariæ, petente Goderico
Rege, Dublinensis Ecclesiæ populo & clero consentientibus & eligentibus, in Eccle-
siâ S. Pauli Londoniæ Patricium sacravit antistitem, acceptâ priùs ab ipso examinato
Professione, de suâ obedientiâ (modo antecessorum suorum) sibi suisque successoribus
adhibendâ: sacraumque in patriam, unde venerat, remisit, dâns ei literas ferendas
Goderico regulo & Terdilvaco maximo Regi Hiberniæ. In Cantuariensibus brevius,
hoc modo. Lanfrancus, ordinationis suæ quarto anno, Patricium Dubliniæ civitati in
Hiberniâ sacravit Episcopum Londoniæ: à quo & Professionem accepit; & literas ei,
deferendas Regibus Hiberniæ, dignas valde memoriæ contradidit. Professionem, ejus
hic fit mentio, pagina 118 exhibemus; ex eodem Cottoniana Bibliotheca codice desum-
ptam, à qua præsentem Epistolam descripsimus. Litera verò ad Reges missa, jam proximè
subsequuntur.*

EPIST.
XXVI.

LANFRANCI Cantuariensis archiepiscopi, ad Goshricum
regem Dubliniæ.

Anno Christi
1074.

*Lanfrancus non suis meritis, sed gratiâ Dei Archiepiscopus; gloriosus
Hiberniæ regi Goshrico, salutem orationibus.*

Venerabilem fratrem ac Coëpiscopum nostrum *Patricium*, quem
(charissime fili) Excellentia vestra ad nos consecrandum transmi-
sit, honestè suscepimus, debitis officiis secundùm Canonicam institu-
tionem (sancti Spiritus gratiâ cooperante) sacravimus, sacratum ad se-
dem propriam cum testimonio litterarum nostrarum (more antecesso-
rum nostrorum) remisimus. Qui quamvis de gloriâ vestrà multa nobis
bona,

bonâ, multisque laudibus digna nobis retulerit; non ab re tamen esse credimus, si prædicanda vestra studia nostrâ adhortatione pulsamus. Sicut enim ignis flante vento clariùs lucet, & major efficitur, sic vera virtus veris præconijs pulchrius enitescit, & in melius augmentatur.

Rogamus igitur, sicut rogari oportet pretiosum sanctæ Ecclesiæ filium, quatenus Fidem rectam, ab ipso Deo & sanctis eius Apostolis atque orthodoxis Patribus traditam, cum omni mentis sinceritate inviolatam teneatis; Fidei congrua opera, in quantum vires suppetunt, exhibeatis; superbis austeram, humilibus placabilem vestram Celsitudinem ostendatis. In regno vestro perhibentur homines, seu de propriâ, seu de mortuarum uxorum parentelâ conjuges ducere: alij legitime sibi copulatas pro arbitrio & voluntate relinquere; nonnulli suas alijs dare, & aliorum infandâ commutatione recipere. Hæc, & si qua sunt alia crimina, propter Deum & animam vestram in terrâ potestatis vestræ corrigi iubete: talesque vos cum divino adjutorio vestris subditis exhibete, ut & amatores boni bona ampliùs diligant, & appetitores mali pravas actiones nequaquam exercere præsumant. Hoc enim facientes, & diutiùs cum rerum temporalium felicitate in terrâ regnabitis, & post terrenum regnum sine fine regnaturi ad cœlestia regna migrabitis.

Plura & prolixiùs vobis scripsissem: sed habetis vobiscum prædictum Antistitem vestrum, monasticis institutionibus à pueritiâ enutritum, scientiâ divinarum litterarum strenuissimè eruditum, bonorum operum ornamentis (in quantum cognosci à nobis potuit) decentissimè adornatum. Quem de animâ vestrâ vobis sæpiùs loquentem si intento corde audieritis, audientes ut patri spiritali (in hijs quæ ad Deum pertinent) obedieritis, obediētes ea, quæ vobis ab eo prolata fuerint, in arcâ pectoris vestri reposueritis; speramus per misericordiam Dei, quia neque vos perniciosè errabitis, neque subditos vobis in pravaram actionum pertiniaciâ stare diu permiseritis. Omnipotens Dominus contra inimicos mentis & corporis brachio virtutis suæ Excellentiam vestram defendat; & post longam huius sæculi vitam, ad eam, quæ finem non habet, feliciter vos perducatur.

RECENSIO.

Gottricus hic non alius fuisse videtur quàm Godredus, cognomento Crouan, de quo in Chronico regum Mannia, ad annum 1066. ita legimus. Godredus subjugavit sibi Dubliniam, & magnam partem de Laineistr. Scotos verò ita perdomuit; ut nullus qui fabricaret navem vel scapham, ausus esset plus quàm tres clavos inferere. Regnavit autem sexdecim annis; & mortuus est in insulâ quæ vocatur Yle.



Ejusdem *Lanfranci*, ad *Terdeluacum* Hiberniæ Regem.EPIST.
XXVII.Anno Christi
1074.*Lanfrancus peccator & indignus sanctæ Dorobernensis Ecclesiæ Archiepiscopus, magnifico Hiberniæ Regi Terdeluaco benedictionem, cum servitio & orationibus.*

NUllam Deus majorem terris misericordiam impendit, quàm cum pacis ac iustitiæ amatores ad animarum seu corporum gubernacula provehit: & maximè cum bonis Regibus regna huius mundi regenda committit. Hinc namque pax oritur, discordia sopitur, & (ut breviter cuncta complectar) Christianæ religionis observantia stabilitur. Quod populis *Hiberniæ* divinitus tunc collatum fuisse prudens inspector intelligit, quando omnipotens Deus Excellentiæ vestræ ius regis potestatis super illam terram concessit. Tot enim tantaque bona de magnitudinis vestræ erga bonos piâ humilitate, contra pravos districtâ severitate, circa omne hominum genus discretissimâ æquitate, frater & Coëpiscopus noster *Patricius* narravit; ut quamvis vos nunquam viderimus, tanquam visos tamen vos diligamus, & tanquam visis & bene cognitis vobis salubriter consulere, & sincerissime servire cupiamus.

Verùm inter multa quæ placent, relata nobis sunt quedam quæ displicent: videlicet quòd in regno vestro quisque pro arbitrio suo legitime sibi copulatam uxorem, nullâ canonicâ causâ interveniente, relinquit, & aliam quamlibet, seu sibi vel reliquæ uxori consanguinitate propinquam, sive quam alius simili improbitate deseruit, maritali seu fornicariâ lege, puniendâ sibi temeritate conjungit. Quòd Episcopi ab uno Episcopo consecrantur. Quòd infantes baptismo sine chrismate consecrato baptizantur. Quòd sacri ordines per pecuniam ab Episcopis dantur. Hæc omnia, & si qua sunt similia, contra Evangelicam & Apostolicam auctoritatem, contra sanctorum Canonum prohibitionem, contra omnium orthodoxorum Patrum, qui nos præcesserunt, fieri institutionem; nullus qui sacras litteras vel mediocriter legit, ignorat. Quæ, quanto in conspectu Dei Sanctorumque eius ampliùs sunt horrenda, tanto studiosiùs vestris sunt sine aliquâ dilatione iussionibus prohibenda; & nisi prohibita corrigantur: districtissimâ terroris vestri severitate punienda. Nullum enim Deo vel majus vel gratius munus offerre potestis, quàm si divina & humana debitis legibus gubernare studeatis.

Memores igitur divini iudicij, quo de commissio vobis regno rationem reddituri estis Deo, Episcopos & religiosos quosque viros in unum convenire iubete, sacro eorum conventui præsentiam vestram cum vestris optimatibus exhibete, has pravas consuetudines, omnesque alias, quæ à sacris legibus improbantur, à regno vestro exterminare studeate: quatenus Rex Regum, & Dominus dominantium, cum viderit Regiam majestatem vestram præceptis suis in omnibus esse subiectam, servis quoque ac fidelibus suis pro timore & amore eius mansuetam, inimi-

HIBERNICARVM SYLLOGE.

eiſ diuinæ religionis diuino zelo inſeſtam; ipſe quoque vos veſtroſque fideles clamantes ad ſe propitiatus exaudiat, hoſtes conterat, pacemque vobis in hoc ſæculo ſtabilem, & in futuro vitam æternam concedat.

RECENSIO.

Hanc, & præcedentem Epistolam, Annaliſuiſ (in anni 1029 Hiſtoriâ) inſeruiſt Caſar Baroniuſ: quam utramque, ex Ceſtoniano optima nota Manuſcripta, emendatorem hic dedimus De barbarâ autem iſtâ (qua non ſolum in Hiberniâ, ſed etiam apud Anglo-ſaxonas & Scotos in Britanniâ invaluerat) legitimas uxores deferendi conſuetudine, videnduſ Camdenuſ in Hiberniâ ſuâ pag. 765 & Ioannes Picarduſ, in notis ad Anſelmi lib. 3. Epistol. 147 ubi tamen Terdelvacum (ad quem & hac à Lanfranco, & uigeſima nona à Gregorio VII. data eſt epistoſa) Gothrici ſucceſſorem perperam conſtituit: cum eodem tempore Gothricuſ Dubliniæ reguluſ, & Terdelvacuſ (quem noſtri toinidealba ch O diain nuncupant) ſummus Hiberniæ Rex fuerit.

Ejuſdem Lanfranci ad Domnaldum Hiberniæ Episcopum.

EPIST.
XXVIII.

*Lanfrancuſ indignuſ ſanctæ Cantuarienſis Eccleſiæ Antieſteſ, venerando Hiberniæ Ep ſcopo D. & iis qui ſibi litteraſ tranſmiſerunt,
Salutem & benedictionem.*

Anno Chriſti 1024.

IN itinere poſiti, & à civitate in quâ nobis ſedes Episcopaliſ eſt longe ſepoſiti eramuſ; quando litteraſ veſtraſ, nuncio veſtro deferente, ſuſcepimuſ. Quem cum rogaweſſemus ut ſaltem paucis diebuſ nobiſcum maneret; quatenuſ perquiliſ libris, congruū pro capto noſtro ad conſulta veſtra reſponſum vobis referret: petitioni noſtrâ effectum negavit, & ſe diutiuſ non poſſe morari multiſ aſſertionibuſ allegavit. Itaque dulciſſimam nobiſ fraternitatē veſtram paternâ charitate monemuſ, ne indignum vobis ſit, quod de tantâ re tam breviter reſpondemuſ.

Reverâ & procul pulſâ qmni ambiguitate ſciatiſ, neque tranſmarinaſ Eccleſiaſ, neque noſ *Angloſ*, hanc de inſaniſſibuſ tenere ſententiam quam putatiſ. Credimuſ enim generaliter omneſ, omnibuſ ætatibuſ plurimuſ expedire, tam viventeſ quàm morienteſ Dominici corporiſ & ſanguiniſ perceptione ſeſe munire. Nec tamen ſi, priuſ quàm corpuſ *Chriſti* & ſanguinem ſumant, contingit baptizatoſ, ſtatim de hoc ſæculo ire; ullatenuſ credimuſ eoſ (quod Deuſ avertat) propter hoc in æternuſ perire. Alioquin veritaſ non eſſet vera, quæ dicit: *Qui crediderit & baptizatuſ fuerit, ſaluſ erit: & per Prophetam: Effundam ſuper voſ aquam mundam, & mundabimini ab omniſ iniquitatibuſ veſtriſ.* quod de baptiſmo eſſe dictuſ, omneſ huiuſ ſententiæ expoſitoruſ concorditer aſſeverant. Et *Petruſ* Apoſtoluſ: *Et noſ nunc ſimiliſ forma ſalvoſ facit baptiſma. & Pauluſ* Apoſtoluſ: *Quoſcuq; in Chriſto baptizati eſtiſ Chriſtuſ induiſtiſ.* Chriſtuſ eſt enim induere, habitatoreſ Deuſ per remiſſionem peccatoruſ in ſe habere.

Marc. 16. 16.
Ezech. 36.
25.

1. Pet. 3. 21.
Galat. 3. 27.

Nam ſententia illa quam Dominuſ in Euangelio dicit; *Niſi manducaveritiſ carnem Filij hominiſ, & biberitiſ eiſ ſanguinem, non habebitiſ vi-*

Ioan. 6. 54.

tam in vobis; quantum ad comestionem oris, non potest generaliter dicta esse de omnibus. Plerique etenim sanctorum Martyrum ante baptismum quoque diversis excruciatu pœnis de corpore migraverunt. Eos tamen in numero martyrum computat & salvos credit Ecclesia, per illud testimonium Domini, quo dicitur: *Qui me confessus fuerit coram hominibus, confitebor & ego eum coram Patre meo qui est in cælo*. Infantem quoque non baptizatum, si morte imminente urgeatur, à fidei laico, si presbyter desit, baptizari posse Canones præcipiunt; nec cum tamen, si statim moriatur, à consortio fidelium sejungunt.

Necesse est ergo prædictam Domini sententiam sic intelligi, quatenus fidelis quisque divini mysterij per intelligentiam capax, carnem Christi & sanguinem non solum ore corporis sed etiam amore & suavitate cordis comedat & bibat: videlicet amando & in conscientia purâ dulce habendo, quod pro salute nostrâ Christi carnem assumpsit, pendit, resurrexit, ascendit; & imitando vestigia eius, & communicando passionibus ipsius, in quantum humana infirmitas patitur & divina ei gratia largiri dignatur. Hoc est enim verè & salubriter carnem Christi comedere & sanguinem eius bibere.

Quam sententiam in libro de Doctrinâ Christianâ beatus Augustinus exponens, sic ait. *Facinus vel flagitium ubere videtur. Figura ergo est, præcipiens passioni Dominica communicandum esse, & suaviter atque utiliter in memoriâ recondendum quod pro nobis caro eius vulnerata & crucifixa sit.* (Figuram vocat figuratam locutionem. neque enim negat veritatem carnis & sanguinis Christi: quod plerisque schismaticis visum est, & adhuc non cessat videri.) & Dominus in Evangelio: *Qui manducet carnem meam, & bibet sanguinem meum, in me manet & ego in eo*. Quod exponens beatus Augustinus, ait: *Hoc est namque carnem Christi & sanguinem salubriter comedere & bibere, in Christo manere, & Christum in se manentem habere*. Nam & Judæi qui Dominum tradidit, cum cæteris Apostolis ore accepit: sed quia corde non comedit, iudicii sibi æternæ damnationis accepit.

Quæstiones secularium litterarum nobis solvendas misistis: sed Episcopale propositum non decet operam dare hujusmodi studijs. Olim quidem juvenilem ætatem in his detrivimus: sed accendentes ad pastorem curam, abrenunciandum eis decrevimus.

RECENSIO.

Huc spectant quæ in Cantuariensibus Annalibus, ad annum 11. Lanfranci, memorantur. Eo quoque tempore misit in Hiberniam Donnaldo Episcopo literas, sacre doctrinæ pinguedine refertas. Has verò, in tomæ Epistolarum Lanfranci non inventas, Decretis Synodici & Pontificij ab Isidoro Mercatore collectis, tum in publicâ Academia Cantabrigiensis, tum in privatâ D. Roberti Cottoni Bibliothecâ, subjunctâ reperimus. Donnaldus autem sive Osfnaldus, cuius etiam in 33. & 34. epistola sit mentio, Armachanus videtur fuisse Archiepiscopus & totius Hiberniæ Primas.

Augustin.
de Doctr.
Christ.
lib. 3. cap.
10.

Ioan. 6. 57.

Augustin.
in Euangel.
Ioan. itact.
26.

GREGORII VII. Romani Pontificis ad *Hibernos*.EPIST.
XXIX.

Gregorius Episcopus, servus servorum Dei; Terdelvacho inclito Regi Hibernie, Archiepiscopo, Episcopis, Abbatibus, Proceribus, omnibusque Christianis Hiberniam inhabitantibus, Salutem & Apostolicam benedictionem.

Circa An-
num 1085.

PER orbem universum Domini Iesu doctrina refulsit. quoniam is qui de thalamo suo tanquam sponsus exiit, tabernaculum suum in Sole constituit; & nemo est, qui caloris eius fulgorem effugere possit. Huius auctoritas sanctam Ecclesiam in solidâ petrâ fundavit; & beato PETRO, à petrâ venerabile nomen habenti, eius iura commisit, quam etiam super omnia mundi regna constituit: cui principatus, & potestates, & quicquid in sæculo sublime videtur esse, subjecit. illo Isaïæ completo Oraculo. *Veniens, inquit, ad te qui detrahebans tibi; & adorabunt vestigia pedum tuorum.* Beato igitur PETRO, ejusque vicarijs (inter quos dispensatio divina nostram quoque sortem annumerari disposuit) Orbis universus obedientiam similiter & reverentiam debet: quam mente devotâ sanctæ Romanæ Ecclesiæ exhibere reminiscimini. Vos autem (ut charissimos filios) exhortamur iustitiam exercere, Catholicam Ecclesiæ pacem tueri & diligere, ipsamque diligentes ulnis charitatis vobis adjungete. Si qua verò negotia penes vos emerferint, quæ nostro digna videantur auxilio, incunctanter ad nos dirigere studete: & quodd iussu postulaveritis, Deo auxiliante impetrabitis. Data Sutrij. VI. Kal. Mart.

Psalm. 19.
4. 5. 6.Esai: 60.
14.

RECENSIO.

Hanc quoque Epistolam, in Gregorij Regeſte nequaquàm inventam, idem Iſidori Mercatoris Collectiōni annexam reperimus: & quia nullius certi auctoris, quo scripta ea fuerit, comparebat indicium; ad poſtremum Pontificatus illius annum referre libuit. Anno autem 1085. vixit illum exceſſiſſe conſtat, 15. vel 16. annis ante obitum Guiberti Antipapa, qui ab Archiepiſcopatu Ravennate ad Romanum Pontificatum evectus, Clemens III. eſt dictus. in quem à Guilielmo Piſtavienſi Leonini iſti edii ſunt verſiculi, quos (ut ad 4. Epistolam ſumus polliciti) ex Manuſcripto quondam ad Succentoriam Thorneya apud Halesfaxenſes pertenente deſcriptus, huc apparet viſum ſiut.

Vvillelmus Canonorum beati Hilarij minimus, Vviberto.

Ne metra contemnās tibi ſcripta videre Ravennas;
Conſilium ſanum ne crede tibi fore vanum.
Ad cor manē citō ratione fruendo redito.
Si cor habes mundum, monſtrabit te furibundum;
Qui contra cælum jaciſ impetrabile telum.
Te patet incautum, qui cornu ponit in altum;
Evenit trifti regnum poſcens tibi Chriſti;
Infamis penitus in ludibrium ſtabilitus;
Qui ſanctæ ſedis Papam fore te malē credis,
Quam factus prædo violasti corpore ſædo.

Stat meritò *Demens* nomen tibi stat malè *Clemens*,
 O caput erroris per multa fluente cruoris;
 Nunc manifestabit error tuus atque probabit,
 Quos velut argentum fidei probat experimentum.
 Ergo quampropter tua corpora caveto tenere:
 Et fastu spreto quid sis morituro videto.
 Papæ prostratus transactos ede reatus;
 Et veniam quære, culpamque tuam profiteri:
 Est pius indultor, tamen æquè criminis ultor.

EPYST.
XXX.

GILBERTI *Lunicensis* Episcopi, ad Episcopos Hiberniæ.

De Vsu Ecclesiastico.

Circa an-
num 1090.

*Episcopis, [&] presbyteris totius Hiberniæ, infimus presulum Gilbertus
Lunicensis in Christo Salutem.*

Rom. 15. 6.

ROgatu, necnon & præcepto multorum ex vobis (charissimi) Canonica consuetudinem in dicendis horis & peragendo totius Ecclesiastici Ordinis officio scribere conatus sum, non præsumptivo, sed vestræ cupiens parere piissimæ iussioni; ut diversi & schismatici illi ordines, quibus *Hebernia* pene tota delusa est, uni Catholico & Romano cedant Officio. Quid enim magis indecens aut schismaticum dici poterit, quàm doctissimum unius Ordinis in alterius Ecclesiâ idiotiam & laicum fieri? Quicumque ergo Catholicæ membrum se profiteretur Ecclesiæ, sicut unâ fide, spe, charitate, in corpore jungitur: ita Deum ore & ordine cum cæteris membris laudare iubetur. Vnde Apostolus: *Ut unanimes uno ore honorificetis Deum.* Sicut igitur linguarum per superbiam facta dispersio, ad unitatem in Apostolicâ humilitate ducta est: sic ordinum per negligentiam & præsumptionem exorta confusio, ad consecratam Romanæ Ecclesiæ regulam per vestrum studium & humilitatem ducenda est. Quantum ergo debeat morum unitas servari à fidelibus, quamvis ex multis locis sacræ Scripturæ manifestum sit; præsens tamen Ecclesiæ depicta imago oculis subiecta patenter ostendit. Namque omnia Ecclesiæ membra uni Episcopo, videlicet *Christo*, ejusque vicario beato *Petro* Apostolo, atque in eius sede præsidenti Apostolico, subijci & ab eis manifestat gubernari. Hæc tandem præmia pro tantulo opere à vobis omnibus expostulo; ut sicut hîc Deum uno corde & ore laudare debemus, sic ei, vestris precibus adjutus, unâ vobiscum psallere in cœlestibus valere merear. Amen.

Subijciebatur in Manuscriptis, quibus hîc usi sumus exemplaribus, *Ecclesia depicta imago* (cuius in superiori Prologo facta est mentio, & in proximo libello sequitur explicatio,) hæc circumdata *πνευματικῇ*. *ARCA figuram mundi habuit: fuit enim tricamerata. In superiori parte errant aves, tanquam Angeli in Cælo. In medio erant Homines (scilicet Noë, & familia eius) tanquam in hoc Munda. In imo Animalia & reptilia, tanquam Anima in Inferno.* Verùm, ob Chalcographorum typorum defectum, Schema illud coacti sumus hîc omittere.

GILLEBERTVS LVNICENSIS EPISCOPVS,

De Statu Ecclesiæ.

IMago generalis Ecclesiæ suprà notata, primas nominum litteras pro ipsis nominibus idcirco continet; quia spatium scribendi ipsa nomina tota non habet. Infima tamen linea tria hæc tota vocabula describit, *Moniales, Canonicales, vel Universales*. Et tota quidem imago Pyramidis formam præterdit: quia inferius ampla est, ubi carnales & conjugatos recipit; superius autem acuta, ubi arctam viam religiosi & ordinatis proponit. Nec sola generalis forma superius arctatur; sed & singulares formulæ, quas ipsa continet, in supremo acuiuntur.

Primâ ergo Pyramide (quam in sinistram partem respicis, P. subscriptum) *Parochiam* nominant: quæ in summo *Sacerdotem* habet, & sub ipso *Diaconum*, tertium *Subdiaconum*, quartum *Acolithum*, quintum *Exorcistam*, sextum *Lectorem*, septimum *Ostiarium*. *Amelarius* tamen novem dicit gradus Ecclesiæ; addens *Psalmistam* & *Episcopum*. Sed tamen *Episcopus, Archiepiscopus, Patriarcha, & Propheta*, generalis Ecclesiæ gradus sunt: singularis verò idcirco illis tantum superioribus perfecta est; quia in baptismate & corpore Domini veniam largiendo, filios suos fideles ad cœlestem patriam transmittit. Quia verò quilibet de choro solâ jussione Presbyteri potest officio *Psalmistæ* fungi, psallere scilicet sive cantare; in numero graduum Ecclesiæ *Psalmistæ* non ponimus. Septem ergo gradus à sepiiformi spiritu singulis collari sunt Ecclesijs: quia quamvis singulæ in eis personæ non serviant; omnes tamen septem gradus sustinens solus Sacerdos, Omnipotenti gratanter ministrat.

Qui autem sub his gradibus, intra sinum parochialis Ecclesiæ continentur, trifatiè dividuntur. Ex quibus superiores in Pyramide *Oratores* intellige: & quia quidam ex eis conjugati sunt, idcirco viros & fœminas nominavimus. Sinistrales verò in Pyramide *Aratores* sunt, tam viri quam fœminæ. Dextrales quoque *Bellatores* sunt, viri atque fœminæ. Nec dico fœminarum esse officium orare, arare, aut certè bellare: sed tamen his conjugatæ sunt atque subserviunt, qui orant, & arant, & pugnant. Nec se junctas ab Ecclesiâ putamus præseni, quas *Christus* cum matre suâ collocat in cœlesti. Et hos tres legitimos fidelium ordines ab initio admittit Ecclesiâ: ut pars in eâ (Clerus videlicet) orationi vacans, alios ab impetu fallacis inimici defendat; alia labore defudans, ab alijs victus penuriam repellat; tertia militiæ studio dedita, cæteros à corporis hostibus securos reddat.

Secunda verò Pyramis subscribitur *Monasterium*: & habet in acuminè *Abbatem*, & sub ipso sex gradus; qui ipso Sacerdos est. atque sub hijs *Oratores* tantum: quoniam non est Monachorum baptizare, communicare, aut aliquod Ecclesiasticum laicis ministrare; nisi forte, cogente necessitate, imperanti Episcopo obediant. Quorum propositum est soli Deo, relictis secularibus, in oratione vacare.

Hæc itaque duas Pyramides (*Parochiam* scilicet & *Cænobium*) subje-

tas possidet *Pontificalis* Ecclesia: quæ & ipsa, in modum Pyramidis, ad basim duabus minoribus ampla, in supremo acuitur, & subscribitur *Episcopatus*, pro eo quodd Episcopo in summâ sede dirigitur. Cui, pro parvitate spatij, paruula punctis notata supponitur Pyramis; ut declaret *Episcopum* in Ecclesiâ propriâ sedis habere Sacerdotes & ceteros sex gradus, & tres supradictos fidelium ordines: quod ex numero punctorum patet. Nec idcirco duæ tantum Ecclesiæ *Pontifici* subjiciuntur, quodd duabus possit esse contentus: sed per unam omnes *Parochias*, & per alteram omnes *Abbasias*, quas regit, obtinere figuratur. Obtenet enim ut minimum decem Ecclesias, ut plurimum verò mille.

Ho c eodem ordine duas sequentes Pyramides (*Parochiam* videlicet & *Monasterium*) secundo suppositas *Episcopo* constat. Qui rursum duo *Episcopi*, cum suis Ecclesijs, uni *Archiepiscopo* subjunguntur. Cujus Ecclesia subscribitur *Diocesis*: & habet in propriâ sede septem gradus, & tres ordines fidelium. Habet ergo extrâ *Parochias* & *Monasterium*: & ut plurimum viginti *Episcopos* regit, ut minimum verò tres. Ad eundem modum alij duo *Episcopi* subnectuntur alteri *Archiepiscopo*. Sed & duo *Archiepiscopi* cum suis Ecclesijs & *Episcopis* obediunt uni *Primate*. Cujus Ecclesia subscribitur *Primatus*: & habet in propriâ sede septem gradus & tres ordines fidelium, extrâ verò *Parochiam* & *Monasterium*; & ut plurimum obediunt ei sex *Archiepiscopi*, ut minimum unus. eodem quoq; modo alteri *Primate* in secundâ paginâ, obediunt duo *Archiepiscopi* cum suis *Episcopis* quatuor.

Qui postremum duo *Primates* serviunt uni & summo Romano *Pontifici* *Papæ*; ejus Ecclesia subscribitur *generalis*, & habet *Parochiam*, *Monasterium*, *Episcopos*, & *Diocæses*. Næ etiam secum in summum Arcem residet: quia sicut *Noë* Arcæ præerat inter undas diluvij; ita *Romanus Pontifex* regit Ecclesiam in fluctibus sæculi. Quibus utrisque præminet *Christus*: qui utriusque Testamenti legislator est, & utraque fecit unum, summus Paterfamilias, qui excubantes fideliter in hoc tabernaculo honorifice coronat in regno. Coniungitur autem Imperator *Papæ*, Rex *Primate*, Dux *Archipontifici*, Comes *Episcopo*, Miles *Sacerdoti*: quia istæ personæ pares illis sæcularibus jure decernuntur.

Ephef. . 14.

Expeditis ergo in communi speculatione figuris, & membris & capite Ecclesiæ: nunc quid singulis ordinibus conveniat explicemus. *Conjugatorum* est, nullam usque in sextam vel etiam septimam progeniem sanguine sibi conjunctam, aut illi quem habuerit aut quam habuit sibi proximis, vel commatrem ducere uxorem: cum quibus enim semel iuncta est Ecclesia, cum eisdem iterum replicare illicitum* dicit Ecclesia. Conjugatis etiam præceptum est; ut & ipsi domum Domini frequentent, ibiq; Deum suppliciter adorent & præcentur: primitias, oblationes, & decimas suas fideliter persolvant; mala solemter devitent, bona desiderenter inquirent, & omnino Pastoribus suis obediant.

* dicit.

Ostiatoriorum verò est, certas horas observando designare: & Ecclesiam, cum his quæ in eâ recluduntur, servare; ut nullus Iudeus, vel Gentilis,

Gentilis, sive catechumenus, horâ sacrificij interfuit, nec omnino canis aut aliquis immundus sive sanguinolentus in eam intret, cavere; excommunicatos eliminare. *Lectorum* autem est, apertè & distinctè in Ecclesiâ omnia, præter Epistolam & Evangelium, legere. *Exorcistarum* est etiam, fiducialiter adjutando & imperando in nomine Domini, de obsessis corporibus demones effugare; sive catechumeni sint, sive baptizati. *Acolythorum* est, luminaria certis horis accendere & extinguere; altaris & sacrificij necessaria ad manum Subdiaconi præparata habere. Atque hi quatuor Ordines in officiis suis solent indui superhumerali, albâ & cingulo: & tamen possunt perfrui conjugio.

Subdiaconorum est, Epistolam legere, aquam & vinum calici infundere, oblatam patenæ imponere, & sic ad altare Diacono deferre: & idcirco castos esse. cum supradictis autem vestibus, in sinistrâ manu fanonem, & quasi scopam tergendî altare & quoddam onus Domini leve portant; & tunicam stricis manicis in sollennijs induunt. *Diaconorum* est dicere; *Exeant qui non communicant*; & *Humiliate vos ad benedictionem*; & *Humiliate capita vestra Deo*; & *Ita missa est*; & *Benedicamus Domino*; & Evangelium legere & pronuntiare; sacrificia super corporalia statuere, Sacerdoti ministrare, Paschalem cereum benedicere; & in absentia Presbyteri baptizare, & horas celebrare: stolam etiam super sinistram humerum ferre, & indui Dalmaticâ in sollennijs, id est, tunica amplis manicis. In festivis autem Quadragesimæ * induuntur Diaconus & Subdiaconus casulis in torâ Missâ, nisi cum legunt.

* Fort. non induuntur.

Sacerdotum autem sunt quatuordecim officia, præesse, subesse, orare, offerre, prædicare, docere, baptizare, benedicere, excommunicare, reconciliare, ungere, communicare, animas Deo commendare, corpora sepelire: de quibus singulis pertractandum est. *Præesse* ergo Sacerdotis est; iustè de singulis subjectis discernere, pœnitentiam rectè & misericorditer injungere, & præcipere mansuetè. *Subesse* verò est; Episcopo ex animo humiliari & servire. *Offerre* autem ejus est; panem & vinum cum aquâ singulis diebus immolare, & in sollennijs *Te Deum*, & *Benedictus*, & *Magnificat*, & ante sacrificium thus super & circa altare & sacrificium incendere. Diaconus enim ante Evangelium incensat altare. *Orare* quoque ipsius est; suppliciter Deum adorare (ut factura sua) & pro admittendis operibus laudare, & benedicere, pro perceptis beneficijs gratias agere, & pro percipiendis deprecari. quod totum maximè in celebrandis Horis & Missâ peragitur: de quibus quia breviter non potest, in sequentibus tractabitur. *Prædicare* etiam ejus est Gentiles, Iudeos, infideles vel catechumenos ad gratiam Baptismi vocare, & hæreticos ad Catholicam fidem revocare.

Baptizare ejus est; exorcizatos credentes, & sanctam Trinitatem confitentes, sub trinâ immersione sacro fontis intringere. Quod sicut & Missa, in Ecclesiâ debet fieri; nisi prohibeat necessitas. Er sacrificium quidem corporis & sanguinis Domini sæpè fit, ob recordationem passionis ejus, sicut ipse præcepit dicens: *Hoc est corpus meum, & sanguis meus*; hæc fa

1. Cor. 11.

24. 25.

1 Pet. 3. 18,

est, quotiescumque sumitis, *in meam commemorationem*. Baptisma vero non iteratur, ne invocatio sanctæ Trinitatis exinanita putetur: quia *Christus pro peccatis nostris semel mortuus est*. Docere ejus est; baptizatos qualiter contra superbiam humilitate, contra inanem gloriam dejectione, contra invidiam benevolentia, contra itam modestia, contra tristitiam hilaritate, contra avaritiam largitate, contra gulam abstinentia, contra luxuriam castitate muniantur, instruere. Hæc enim octo vitia, & omnia quæ eis nascuntur, quamvis peccata non sint; tamen semper peccare suggerunt, ipsis videlicet consentite. quamdiu namque non consentit eis animus, nequaquam transgreditur, sed potius coronatur. Docere etiam ejus; * singulis Dominicis, quibus in hebdomadâ diebus abstinere & feriare fideles debeant, prædicare.

* Est.

Benedicere potest, præsentem Episcopo, aquam & sal in Dominicis Sacerdos; & prandium, & sponsum, & sponsam, & lecturos lectiones præter Evangelium, & * aquam iudicii vel panem & cætera. In absentia vero Episcopi; potest benedicere coronam clericis & velum viduæ, novos fructus, candelas in Purificatione Sanctæ Mariæ, Cineres in Capite Jejunij, Ramos in Dominicâ Palmarum, & peregrinatos, & lecturum Evangelium, & populum cum dimittitur: aquam benedictam aspergit, ad benedicendas novas domos, & cætera nova. *Excommunicare* ejus est, criminibus lapsos, semel bis & tertio revocatos; & non pœnitentes à communione fidelium eliminare, ut nec in victu nec in loquelâ quicquam eis communicet. *Reconciliare* ejus est; pœnitentes propè mortem de criminalibus, ex consensu tamen Episcopi, ad unitatem fidelium recipere. *Vngere* potest quemlibet fidelem semel in quolibet gravi dolore: quia unctio sancta non solum animæ, sed & corporis sapè medelam tribuit. *Communicare* statim debet baptizatos, & fideles omnes ter in anno (in Paschâ, in Pentecoste, & Natali Domini) & prope mortem positos, si quæsierint verbo vel signo, vel teste fidei quoddam prout quæsisent.

* Fortè quemlibet.

Commendare debet orando animas fideles de corporibus egredientes, & earum memoriam in Missâ & orationibus frequentare. quamvis enim promissa sit indulgentia peccatori quacunque horâ pœniteret, tamen pœna peccantem * quælibet expectat; Purgatorius videlicet ignis, qui corpore statim egressos & minùs per lamenta pœnitentiæ purgatos ad plenitudinem recipit purgandos. Quod ergo pro eis hæc fit in orationibus & elemosynis, proficit eis ad purgationem: quia sudor vivorum requies est mortuorum. *Sepelire* corpora fidelium, ultimum est Sacerdotis officium. ipse enim tertio terram super corpus cum fossore infundit, dicendo: *De terrâ plasmasti me*. Adjacent etiam cæmiterijs sanctorum alia loca, in quibus submersorum & occisorum fidelium corpora conduntur; quia ipsorum animæ Deo commendari non prohibentur. Nam infidelium & sceleratorum corpora longè sunt à fidelium projicienda: quibus enim vivis non communicamus; nec mortuis.

Enumeratis autem atque descriptis Sacerdotis officijs; quibus in his

uti debeat vestibus perspiciamus. Sicut ergò septem gradus sunt, quibus Sacerdos elevatur, ita septem sunt vestes quibus ordinatur: indumentum quotidianum amicta, alba, cingulum, fannon, stolâ & casula. Et cætera quidem omnia officia sine casula, & cum stolâ sola aliquando potest. Quotidiana ad Missam, ut paucissima, sunt quatuor: camisia, tunica, temoralia, calceamenta; addunt tamen *Romani* caligas. Dicit quoque *Amelarius*, Sacerdotem debere indui sandalijs & Dalmaticâ; sed Pontifices apud nos utuntur.

Octo sunt ergo quibus sustentatur Sacerdos; parochia, mansus, atrium, cœmeterium, templum, altare, calix cum patena, corpus cum sanguine: quia singulæ sibi, subjectis quasi quibusdam gradibus, honore & dignitate præferuntur. Parochiam appello populum; primitias, oblationes & decimas persolventem. Mansum dico terram aratri, quam ad minus debet habere Sacerdos, atrium cum domibus suis clausuram. Hæc autem sunt utensilia Sacerdoti oportuna, quæ sine benedictione Episcopi sufficiunt: aqua benedicta * aspergit, textus sancti Evangelij * aspergitur. Psalterium, Missale, Horarius, Manuale, & Synodalis liber, vela, candelabra cum candelis, arca vestimentorum, pixis cum oblati & ferrum eorum, ampulla cum vino & alitra cum aqua, pelvis ad manus lavandas cum manutergio, truncus aut lapis cavus ubi aqua unde sacra lavantur effunditur, absconsa etiam sub candelâ, & lecturiale sub libro.

Et superiores quoque gradus possunt inferiorum officia ministrare. Episcopus ergo Sacerdotis singula ministrat; licet, etiam ipso præseste, quasi quoddam sit proprium Sacerdotis offerre, baptizare, horas celebrare, ungere, communicare, commendare, sepelire. Sunt præterea septem Præsulis officia: confirmare, benedicere, absolvere, Synodum tenere, dedicare, consecrare, ordinare. *Confirmare* eius est; frontes fidelium baptizatorum chrismate ungere. *Benedicere* autem dico Præsullem ea quæ non sunt utensilia Ecclesiæ; consecrare verò ipsa utensilia. Benedicit ergo Pontifex Reginam & Virginem cum velatur, & quemlibet fidelem benedici postulantem, & totum populum ante pacem: benedicit etiam supramemorata, quæ non licet Sacerdoti in eius præsentia. *Absolvere* Præsul populum de venialibus in capite Ie junij, de criminalibus in Cœnâ Domini. Tenet quoque Synodum bis in anno; in æstate & in autumno, hoc modo congregatis omnibus Presbyteris totius Episcopatus, perscrutatur Episcopus, ne quid alicui eorum desit in omni ordine, vel utensilibus Ecclesiæ, neve quisquam eorum alteri quicquam fecerit injuriæ: quod tribus diebus fit. Pacatis itaque omnibus, absoluti permittuntur abire in pace.

Dedicat etiam Pontifex atrium, templum, altare, tabulam altaris. Dedicare enim est locum Deo offerre, benedicere, & sanctificare. *Consecrat* autem Episcopus utensilia Ecclesiæ (quæ fere omnia Sacerdotibus sunt communia:) vestimenta videlicet Sacerdotalia & Pontificalia, altaris velamina, calicem, patenam & corporalia, vasculum Eucharistiæ, chrisma, oleum & vas Chrismale, thus & thuribulum, baptisterium, arcam vel scrinium reliquiarum, cimbarium (id est, altaris um-

braculum) crucem, tintinnabulum, & *a* ferrum iudiciale. Ea enim tantum consecrat, quæ à communi usu in cultum divinum separantur. *Ordinat* Episcopus Abbatem, Abbatissam, Sacerdotem & ceteros sex gradus. Vtitur etiam Episcopus, pro dignitatis honore, baculo & annulo, chirothecis & mitrâ, baltheo, Dalmaticâ, & sandalis. Oportet autem eum sacram Scripturam & traditiones Patrum habere, ut possit de singulis iuste discernere, & quælibet quærentibus rationabiliter respondere.

Archiepiscopo omnia supradicta conveniunt: insuper pallio honoris induitur; quia ipse, adjutus tamen ab omnibus Diœcesis suæ Episcopis, ordinat Episcopum. Si quis enim ipsorum ordinationi adesse non possit; litteris suis se excusans atque legatis, assensum suum in ordinandis facere confirmat. *Primas* quoque & ipse Archiepiscopo est: nec ipse Archiepiscopum ordinar. Vtrumque enim, Archiepiscopum & Primatem, oportet Romæ ab Apostolico ordinari, aut à Româ eis à Papâ pallium afferri, * quâ Coëpiscopis sublimari: quæ tunc tantum datur licentia, si forte infirmitatis vel belli aut aliqua alia causa necessaria intercesserit. Eo tantum ergo præest Primas Archiepiscopo: quod cum multi sint in eadem regione Archiepiscopi, solus ex eis qui Regem ordinar & in tribus sollempnitatibus coronat, & apud quem Concilia pro veritate peraguntur, ipse eorum Primatum tenet.

Locum itaque quem apud Orientales *Patriarcha* possident, hunc apud nos *Primates* quodammodo obtinere videntur: utrique Romano Pontifici primo gradu supponuntur. Sed quia *Patriarcha* sedibus præsidet Apostolicis (ut *Hierosolymitanus*, *Antiochenus*, *Alexandrinus*) ideo Archiepiscopos ordinar, & pares quodammodo Romano ascribuntur. Soli tamen *Petro* dictum est: *Tu es Petrus, & super hanc petram edificabo Ecclesiam meam*. *Papa* ergo solus universali præminet Ecclesiæ: & ipse omnes ordinar & iudicat; & ab omnibus ordinatur, quia ex consensu totius Ecclesiæ Romani eum sublimant, qui quotidie chlamyde coccineâ induitur, ut semper martyrio paratus probetur.

Maith. 16.
18.

* Vide Glossarium Guil. Lambardi (præfixum Ἀρχιεπισκοπῆς) in *Ordalio*. D. Henr. Spelmanni, in *Lutatio Dei*. Fr. Pithæi, in *Capitular*. &c.

RECENSIO.

Ex Manuscript. codice Bibliotheca publica Cantabrigiensi Academia descripti: col-lato Prologo. De Usu Ecclesiastico cum alijs Benedictinis Collegij, & libello De Statu Ecclesiæ cum altero monachorum Dunelmensium exemplari, à D. Augustino Lincolniensi Decano Lichfeldensi accepto. Est autem hic Gillebertus ille, quem aiunt, primâ fun-ctum legatione Apostolicæ sedis per universam Hiberniam, ut in vita Malachia rebus Bernardus: non Gilla Lincolniensis Episcopus (cujusmodi nunquam in rerum natura quis extitit) quemadmodum in *Appendix illustrum Angliæ Scriptorum Cen-sur.* 1. cap. 93. somnavit Ioannes Pitsens.

Ejusdem *Gilleberti*, ad *Anselmum Cantuariensem*
Archiepiscopum.

EPIST.
 XXXI.

Anselmo Dei gratia Anglorum Archipraefuli, Gillebertus Dei quoque misericordiâ Lunicensis Episcopus fidele servitum & orationes.

Circa an-
 num 1094.

AVdiens, Pater, certaminis vestri laborem & laboris victoriam; subditas esse videlicet indomitas *Normannorum* mentes Regularibus sanctorum Patrum decretis, ut legaliter fiat Abbatum & Praefulum electio & consecratio: immensas divinae clementiae refero gratias; & quas possum Deo preces effundo, ut perseverantiam vobis & tanti laboris praemium largiatur. Munusculum paupertatis meae & devotionis transmittito, XXV. margaritulas inter optimas & viliores: & rogo ne sitis immemor mei in orationibus vestris, in quibus post divinam largitatem confido.

RECENSIO.

In Manuscripto Epistolarum *Anselmi* volumine, quod mihi impartivit D. Robertus Cottonus, hoc habetur epistolium. Ex eo integrum librum Epistolarum *Gilberti VVestmonasteriensis* ad *Anselmum* effinxit Io. Balus, in *Scriptorum Britannia Centur. 2. cap. 64.* addens, esse qui istum, episcopum Lunicensis in Hiberniâ, olim fuisse contendunt. Sed falluntur illi, errore manifesto. *Gillebertus* enim sive *Gislebertus* sagnomeno *Crispinus*, in *Beccensi* canobio una cum *Anselmo* monachus fuerat (non, ut *Lunicensis* noster, *Rothomagi* obiter illi cognitus:) & à *VVestmonasteriensis* postmodum abbatia ad Episcopatum nunquam fuit promotus; sed abbas *VVestmonasterij* obiit, ibidemque sepul: ut est, hoc laudatus Epitaphio.

Hic pater insignis, genus altum, virgo senexque,
Gisleberte jaces; lux, via, duxque tuis.
 Mitis eras, iustus, prudens, fortis, moderatus;
 Doctus quadrivio, nec minùs in trivio.
 Sic tamen ornatus, nece sextâ luce Decembris;
 Spiramen caelo reddis & ossa solo.

ANSELMI Cantuariensis Archiepiscopi, ad
cundem Gillebertum.

Anselmus servus Ecclesiae (antuariensis, Gilleberto Lunicensi
Episcopo Salutem.

GRatias ago Reverentiae vestrae, quia latari se significat in litteris suis, quod Deus in Ecclesia sua ad profectum religionis per me dignatur aliquid operari. Quoniam autem olim nos apud *Rothomagum* invicem cognovimus, dilectione sociati sumus, & nunc cognosco vos ad Episcopatus dignitatem gratiâ Dei profecisse: confidenter audeo vos obsecrare, & secundum quod intelligo opus esse, vobis consulere. Sublimavit Deus in *Hiberniâ* vestram prudentiam ad tantam dignita-

Rom. 11. 8.

tem; & posuit vos, ut studeretis ad religionis vigorem & animarum utilitatem. Satagite ergo sollicitè (sicut scriptum est; *Qui praeest, in sollicitudine*,) in illà gente, quantum in vobis est, corrigere & extirpare, & bonos mores plantare & seminare. Ad hoc etiam (quantum in vobis est) Regem vestrum, & alios Episcopos, & quoscumque potestis suadendo, & gaudia quae parata sunt bonis, ac mala quae expectant malos, ostendendo attrahite. Et de vestris, & de aliorum bonis operibus prae-
mium mereamini à Deo accipere. Grates refero pro munere vestro, quod mihi benignè misistis. Orate pro me.

RECENSIO.

*Habentur inter excusas Anselmi, l. b. 1. epist. 143 ubi editor Ioannes Picardus Lunicensem hunc episcopum in suo apograpno Lunidensem dictum innuit; cumque episcopatum in Hibernia auctoritatem Armachani Metropolitae spectare, ex Manuscriptis & impressis Codicibus annotat. Lunidegus enim vel * Luvidensis potius, id est, Louthianus Episcopatus is olim fuit, qui Clochorensis hodie appellatur. In exemplaribus ex quibus 30. descripta est Epistola, Gilebertum Lunicensem, Lonnicensem, & Lumnicensem Episcopum nominatum deprehendimus, quae postrema nomenclatio ad Limiricensem Episcopatum, qui Casiliensis Archiepiscopi diuioni subest, nos ducit, Vrbis enim qua Angli Limrick, Hiberni Lumneach nuncupatur.*

* Girald. Cambrenf. Topograph. Hiberniae, distinct. 1. cap. 50.

EPIST.
XXXIII.Circa An-
num 1095.Eiusdem *Anselmi*, ad Episcopos Hiberniae.

Anselmus Cantuariensis Ecclesiae Metropolitanus Anistes, reverendis Coepiscopis, seniori Domnaldo, Donato, ac ceteris in Hibernia Insula Pontificali eminentibus dignitate, à Deo Patre & Iesu Christo filio eius unico Salutem, & perpetua hereditatis benedictionem.

Odorem religionis vestrae plurimis indicijs agnoscens, calamitates quas patior decrevi potissimum vobis aperire: ut quanto vicinior assistitis Creatori, tanto familiarius angustias meas in conspectu eius valeatis indicare, & indicantes compallionis gemitibus ipsius misericordiam mihi impetrare. Defuncto beatae memoriae praedecessore meo *Lanfranco* Archiepiscopo, cum in Normannià *Beccensis* monasterij abbas extissem (unde & praefatus antecessor meus ad regendam Ecclesiam, cui Deo auctore praesidio ante me processerat) occulto Dei iudicio, pro utilitatibus Ecclesiasticis in Angliam veni. Quò venientem tam Rex quàm Pontifices regnique optimates, ad Cathedram Pontificalem, non vocando, non rogando (ut fieri assoler) inimè violenter rapiendo pertrahunt: Clero & populo acclamantibus in idipsum; ut nec unus, cui quod gerebatur displiceret, visus fuerit interesse. Denique cum adhuc id nolle, nec assentire me debere occlamarem, quòd de potestate *Normanni* Ducis, quòd de subiectione Metropolitani *Rothomagensis*, ipsis ignorantibus ereptus essem, / quorum iure effugere enitebar:) eorundem praefati videlicet Ducis & Archiepiscopi praeepto, onus officij coactus & obediens accepi. Quo pacto in gradum Pontificalem sublimatus, idcirco assensu, quòd contrarie non potui.

Proinde infulatus, sedulè quid Christo, quid ejus Ecclesiæ (pro loco, pro officio) deberem, cogitare cœpi: & pastorali regimine vitia refecare, præsumptores coërcere, & quæque inordinata (ut meâ intererat) ad ordinem debitum volui revocare. Quâ causâ, quos adjutores me oportuerat habere in causâ Dei, terribiliter offensos patior; & quæ per me crescere debuerat, me præsentè deperit causâ Dei. Vnde (Reverendi Patres gemebundè vobis loquens fateor) invenerunt me amarissimæ tribulationes; dum & requiem fructuosam me reminiscor perdidisse, & infructuosum periculum me considero incurrisse. Ita etenim peccatis meis facientibus actum est, ut qui nostræ se sponte subdiderant ditioni, à nostrâ sponte resiliant ditione; & qui illis amabilis extiteram, omnibus fermè odiosus existam. Quapropter (venerandi Fratres, filij charitatis æternæ) obsecro vos in nomine ejus qui suos inimicos redemit sanguine suo, orate ut in omnibus Deus pacem nobis tribuat, inimicos nostros in gratiam convertat, & secundum suam voluntatem nos vivere faciat.

Præterea, quanquàm rectè viventem recteque sapientem, pastoralis sollicitudine fraternitatem vestram monere compellor, quatenus viriliter ac vigilantius agat in doctrinâ Dei; canonicâ severitate, si quid cōtra Ecclesiasticam doctrinam in Provincijs suis inventum fuerit, compescens & secundum Dei voluntatem cuncta disponens. Si quando vero (seu in consecrationibus Episcoporum, seu in Ecclesiasticorum negotiorum causis, seu quibuscumque alijs rationibus) aliquid quod ad sacram religionem pertineat inter vos ortum fuerit, quod per vos canonice nequeat definiri: charitatis officio id ad notitiam nostram perferri commonemus; quatenus à nobis potiùs consilium & solatium accipiat, quàm prævaricatores mandatorum Dei in judicium ejus incidatis. Iterum, Charissimi, rogamus vos; orate pro nobis, erigite nos de tribulationibus nostris manu vestrâ orationis, pijs fletibus pulsantes aures clementiæ Dei. Dominus, qui *jussit de tenebris lucem splendescere*, 2. Corinth. mentibus vestris infundat lucem sapientiæ; ut quæ jubet intelligatis, 4. 4. intelligentes opere compleatis.

RECENSIO.

Ex Manuscript. nunc primum edita est hac Epistola: in cuius *ἑνὶ τῷ παρῶν* duo tantum Episcopi nominatim compellantur, Senior Domnaldus & Donatus. è quibus Domnaldus (qui & Donaldus & Donaldus) Primas ille Hibernia fuisse videtur, cuius ad 28. Epistolam jam meminimus. Senior enim apud Latinos mediæ ætatis scriptores (ut etiam nunc apud Gallos Seigneur) dignitatis est nomen non ætatis. Donatus vero Dublinensis ille est, quem Patricio, anno 1084. VI. Idus Octobris in Britannico Oceano submerso, in Episcopatu successisse, Dublinenses præstant Annales: in quibus etiam mortis ejus tempus ita consignatum legimus. Anno Dom. 1095. Dungus, qui & Donatus, Episcopus Dublinensis in Christo quievit. Ut enim priorem Donatum, qui primus Ostromannorum Dublinensium fuit Episcopus, discriminis gratiâ Dunanum; ita posteriorem hunc Dungum, & Dongum, & Donugum (deflexo à Donagh vocabulo, quod Hibernicâ linguâ Donatum sonat) appellatum invenimus.

EPIST.
XXXIII.

WATERFORDIENSIVM, ad *Anselmum* Cantuariensem
Archiepiscopum.

*Anselmo, Dei gratiâ Anglorum Archiepiscopo, & omnibus diœcesis sue
Episcopis; Clerum & populum oppidi VVatfordiæ, cum Rege Murcher-
tacho & Episcopo Domnaldo, salutem in Domino.*

Circa an-
num 1096.

Pater sancte, cœcias ignorantie nos diù detrimenta salutis nostræ su-
stinere coëgit; quia magis eligimus serviliter Dominico jugo colla
subtrahere, quàm liberaliter Pastoralis obedientie subesse. Nunc autem
quantum proficiat Pastorum cura cognoscimus, cum aliarum rerum si-
militudines ad mentem revocamus: quòd sine regi, sine nec Exercitus
bellum, nec Navis marinum audeat attentare periculum. Navicula er-
gò nostra mundanis dedita fluctibus, sine Pastore contra callidum hostem
quâ ratione pugnabit? Propterea nos, & Rex noster *Murchertachus*
& Episcopus *Domnaldus* & *Dermeth* Dux noster frater Regis, elegimu-
hunc presbyterum *Malchum*, *VVarchelini* *VVintoniensis* Episcopi Mo-
nachum, nobis sufficientissimè cognitum, natalibus & moribus nobi-
lem, Apostolicâ & Ecclesiasticâ disciplinâ imbutum, fidè Catholicum,
prudentem, docibilem, patientem, moribus temperatum, vitâ castum,
sobrium, humilem, affabilem, misericordem, literatum, in lege De-
instructum, in Scripturarum sensibus cautum, hospitalem, modestum,
sue domui bene præpositum, non neophytum, habentem testimonium
bonum in gradibus singulis. Hunc nobis petimus ad vestrâ Paternitate
ordinari Pontificem: quatenus regulariter nobis præesse valeat & pro-
desse, & nos sub ejus regimine salubriter Domino militare possimus.
Vt autem omnium nostrum vota in hanc electionem convenire nosca-
tis; huic Decreto Canonico promptissimâ voluntate singuli manibus
proprijs roborantes subscripsimus.

Ego Murchertachus Rex Hibernia subscripsi.

Ego Dermeth Dux Frater Regis subscripsi.

Ego Domnaldus Episcopus subscripsi.

Ego Idunax Episcopus Midia subscripsi.

Ego Samuel Dublinensis Episcopus subscripsi.

Ego Ferdornachus Lageniensium Episcopus subscripsi. &c.

RECENSIO.

Habetur tùm in Manuscriptis, Epistolarum *Anselmi* volumine, tùm in *Elmeri* *Histo-
ria* *Novella* libro 2. ubi totius rei gesta serier ita pertexitur. Rex Hiberniæ *Murcher-
tachus* nomine, & *Dofnaldus* Episcopus cum ceteris Episcopis, quique Nobiles cum
Clero & populo ipsius Insulæ miserunt nuncios ac litteras ad *Anselmum*, in adolescenti-
bus ei Civitatem quandam *VVatfordiam* nomine in urâ suarum Provinciarum esse;
cui ob numerosam Civium multitudinem expediret Episcopum institui, simulque pe-
tentes quatenus ipse (Præmissis quem super eos gerebat potestate, & quâ fungebatur
iycis Apostolicæ auctoritate) sanctæ Christianitati ac necessariæ plebium utilitati in-
stituendo

Assidendo eis Pontificem subveniret. Iam enim secula multa transierant, in quibus eadem Civitas absque providentiâ & carâ Pontificali consistens, per diversa tentationum pericula jactabatur. Elegerant autem idem ipsi in hoc officium quendam suæ gentis virum vocabulo *Malchum*, eamque sacrandum cum communi Decreto ad Anselmum transmiserunt. Igitur Anselmus considerans & intelligens eos iusta & utilis petere, petitioni eorum libens annuit. Electum ergo Pontificem diligenter in his quæ sacra jubet auctoritas examinatum, ac multorum eam vitæ suæ testimonio, dignum Episcopatum comprobatum, sumptâ ab eo ex more de subjectionis suæ obedientiâ Professione, sacravit cum *Cantuaris* quinto Kal. Januarij, assistentibus & cooperantibus sibi in hoc ministerio suo ducibus Episcopis suis, *Radulpho* scilicet Cieslrensi & *Gundulpho* Refensi. *Malchi* verò Professio, cuius hic fit mentio, post Epistolam habetur, pag. 119.

ANSELMI Cantuariensis Archiepiscopi, ad *Muriardachum* EPIST.
XXXV.
Hiberniæ Regem.

Muriardacho glorioso gratiâ Dei Regi Hibernia, *Anselmus* servus Ecclesiæ Cantuariensis salutem cum orationibus, & Dei misericordiâ regi & protegi.

C RATIAS ago Deo de bonis multis, quæ de vestrà Celitudine audio inter quæ est hoc; quia gentem regni vestri in tantâ pace facitis vivere, ut omnes boni, qui hoc audiunt, Deo agant gratias, & vitæ vestræ diuturnitatem desiderant. Vbi enim pax est, licet omnibus bonam voluntatem habentibus, quod optant sine perturbatione malorum hominum efficere. Unde vestra Celitudo, per quam Deus facit, ab eo certissimum magnam retributionem [poterit] expectare. Super hoc utique pacis fundamentum facile est alia, quæ Ecclesiastica religio exigit, ædificare. Precor itaque bonæ voluntatis vestræ constantiam, quatenus consideret, si qua sunt in regno vestro corrigenda, propter vitæ æternæ præmium; & ut magis ac magis in vobis gratia Dei augeatur, sollicitè Deo adjuvante studeatis emendare. Nihil enim est contemnendum quod corrigi possit. Quia Deus exigit ab omnibus, non solum quod malè agunt; sed etiam quod non corrigant mala, quæ corrigere possunt. Et quanto potentiores sunt, ut corrigant; tanto districtius exigit ab illis Deus, ut secundum potestatem misericorditer impensam bene velint & faciant. Quod maxime videtur ad Reges pertinere; quoniam ipsi cognoscuntur majorem potestatem, & cui minus contradicitur, inter homines obtinere. Si autem non omnia simul potestis; non debetis propter hoc, quin à melioribus ad meliora studeatis proficere; quia bona proposita & bonos conatus Deus solet benigne perficere, & beatâ plenitudine retribuere. Auditur apud nos, quia conjugia in regno vestro sine omni ratione dissolvuntur, & commutantur: quia cognati sive sub nomine conjugij sive alio modo, palàm, sine reprehensione, contra canonicam prohibitionem commisceri non vereantur, Episcopi quoque (qui debent esse forma & exemplum alijs Canonice religionis) inordinate, sicut audimus, aut à solis Episcopis, aut in locis ubi ordinati non debent, consecrantur. Hæc, & alia quæ Ma-

Circa annum 1100.

gnitudinis vestræ prudentia in *Hiberniâ* corrigenda cognoverit, preceor, obsecrò, & consulo sicut illi quem valde diligo, & cujus profectum per omnia desidero; quatenus consilio bonorum virorum & sapientium regni vestri corrigere studeatis: & Deum oro, ut de regno terreno ad regnum cæleste transitis. Amen.

RECENSIO.

*Intervitæ habetur, lib. 3. epist. 142. Est autem Muriardachus hic, idem cum precedenti epistola Murchardacho; qui (nisi me fallo) Rex Lagenensium est, a Murchardus, pater Dermoti illius qui Anglos ab debellandâ Hiberniâ primus sollicitavit, & paterna memor injuria, summo Dubliniensis profectus est odio. In medio namque domus ejusdam grandis, * ubi tanquam in foro pro rostris sedere consueverant, patrem ipsius interemptum, damno dedecus annexerunt, cum cane cives tumularent: ut in libro 1. Expugnationis Hiberniæ cap. 17. refert Giraldu Cambrensis. Perpetratum est hoc facinus anno Salutis 1120. ad quem in Britannico Chronico annotat Caradocus Lhancarvanensis, decessisse Murchardum, dignissimum & maximum totius Hiberniæ Principem. & Thadani Doulingus, Lughlinensis Ecclesiæ nuper Cancellarius, in Hiberniæ suis Anna libus Nurchardus serenissimus Lageniæ in Hiberniâ Princeps, fidus amicus, terribilis inimicus, alienis liberalis, à subditis propter ejus bene meritam pietatem & iustitiam præ cæteris amandus, obiit & apud Fernes sepelitur. Ad hunc quoque spectat illa Giraldis in Itinerario Cambria lib. 2. cap. 1. narratio. Gulielmus Gulielmi Regis Bastardi filius & Normannorum in Angliâ rex secundus, qui Rufus est agnominatus, Cambriam suo in tempore animose penetrans & circumdans, cum à cupidibus Hiberniâ fortè prospiceret, dixisse memoratur: Ad terram istam expugnandam ex navibus regni mei hue convocans, pontem adhuc faciam. Quæ verbo ad Murchardum Lageniæ tunc Principem in Hiberniâ fortè transaro, cum aliquandiu propensius inde cogitasset, fertur respondisse: Nunquid tantæ cõminationis verbo Rex ille, Si Deo placuerit, Adjecit? Audio verò quod nullâ prorsus Dei mentionem in hoc suo Rex sermone fecisset, tanquàm prognostico gaudens certissimo. Quoniam, inquit, homo iste de humanâ tantum confidit potentiâ, non divinâ; ejus adventum non formido.*

a Vel Muriardach sive Mauritius à Tolus, Pater Laurentij Dubliniensis Archiepiscopi, de quo infra in Epistola 48. recensione, ad quem etiam referri possunt, quæ ex Caradoco, Doulingo, & Itinerario Giraldis subsequuntur.

EIVSDEM, ad eundem.

EPIST.
XXXVI.

Muriardacho glorioso Regi Hiberniæ. Anselmus Archiepiscopus, servus Ecclesiæ Cambrariensis, fidele cum orationibus obsequium, & per regnum terrenum mereri cæleste.

QVONIAM multa de vestrà Excellentia prædicantur, quæ Regiam decent dignitatem, valde gaudemus; & Deo, à quo est omne bonum, devotas exinde gratias agimus. Confidimus autem, quia qui vobis contulit gratiam suam in faciendis bonis quæ fecistis, conferet quoque effectum perficiendi ea, quæ super illa quæ facitis, cum velle cognoscitis. Quapropter (gloriosè Fili, & in Deo charissime) preceor, ut ea quæ in regno vestro secundum Christianam religionem emendanda cognoveritis, omni instantiâ & sollicitudine emendatis. Ad hoc enim Deus in Regali sublimitate vos constituit; ut virga æquitatis subditos popu-

los gubernetis, & quidquid in eis iustitiæ adversatur, eadem virga percutiatis & amoveatis. Et quidem quiddam dicitur fieri in ipso populo, quem regendum suscepistis, quod magnopere corrigendum est: quia Christianæ religioni omnimodis contrarium est. Dicitur enim, quoddam viri ita liberè & publicè uxores suas uxoribus aliorum commutant, sicut quilibet equum equo, aut quamlibet aliam rem re alia ab illo commutat; aut pro libitu, & sine ratione relinquunt. Quod quàm malum sit, omnis qui Christianam legem novit, intelligit. Si igitur Excellentia vestra divinarum Scripturarum sententias, quæ huic infami negotio obviant, per se legere non valet; præcipite Episcopis & religiosis Clericis, qui in vestro regno sunt, ut eas vobis edicant: quatenus eis cognitis; quo studio vobis invigilandum sit, ut hoc malum corrigatur, cognoscatur. Item dicitur, Episcopos in terra vestra passim elegi, & sine certo Episcopatus loco constitui: atque ab uno Episcopo Episcopum, sicut quemlibet presbyterum, ordinari. Quod nimirum sacris Canonibus omnino contrarium est: qui eos, qui taliter instituti sunt aut ordinati, cum suis ordinatoribus ab Episcopatus officio deponi præcipiunt. Episcopos namque nisi certam parochiam & populum, cui superintendant, habeat, constitui secundum Deum non potest: quia nec in secularibus nomen vel officium Pastoris habere valet, qui gregem, quem pascit, non habet. Honor quoque Episcopalis non parum vilescit, dum is ad Pontificatum assumitur, qui ordinatus, quò divertat, vel cui per Episcopale ministerium certò præsideat, nescit. Minus quoque quàm à tribus Episcopis ordinari non debet: cum propter multas & alias rationabiles causas, quas epistolæ brevitatis non admittit, tum, ut fideles, vita, & sollicitudo eius, qui invigilare debet, idoneis & legalibus testibus comprobetur. Precor itaque, hortor, & moneo; quatenus Excellentia vestra operam det, ut ista in regno suo corrigantur: quatenus merces, quam à Deo pro alijs bonis * expeditis, pro istis vobis * *expeditis, vel, expectatis.* augeatur. Cæterum si quid in vobis, aut in his quos regere suscepistis, quod ullatenus voluntati Dei adversari queat, perpenderitis, sollicitè emendare satagite: ut cum de terreno regno transibitis, ad cæleste regnum veniatis. Amen. De fratre nostro *Cornelio*, quem sibi Celsitudo vestra mitti rogavit, dico, quia ita occupatus est circa servitium patris sui, ut nec ab eo queat sine periculo vitæ illius separari, nec eum, qui jani senio confectus est, secum ullatenus ducere.

RECENSIO.

Si cui minus videatur verisimile, eiusdem argumenti ad eundem secundum esse missus litterar, nulla priorum mentione facta: sciat, eodem tempore regnasse quoque Muirceriach, sive Murchertach O'Briain; qui Terdelvato O'Briain in summo Hibernia principatu anno r. 86. successit. Eius in Regum Mannia Chronica huiusmodi sit commemoratio. Anno 1089. Omnes proceres Insularum audientes mortem Lagmanni, miserunt legatos ad Murcardum O'Briain Regem Hiberniæ, postulantes ut aliquem virum indultum de regali stirpe in regem eis mitteret; donec Olavus filius Godredi crederet. Annuit eis Rex libentissimè, & quendam Dopnaldum filium Tade ad eos misit; monens & præcipiens ei, ut cum omni benignitate & modestia regnum, quod

sibi nod debebatur, gubernaret. Sed ille postquam ad regnum pervenit, parvipendens praecepta sui Domini, cum magna tyrannide abusus est regno; & multis sceleribus perperatis, tribus annis enormiter regnavit. Tunc omnes principes Insularum unâ conspiratione commoti, adversus eum congregati sunt, & expulerunt à finibus suis. Ille autem fugiens ad Hiberniam, non est ultra reversus ad eos. *Hanc verò Epistolam, inter reliqua Anselmi, lib. 3. epist. 147. Ioannes Picardus edidit; & annotationes adiecit.*

EPIST.
XXXVII.

MURCHARDACHI Hiberniae Regis, ad *Anselmum*
Cantuariensem Archiepiscopum.

Murchardacus Rex Hiberniae, Anselmo, Anglorum Archiepiscopi salutem & fidele servitium.

Quam magnas vobis grates (Domine) referre debeo; quòd, sicut mihi relatum est, memoriam mei peccatoris in continuis vestris petagis orationibus: sed & genero meo *Ernulfo* auxilio & interventio-
ne (quantum fuerat dignitati vestrae fas) succurreritis. Scias tu quoque, me vobis in his quae mandaveris famulaturum. Vale.

RECENSIO.

*Ernulfus, quem generum suum hic appellat Murchardachus, est Arnulphus de Monte Gomerico, primus Penbrochia expugnator, & regionis illius (qua Dyvera & Occidentalis VVadla appellantur) Dominus, filius Rogeri de Monte Gomerico primi Salepiae & Arundelia Comitis. De eo Giraldu Cambrensis, in Itinerarij Cambria lib. 1. cap. 11. Primus Penbrochia castrum Arnulphus de Montgomery sub Anglorum rege Henrico primo, ex virgine & caespite tenui, satis exile construxit. Quod postmodum in Angliam revertens viro probo prudentique Giraldo de VVindeforâ Constabulario suo primipiloque cum paucis custodiendum exposuit. Illi nimirum Giraldo, à quo Kildarra & Desmonia Comites, aliaque in Hibernia Giralduorum familia, genus reportant suum. Arnulphus postea simul cum fratre Roberto de Balesmo Comite Salopien-
si ab Henrico I. deficiens, ut auxiliariis contra regem suum copias magis firmaretur, in Hiberniam traiecit, & Murchanum sive Murchadarchi regis filiam uxorem duxit: quem admodum in anni 1101. & 1102. historia confirmat Caradocus Lhancarvanensis. Conjuratio-
nis verò exitum Guilielmus Malmeburien-
sis libro 5. de Regibus ita explicat. Robertus cum fratribus, Ernulpho (qui paternum cognomen sortitus fuerat) & Rogerio Picaven-
si (quod ex eâ regione uxorem acceperat sic dicto) Angliam perpetuo abjura-
vit: sed vigorem sacramenti temperavit adjectio; nisi Regi placito quandoque fa-
visfecisset obsequio. Quae historia ad huius necessaria est intellectum epistolae, quod ex Manuscripto epistolarum Anselmi volumine descripsimus.*

EPIST.
XXXVIII.

ANSELMI Cantuariensis Archiepiscopi, ad *Malchum*
Waterfordiensem Episcopum.

Circa an-
num 1110.

Anselmus Archiepiscopus Cantuarie, amico & Coepiscopo Malcho VWaterfordensi Salutem & benedictionem.

Avdivi, quòd Dominus *Samuël* Episcopus *Dublinensis* monachos Ecclesiae *Dublinae*, aut nullâ aut parvâ occasione, eiecit; nec pro

ulâ satisfactione vult recipere : & quod, contra consuetudinem, Crucem facit gestari ante se in itinere ; & quoddam res Ecclesiæ illius ab Archiepiscopo *Lanfranco* datas velut proprias distribuit. De his omnibus illi nostras mitto litteras : & populo ejusdem Civitatis mando, ut prædictarum rerum distributionem prohibeat. Et quoniam non invenio per quem litteras nostras illi aptius mittam : precor fraternitatem vestram, quatenus eas illi per præsentiam vestram exhibeatis ; ut eum charitative vivâ voce, ut monitioni nostræquam illi scribimus assensum præbeat, rogando & consulendo moneatis. Valete.

RECENSIO.

Ex eodem Manuscripto in quo circiter 90. Anselmi adhuc inedita continerentur epistola. De Malchii ad VVaterfordiensem Episcopatum electione XXXIV. (suprà pag. 91) agebat Epistola. Neque VVaterfordia solum sed etiam vicina Lismoria erat ille Episcopatus. Unde senior Lismorensis (ea senioris notione, quam ad XXXIII. epistola e'vangelistæ aperimus) in vita discipuli eius Malchii à Bernardo appellatur: ubi etiam de Malcho hac, inter alia complura, memorantur. Sic erat senex plenus dierum & virtutum : & sapientia Dei erat in illo. Nacione quidem Hibernus, sed in Angliâ conversatus fuerat in habitu & proposito monachali in Vinionienſi monasterio : de quo assumptus est in Episcopum in Lismor civitate Memoniz, & ipsa nobiliore inter ceteras regni illius. Ibi tanta ei desuper collata est gratia, ut non modò vitâ & doctrinâ, sed & signis claretet.

Ejusdem, ad Samuëlem Dubliniensem Episcopum.

Anselmus Archiepiscopus Cantuaria, venerabili fratri Samuëli Dublinæ Episcopo Salutem. EPIST.
XXXIX.

A Vdivi, quoddam libros & vestimenta & alia ornamenta Ecclesiæ, quæ Dominus *Lanfrancus* Archiepiscopus dedit avunculo tuo Domino *Donato* Episcopo ad opus Ecclesiæ, cui tua fraternitas præfides, tû pro voluntate tuâ exponis, & ea extraneis dis. Quod si verum est miror cur ita facias : cum ipsa ornamenta non ei sed Ecclesiæ data sint ; sicut fratres *Cantuariensis* Ecclesiæ filij attestantur : unde monèo, & monens rogo te ; quatenus si aliquid de prædictis rebus extra Ecclesiam datum est, celeriter illud restituas. Item audivi, quoddam monachos, qui in ipsa Ecclesia ad serviendum congregati erant, expellas & dispergas ; nec redire volentes ullatenus recipere velis. Quod si ita est, non te decet : officij siquidem tui scitur esse, magis dispersa congregare, quàm congregata dispergere. Quapropter mando tibi, ut si aliqui abjecti sunt, & redire volunt, seseque in Dei servitio sub obedientiâ custodire ; eos suscipias, & salutem eorum per paternum affectum studiose intendas : nisi (quod absit) huiusmodi causa in illis obstat, quæ hoc fieri omnino prohibeat. Præterea audivi, quia facis portare Crucem ante te in viâ. Quod si verum est ; mando tibi ne amplius hoc facias : quia non pertinet nisi ad Archiepiscopum à Romano Pontifice pallio confirmatum ; neque decet te, ut ullâ præsumptione insolite rei te notabilem & reprehensibilem hominibus ostendas. Vale.

Cum alijs Anselmi, lib. 3. epist. 72. Ioannes Picardus divulgavit, & notas adiunxit: in quibus tamen illud pronuntiatum necessario est castigandum. Hiberniæ Episcopos ab Archiepiscopo Eboracensi, duobusque Episcopis quos debet Cantuariensis Archiepiscopus mittere, esse inaugurandos. qua hallucinatio non aliunde quàm ex evasso illo eiusdem in notis ad 149. epistolam processit errare; in ularum Orcadum nomine Hiberniam & Scotiam contineri. De Donato, cuius hic mentio, Samuelis aunculo & in Dubliniensi episcopatu proximo antecessore, ad epistolam 33. dictum est aliquid. Consecrationis eius memoria in Cantuariensibus Annalibus ita est consignata. Lanfrancus, ordinationis sue sextodecimo anno, sacravit Donatum monachum suum Cantuariæ ad regimen Dubliniæ; petente Rege; Clero & populo Hiberniæ; quibus etiam literas exhortatorias misit. & in Dubliniensibus: Anno Domini 1085. Lanfrancus Archiepiscopus Cantuariensis ad regimen Dublinensis Ecclesiæ sacravit Donatum monachum suum monasterij sui monachum, in sede metropoli Cantuariæ; petentibus atque eligentibus cum Terdilvaco Hiberniæ Rege, & Episcopis Hiberniæ regionis, atque Clero & populo præfate Civitatis. Quo eodem etiam anno ipsum Terdilvacum regem mortuum esse, in Snellianis Annalibus legimus: in quibus Tairdelbach mac Taidg, mac Briain nominatur. Donato vero anno 1095. vita functo successor datus est Samuel: de quo Ælmerus in Novella Historia: libro. Venit ad Anselmum quidam monachus Cænobij sancti Albani, natione Hibernensis, nomine Samuel. Hic defuncto bonæ memoriæ Donato Dublinæ Civitatis Episcopo, à Rege Hiberniæ Muirnerdach nomine, necnon à Clero & populo in Episcopatum ipsius Civitatis electus est, atque ad Anselmum, iuxta morem antiquum, sacrandus cum communi Decreto directus. Quorum electioni & petitioni Anselmus annuens, hominem aliquandiu secum honorifice detentum, necnon qualiter in domo Dei conversari deberet diligenter instructum, sumptibus ab eo de Canonicâ subiectione suâ ex antiquo more Professione, promovit in Episcopatus officium Vintoniæ, octavâ die subsequentis Paschæ ministrantibus sibi in hoc officio quatuor Episcopis suffraganeis suis. Qui novus Pontifex tantæ Patris benedictione, ac litterarum præfate Regi; Clero quoque ac plebi Hiberniæ, pro testimonio suæ consecrationis scriptarum stipulatione roboratus, in patriam suam cum gaudio revertitur, atque in sedem suam cum honore pro usu suscipitur ter. x. Habetur hic, pag. 119. tùm Donati tùm Samuelis Professio: Vatum Lanfranci & Anselmi cum eis missa littera interierunt.

EPIST.
XL.

DUBLINIENSIVM, ad Radulphum Cantuariensem
Archiepiscopum.

Anno Christi 1121. Domino reverentissimo ac religiosissimo, Radulpho Archiepiscopo Cantuariæ, omnes Burgenses Dublinæ Civitatis, cunctisque Clericorum conveniunt, æternam optant Salutem.

Cum te, Sancte Pater, pro merito summæ pietatis plurimi venerentur; & omnibus fidelibus, causâ magnæ fidei & sanæ doctrinæ, honorabilis atque amabilis existas: congruum esse iudicamus, ut Gregorium nostrum electum; Dei gratiâ, ad vos mittamus. Antecessorum enim vestrorum magisterio semper nostros libenter subdimus, à quo recordamur nostros accepisse dignitatem Ecclesiasticam. Sciat is vos reverâ, quod Episcopi Hiberniæ maximum zelum erga nos habent, & maxime ille Episcopus qui habitat Ardinnache; quia nos nolumus obe-

dire eorum ordinationi, sed semper sub vestro dominio esse volumus. Iccirco vestra suffragia supplices petimus, quatenus *Gregorium* ad sacrum ordinem Episcopatus promoveatis; si amplius illam parochiam, quam multo tempore vobis servavimus, retinere volueritis. Vale.

RECENSIO.

De Gregorij ordinatione ita scripsit, qui tum vixit, Vrigorniensis monachus, Florentij Continuator. Anno 1127. Clericus quidam natione Hibernensis nomine Gregorius, à Rege Hibetrix, Clero & populo, in Episcopatum Dublinx civitatis electus, Angliam venit antiquo pro more ordinandus ab Archiepiscopo Cantuariensi, Anglorum Primatè. Quem, ex præcepto eiusdem Archiepiscopi, Rogerus Saresberix Episcopus apud castellum suum quod vocatur Divisio VIII. Calend. Octobris, Sabbato, ad diaconatus & ad presbyteratus promovit gradum. Ordinatus est autem Episcopus. VI. Nonas Octobris, Dominicà, apud Lambhitham à Radulpho Cantuariorum Pontifice. Eiusque consecrationi interfuere Episcopi, Richardus Londonix, Rogerus Saresberix, Robertus Lincolnix, Everardus Norwicensis, & David Bangornensis. Dubliniensium Episcoporum postremus hic fuit, & Archiepiscoporum primus: utaque supremum egit, diem, VIII. Id. Octobr. (ut habetur in Necrologia Ecclesiæ S. Trinitatis Dublin.) anno 1161. Hanc verò Dubliniensium Epistolam, ad calcem Collectionis Decretalium Isidori Mercatorii, in Cottoniana Bibliotheca invenimus.

HENRICI I. Anglorum Regis, ad eundem Radulphum.

EPIST.
XLI.

*Henricus Rex Angliæ, Radulpho Cantuariensi Archiepiscopo,
Salutem.*

Circa An-
num 1122.

Mandavit mihi Rex *Hiberniæ* per Breve suum, & Burgenses *Dubli-
ne*, quodd elegerunt hunc *Gregorium* in Episcopum, & eum tibi
mittunt consecrandum. Vnde tibi mando, ut petitioni eorum satisfac-
iens, eius consecrationem sine dilatione expleas. Teste Radulpho
Cancellario apud VVindelsor.

RECENSIO.

Superiori epistola in eadem Collectione subjunctum erat hoc Breve regis Henrici I. Nam ut Latini Brevia, sic etiam eorum exemplo vocentores Græci Βρεβία, brevia huiusmodi Regum scripta appellant: & ut apud Græcos (quemadmodum alibi à nobis ad hoc ipsum Rescriptum ex Eustathio est observatum) xivvov non est semper διοτοναρσίς, sed aliquando responds τῷ ἀγγέλῳ καὶ τῷ συσταίῳ; ita & Mandandi vocem eodem sensu usurpant aliquando Latini. quemadmodum tum paulo antè in 38. & 39. epistola, tum manifestissimè in hac presente licebit animadvertere. Nam, ut in libro 5. de gestis Regum Anglorum Guilielmus Malmsburienfis retulit, Hibernienſium regem Murcardum & successores eius, quorum nomina fama non exulit, ita devotos habuit Henricus I. ut nihil, nisi quod eum palparet, scriberent, nihil, nisi quod iuberet, agerent. & tamen scribit hic ille, sibi mandavisse Regem Hiberniæ per Breve suum; hoc est, significavisse.

EPIST.
XLII.

BERNARDI Clarevallenſis Abbatis, ad Malachiam
Hiberniæ Episcopum.

Circa an-
num 1140.

*Venerabili Domino & beatissimo Patri Malachia, Dei gratiâ Hibernien-
ſium Archiepiſcopo, Apoſtolice ſedis legato; frater Bernardus Clareval-
lis vocatus Abbas, invenire gratiam apud Dominum.*

Pſalm. 23. 4.

Rom. 8. 28

Gal. 4. 19.

1 Sam. 25.

28.

Luc. 24. 49.

Pſalm. 137.

4.

2. Pet. 3. 15.

1. Cor. 3. 6.

Luc. 1. 77.

Iacob. 3. 2.

Ioan. 13. 8.

INter multiplices æſtus & curas pectoris mei (præ multitudi-
ne quarum, anima mea turbata eſt valdè) fratres de terrâ longinquâ venien-
tes ut ſerviant Domino, Episto-
la tua, & baculus tuus ipſa me conſolatus
ſunt. Episto-
la in oſtentione bonæ voluntatis, baculus ad ſuſtentandum
corpus infirmitatis, fratres qui Deo ſerviunt in ſpiritu humilitatis. Om-
nia ſuſcepimus, omnia placent, omnia pariter cooperantur in bonum.
Quod autem voluiſtis duos de fratribus mitti vobis ad prævidendum lo-
cum: communicato cum fratribus conſilio, diximus non eos ſeparan-
dos ab invicem, donec plenius in eis firmetur Chriſtus, donec ad inte-
grum doceantur præliari prælia Domini. Cum igitur fuerint in ſcholâ
ſancti Spiritus eruditi, cum indui virtute ex alto, tunc demùm ad Pa-
trem filij revertentur, ut cantencanticum Domini, non iam in terra alie-
na, ſed in ſuâ. Vos autem interim, iuxta ſapientiam vobis datam à Do-
mino, ſecundùm habitudinem locorum quæ vididiſtis apud nos, prævide-
te & præparate eis locum à tumultibus ſæculi ſeparatum. Tempus enim
propè eſt, in quo vobis (operante Dei gratiâ) novos de veteribus ho-
mines producemus. Sit nomen Domini benedictum in ſæcula, de cu-
ius munere venit ut communes habeam filios vobiſcum; quos veſtra
prædicatio plantaviſtis, noſtra exhortatio rigaviſtis, Deus autem incremen-
tum dedit.

Sanctitatem veſtram rogamus, ut verbum Domini prædicetis, Addan-
dam ſcientiam ſalutis plebi eius. Duplex enim vobis incumbit neceſſi-
tas, & ex officio legationis, & episcopali negotio. De cætero, quoniam
in multis offendimus omnes, & inter homines ſæculi frequenter poſiti
multum de pulvere mundi contrahimus: veſtris & veſtorum orationi-
bus me commendo, ut in fonte miſericordiæ ſuæ nos lavare & ema-
culare dignetur ipſe fons pietatis Ieſus Chriſtus, qui dixit Petro; Niſi
lavero te, non habebis partem mecum. Sed & hoc ipſum non ſolùm præ-
cibum, verumetiam quaſi ex debito requiro, cum ego clamen ad Do-
minum pro vobis, ſi quid poſſit peccatoris oratio. In Domino valetè.

REGENSIO.

Hæc, & dua ſequentes ad Malachiam fuiſſe, inter editas Bernardi epistolæ habentur numero 315. 3. & 317. Fruſtrâ verò à Ioanne Picardo (in notis ad Anſelmi lib. 3. epistol. 72.) injectus eſt ſcrupulus: quomodo Bernardus Malachiam in eius Vita nomi-
net Archiepiſcopum; quum ſato ſanctus is fuerit anno 1148. biennio ſcilicet ante Pal-
lia in Hiberniam per Ioannem Paparonem Romane ſedis legatum delata. ni forſan
inquit, dicas, quod Balzum de Malachiâ loquentem ſcripſiſſe ruolo, nempe quod
obtinendi

obtinendi Pallij gratiâ Romam accessisset. Verum penes auctorem sua fides est. Atqui minimè eras opus Balaam hic septem ad vocare: huius rei fides penes ipsum Bernardum est, qui Roma Pallium ab eo petilum, nec tamen impetratum fuisse narrat. Metropoliticanum sedi (ait ille) deerat adhuc & defuerat ab initio Pallij usus; quod est plenitudo honoris. Sed antea accepta Pallia, Armachanos antistites; iam inde ab initio Archiepiscopos existisse & Metropolitano totius Hibernia, atque ad id novum sua auctoritate Metropoles instituisse, ex eadem Malachia Visa à Bernardo descripta manifestum est, quàm ut in questionem vocari debeant. Celsus enim Armachanus non modo Archiepiscopus ibi appellatur atque Metropolitanus: sed & insuper additur. Erat & altera sedes Metropolitica, quam de novo constituerat Celsus; primè tamen sedi & illius Archiepiscopo subdita, tanquam Primati. De eodem quoque Celsus ibidem legitur. Cogitans quia moreretur, fecit quasi testamentum, quatenus Malachias deberet succedere sibi; quod nullus videretur dignior qui episcoparetur in sede primâ. Et post. Anno xxiis suz tricesimo octavo pauper Malachias, pulso incubatore, intravit Ardmacam Pontifex & Metropolitanus totius Hibernix. Illud potius dubitationem hic movere possit: quid quum tertio post anno Malachias relicto Archiepiscopatu, Dunensis Episcopatus administrationem susceperis, ac deinde anno 1137. Romam ad Innocentium II. profectus, Pontifici in Hibernia legatus primùm constitutus fueris: in huius tamen Epistola inscriptione simul Hiberniensium Archiepiscopus & Apostolicæ sedis legatus saluetur, nisi fortè Archiepiscopi nomen, pro Episcopi, in editis codicibus irreperisse putandum sit: vel Archiepiscopi delatum fuisse illi titulum, quid nuper eo honore fuisse functum, & jam legatus factus parem aut etiam maiorem dignitatem adhuc obtinere existimaretur.

EIVSDEM, ad eundem.

EPIST.
XLIII.

*Malachia Dei gratiâ Episcopo, sedis Apostolica legato, frater Bernardus
Claravallis vocatus abbas, si quid potest peccatoris oratio,
& si quid pauperis devotio prodest.*

FECIMUS quod præcepit sanctitas vestra; etsi non ut dignum, profecto ut possibile pro tempore fuit. Tanta apud nos ubique malitia grassatur; ut vix id tantillum quod factum est, fieri licuerit. Misimus tam exiguum seminis quod videtis, ad seminandum vel modicam partem agri illius, in quem verus *Isaac* quondam exierat ad meditandum; cum primùm adducta est ei *Rebecca* per puerum *Abraham* pereni conjugio feliciter copulanda. Nec contemnendum semen, de quo illud in patribus vestris experimur impletum hoc tempore: *Nisi Dominus sabaoth reliquisset nobis semin quasi Sodoma fuissimus, & sicut Gomorha similes essemus.* Itaque ego seminavi, rigate vos, & Deus incrementum dabit. Sanctos omnes qui apud vos sunt, per vos salutamus: humiliter ipsorum nos & sanctis vestris orationibus commendantes. Valete.

Genes. 24.
63.Rom. 9. 19.
1. Cor. 3. 6.

RECENSIO.

De prima Cisterciensium monachorum ex Claravallensi canobio in Hiberniam missio agit hac Epistola; cuius historiam ipse Bernardus sic enarrat, de reditu Malachia ab itinere Romano sub Innocentio II. verba faciens. Revertens per Claravallensem, suam secundam nobis largitus est benedictionem. Et hinc suspiria trahens, quod non liceret sibi pro suo desiderio remanere: Hoc, inquit, interim pro me oro ut retineatis, qui à vobis dicant quod nos postmodum doceant. Et insert. Erunt nobis in semem; & in Ysserij Epist. Hibern.

semine isto benedicentur gentes : & illæ gentes quæ à diebus antiquis monachi quidem nomen audierunt, monachum non viderunt. Et dimissis quatuor à latere suo, abiit. Qui probati & digni inventi, monachi facti sunt. Post aliquod tempus cum iam sanctus esset in terrâ suâ, misit alios : & factum est de illis similiter. Quibus per aliquantum tempus instructis & eruditis corde in sapientiâ, dato eis in patrem sancto fratre Christiano, qui erat unus ex ipsis, emisimus eos ; adiungentes de nostris, quanti sufficerent ad numerum abbatiæ. Quæ concepit & peperit filios quinque : & sic multiplicato semine, augefcit indies numerus monachorum, iuxta desiderium & vaticinium Malachiz. Illa reliquarum mater Abbatia Mellifontis fuit in Armachanâ diocesi posita : de cuius extruptione (quinquennio post Hiberniosos monachos in Clara-vallæ relictos facta) in *Annalibus à Thomâ Casao editis ita legimus*. Anno 1142. fundatur abbatia Mellifontis, Donato rege *a* Vrgalliz terras & possessiones donante, Malachiâ Episcopo procurante, ad quam regendam Bernardus abbas Claravallensis misit conventum de illis quos Malachias, in *b* Clarevalle ad addiscendum ordinem reliquerat, & postea miserat; dato eis in patrem fratre Christiano. *Hinc, circa annum 1144. propagatum est cœnobium Neveracense, de Viridi ligno appellatum, & ab ipso Malachia Episcopo fundatum. Donato anno 1146 X IV. Ianuar. apud Midenis, Lieltrede, Lavinu de Beatitudine, vulgo Beðive dictum, ac demum anno 1148. XVI. Augusti, Buellium in Tuamonsi diocesi, Boyle hodie vocitatum. Atque huiusmodi filii, videntur Malachia, enixa est Mellifontis abbatia: quibus, Bernardo adhuc superstito, circa annum 1151 duæ videntur accessisse alia: de Valle Salutis, sive Baltinglas in agro VVickloensi, & Magio sive Nenay in Limericensi. Nam Rupensem prope Cassiam, licet Mellifontis filia & ipsa fuerit, posteriorum tamen fuisse temporum, in sine Notitia Cœnobiorum Cisterciensium Hibernia & Cassiliensium Archiepiscoporum Catalogo ostendit D. Jacobus VVaraeus eques auratus, in hoc studiorum genere versatissimus.*

a Vziell.

b Clair-
vaux.

EIVSDEM, ad eundem.

EPIST.
XLIV.

Amantissimo Patri & Domino reverentissimo Malachia Dei gratiâ Episcopo, sanctæ & Apostolica sedis legato, suus sanctitatis frater Bernardus Clarevallis vocatus abbas, Salutem, & qualescunque nostras orationes.

Quam dulcia faucibus meis eloquia tua, Domine Pater, quàm iucunda tuæ memoriæ sanctitatis ! Si quid affectionis, si quid devotionis, si quid animi in nobis est : totum sine dubio, sibi vendicat tuæ dilectionis charitas. Nec opus est verborum multitudine, ubi multum viget affectus. Confido enim quòd testimonium perhibeat spiritui tuo spiritus quem habes à Deo, tuum esse modicum id quod sumus. Tu quoque, Pater amantissime & desiderantissime, ne tradas oblivioni animam pauperis, charitatis nexibus adhærentem tibi ; & animam pauperis tui ne obliviscaris in finem. Neque enim quasi de novo commendamus nos tibi ; cum in multo jam tempore gloriemur in Domino, quòd invenire meruit parvitas nostra gratiam in oculis sanctitatis tuæ : sed oramus ut dilectio, iam non nova, novis quotidie proficiat incrementis.

Filios nostros, imò & vestros, tanto obnixius commendamus vobis, quanto ampliùs remoti sunt à nobis. Vos scitis, quoniam tota post Deum fiducia nostra fuit, ut mitteremus eos : quoniam sanctitatis vestræ precibus non acquiescere illicitum videbatur, Facite quod vos decet ; ut to-

HIBERNICARVM SYLLOGE.

✠

tis visceribus charitatis amplectamini eos & foveatis. Nequaquam occasione aliquâ circa eos sollicitudo & diligentia tepefeat; & pereat quod plantavit dextera tua. Iam quidem quâ bene proficit domus, & ex vestris litteris, & ex fratrum nostrorum relatione didicimus; multiplicata tam in temporalibus, quàm in spiritualibus. Vnde & congratulamur plurimum, & toto animo gratias agimus Deo & paternæ sollicitudini vestræ. Et quoniam multâ adhuc opus est vigilantia (tanquam in loco novo, & in terrâ iam insuetâ, immò & inexpertâ monasticæ religionis:) obsecramus in Domino ne tetrahatis manum vestram, sed quod bene incepistis, optimè perficiatis. De fratribus nostris qui redierunt à loco illo, nobis bene placuisset si remansissent. Et fortasse nonnullam occasionem præbuerunt eis, fratrum qui de terrâ sunt minùs disciplinati mores; in eo maximè, quòd minùs facillè eorum consilij acquiescere videntur in his rebus quarum priùs fuerant inexperti.

Charissimum filium nostrum *Christianum* & vestrum remisimus ad vos, quantum potuimus instructum plenius in his quæ ad ordinem pertinent, de cætero circa observantias eius sollicitiorem futurum, ut speramus. Nec miremini, quòd non plures cum eo misimus fratres: quoniam nec idoneos invenimus fratres qui facillè acquiescerent, nec invitos cogere consilium fuit. Dilectissimus frater noster *Robertus* precibus nostris acquievit etiam hac vice, tanquam filius obedientiæ. Vestrum erit iuvare eum; ut possit iam & in ædificiis & in cæteris necessariis promoveri domus vestra. Illud quoque paternitati vestræ suggerimus; ut viris religiosis, & quos speratis utiles fore monasterio, persuadeatis quatenus ad eorum ordinem veniant: quoniam hæc erit summa utilitas domus, & vobis facilius acquiescent. Valeat sanctitas vestra, nostri semper memor in Christo.

RECENSIO.

De Glaravallensibus monachis in Hiberniam missis, etiam in hac epistola agit Bernardus: ut & in 205.2. ad Rossensem episcopum. Retribuat vobis Dominus in vitam æternam, quòd viscera nostra refovistis: filios nostros loquor, quos misimus in Hiberniam ad ejus loci illustrationem, à Joanne Picardo in Notis duo producuntur testimonia: ex Godesfido unum, in Vita Bernardi libro 3. (al. 1.) cap. 6. scribente, superesse eius monumenta etiam apud Soles occiduos Hibernorum; ex quibus distinct. cap. 2. veterum rituum à Cisterciensibus servatorum, hoc alterum. Abbates de Hiberniâ tribus annis remaneant, & quarto anno veniant ad Capitulum: & Abbas Mellifontis ita ordinet, ut aliqui eorum singulis annis veniant ad Capitulum. Primus autem Mellifontis Abbas fuit Christianus Cenarchius, ejus in hac epistola 4. fit mentio: frater Malchi, non VVaterfordiensis illius & Lismorensis Episcopi, ad quem 34. & 35. spectavit epistola; sed aliterius, ejus in vitâ Malachia ita meminit Bernardus. Frater est iste secundum carnem Christiani nostri Mellifontis abbatis:ambo enim superstities adhuc sunt, sibi in spiritu modò germaniores. Priori verd Malcho in Lismorensi episcopatu, ut & Malachia in Pontificia legatione successit ipse Christianus: quem duabus generalibus Hiberniæ Synodis præfuisse legimus; Mellens anno 1152. & Cassiliens anno 1172. celebratis. Cui & tertius illo conveniunt addi poterit, de quo in Annalibus Caslus. Anno 1177. Ecclesia Mell dedicatur: in ejus dedicatione fuerunt isti venerabiles patres, Christianus Episcopus Lismorensis, totius Hiberniæ legatus, qui fuit primus Abbas ejusdem Ecclesiæ; Gelasius Annachanus, Gregorius Dublinensis, Edanus Tu-

mensis, Archiepiscopi, cum suis suffraganeis, XVIII. Abbatibus, & Prælati ferè totius Hiberniæ; nec non & Mauricius Rex Hiberniæ, cum populi sui nobilioribus. *Vnde etiam liquet, Mellum & Mellifontis eandem fuisse Ecclesiam; licet in locis qui Mellus nomen hodie retinet, tribus passuum milibus à Mellifonte sit remotus: nemine, ut videtur, utriusque dato à sancto Mel Episcopo, B. Patricij discipulo, & seniori ipsius Darcacha filio. de quo videndus in Patricij Vita localinus, cap. 50. 102. & 126.*

EIVSDEM, ad Hibernienses fratres.

EPIST.
XLV.

Anno Christi
1148.

Religiosis fratribus qui in Hiberniâ sunt, & his maximè congregationibus, quas beata memoria Malachias Episcopus fundavit, frater Bernardus Clavallius vocatus abbas, paracleti consolationem.

Heb. 13. 14.

SI haberemus hic civitatem manentem; copiosissimis iure lachrymis plangeremus talem nos amisisse concivem. Caterùm si *futura* magis *inquirimus*, ut oportet: est quidem non modica doloris occasio, tam necessario duce destitui; debet tamen zelum temperare scientia, & dolorem spei fiducia delinire. Nec mirari quempiam decet, si gemitum extorquet affectus; si desolatio lachrymas exprimit: modum tamen adhibere necesse est, imò non modicè etiam consolari intuentes *non quæ videntur, sed quæ non videntur. Quæ enim videntur, temporalia sunt; quæ autem non videntur, æterna.* Primùm quidem congratulandum est animæ sanctæ; ne nos arguat de inopiâ charitatis, dicens & ipse quod Dominus

1. Cor. 4. 18.

apostolos ait: *Si diligere me, gaudereis mihi; quia vado ad Patrem.*

Ioan. 14. 18.

Heb. 12. 9.

Prævenit nos ad Patrem spirituum spiritus patris nostri. Nec modò charitatis inopes, sed ingratitudinis etiam rei esse convincimur, super omnibus quæ per eum nobis beneficia provenere; si non congratulamur ei, qui de labore ad requiem, de periculo ad securitatem, de mundo transiit ad Patrem. Itaque & pium est *Malachiam* flere defunctum, & pium magis *Malachiam* congaudere viventem. Nunquid non vivit? Utique & beatè. *Visus est oculis insipientium mori: ille autem est in pace.*

Sapient.
3. 1.

Dehinc etiam utilitatis propriæ consideratio exultandum nobis suggerit & lætandum, quòd tam potens suos patronus ad cœlestem Curiam, tam fidelis præcesserit advocatus: cuius & ferventissima charitas oblivisci nequeat filiorum, & probata sanctitas obtineat gratiam apud Deum. Quis enim nunc *Malachiam* sanctum aut minùs posse prodesse, aut minùs suos diligere audeat suspicari? Profecto cum diligeretur priùs, certiora nunc suæ dilectionis à Deo capit experimenta: & cum dilexisset suos, in finem dilexit eos. Absit autem ut tu nunc, ò Anima sancta, minùs efficax æstimeris oratio; quando præsentem vividius supplicare est Majestati, nec iam in *filè* ambulas, sed in *specie* regnas. Absit ut imminuta ne dum exinanita tua illa tam operosa charitas reputetur; cum

Ioan. 13. 18.

ad fontem ipsum charitatis æternæ procumbis pleno hautiens ore, cuius & ipsa priùs stillicidia sitiebas. Non potuit morti cedere charitas *foris*

1. Cor. 5. 7.

ut mors, imò & morte fortior ipsa. Nam & cedens non erat im-

Cant. 8. 6.

ne mors, imò & morte fortior ipsa. Nam & cedens non erat im-

mor vestri, affectuosiùs vos commendans Deo; & nostram quoque exiguitatem solitâ illâ suâ mansuetudine & humilitate exorans, ut vestri non oblivisceremur in finem.

Vnde & dignum duximus scribere vobis; ut sciatis nos, & in spiritualibus (si quid nostra in his exiguitas per beati huius patris nostri merita unquam potuerit) & in corporalibus (si quando fortè opportunitas praberetur) omnem vobis consolationem impendere totâ devotione paratos. Et nunc quoque (dilectissimi) *Hiberniensis* Ecclesiæ gravem hanc destitutionem toto miseramur affectu; & eo ampliùs vobis compati-
mur, quo nos ampliùs ex hoc novimus debitores. Magnificavit enim Dominus facere nobiscum; cùm locum nostrum dignatus est beatæ mortis eius honorare præsentia, & pretiosissimo corporis eius locupletare thesauro. Nec molestum sit vobis, quòd apud nos habeat sepulturam: quando sic ordinavit Deus, secundum multitudinem misericordiæ suæ, ut voseum vivum haberetis, nobis habere liceat vel defunctum. Et nobis siquidem communis vobiscum pater ille erat & est: nam in morte ipsius hoc nobis confirmatum est testamentum. Quamobrem, sicut nos huius tanti patris gratiâ universos vos tanquam germanos fratres totis amplectimur visceribus charitatis; sic & de vobis nos idem sentire, spiritualis ipsa * cognitio persuadet.

* cognitio.

Hortamur autem vos, fratres, ut beati huius patris nostri semper curretis sectari vestigia; eo studiosiùs, quo vobis certius sancta eius conversatio diuturnis experimentis innotuit. In hoc enim veros vos eius filios esse probabit, si paterna viriliter instituta servetis: & ut in eo vidistis, & audistis ab eo, quemadmodum vos oporteat ambulare, sic ambuletis, & abundetis magis. Siquidem gloria patris, sapientia filiorum. Nam & nostram non mediocriter excutere desidiâ, & reverentiam incutere cœpit præsens nobis tantæ perfectionis exemplar. Atque utinam sic nos post se trahat, ut pertrahit in tam recenti virtutum eius odore avidiùs alacriusque currentes. Orantem pro nobis universitatem vestram *Christus* custodiat.

Cant. i. 3. 4.

RECENSIO.

Consolatoria hæc est, de morte Malachia: cujus laudes duobus Sermonibus in ipsius Natali habuit idem Bernardus prædicat, & libro singulari de Vita eius, Congani abbatu & reliquorum fratrum Hiberniensium rogatu, edito. id enim ipse, in fine Præfationis ita indicat. Tu id mihi abba Congane iungis, reverendus frater & dulcis amicus meus, ac tecum pariter (ut ex Hiberniâ scribis) vestra illa omnis Ecclesiæ sanctorum. Libens obedio: præsertim quod non eloquium exigitis, sed narrationem. Dabo verò operam, ut ea sit pura & luculenta, devotos informans, fastidiosos non onerans. Sanè narrationis veritas secunda apud me est, inimica à vobis; haud alia proculdubio protestantibus, quàm quæ certissimè comperta sunt vobis.

EPIST.
XLVI.

ADRIANI IV. Pontificis Romani, ad *Henricum II.*
Anglorum Regem.

Anno Christi
1155.

*Adrianus Episcopus servus servorum Dei, charissimo in Christo filio,
illustri Anglorum Regi, Salutem & Apostolicam
benedictionem.*

Laudabiliter, & satis fructuosè de glorioso nomine propagando in terris, & aeternæ felicitatis præmio cumulando in cælis, tua Magnificencia cogitat: dum ad dilatandos Ecclesiæ terminos, ad declarandam indoctis & rudibus populis Christianæ fidei veritatem, & vitiorum plantaria de agro Dominico extirpanda, sicut Catholicus Princeps intendis; & ad id convenientius exequendum, consilium Apostolicæ Sedis exigit & favorem. In quo factò, quanto altiori consilio & majori discretione procedis, tanto in eo feliciorem progressum te (præstante Domino) confidimus habiturum: eo quòd ad bonum exitum semper & finem soleant attingere, quæ de ardore fidei & religionis amore principum acceperunt. Sanè *Hiberniam*, & omnes Insulas, quibus Sol iustitiæ Christus illuxit, & quæ documenta fidei Christianæ ceperunt, ad ius beati *Petri* & sacrosanctæ *Romanae* Ecclesiæ (quod tua etiam Nobilitas recognoscit) non est dubium pertinere. Vnde tanto in eis libentius plantationem fidelem, & germen gratum Deo inserimus; quanto id à nobis * interno examine districtius prospicimus exigendum. Significasti siquidem nobis (fili in Christo charissime) te *Hibernia* insulam, ad subdendum illum populum legibus, & vitiorum plantaria inde extirpanda, velle intrare: & de singulis domibus annuam unius denarii beato *Petro* velle solvere pensionem; & iura Ecclesiarum illius terræ illibata & integra conservare.

* in extra.
mo, habet
Scoti chro-
nicon.

Nos itaque pium & laudabile desiderium tuum cum favore congruo prosequentes, & petitioni tuæ benignum impendentes assensum, gratum & acceptum habemus, ut (pro dilatandis Ecclesiæ terminis, pro vitiorum restringendo decursu, pro corrigendis moribus & virtutibus inserendis, pro Christianæ religionis augmento) Insulam illam ingrediaris, & quæ ad honorem Dei & salutem illius terræ spectaverint exequaris; & illius terræ populus honorificè te recipiat, & sicut Dominum veneretur: iure nimirum Ecclesiarum illibato & integro permanente, & salvâ beato *Petro* & sacrosanctæ *Romanae* Ecclesiæ de singulis domibus annuâ unius denarii pensione. Si ergò quod concepisti animo, effectu duxeris prosequente complendum; stude gentem illam bonis moribus informare: & agas (tam per te, quàm per illos quos ad hoc fide, verbo, & vitâ idoneos esse perspexeris) ut decoretur ibi Ecclesia, plantetur & crescat fidei Christianæ religio; & quæ ad honorem Dei & salutem pertinent animarum (per te) taliter ordinentur, ut à Deo sempiternæ mer-

cedis cumulum consequi mereatis, & in terris gloriosum nomen valeas in sæculis obtinere. Datum Romæ, &c.

R E C E N S I O.

Adrianus IV. Papa, natione Anglus, Norwægiæ primus Christianâ fide imbuir, amorque patriæ ductus Imperium Hibernia, quæ Pontificia diutius fuerat Henrico II. Anglorum Regi concessit: inquit Roginaldus Polus Cardinalis in oratione ad Anglos suos anno 1154. in Comitibus Parliamentariis habitâ. Quo vero iure dominium Hibernia Pontifex sibi vendicaverit; Ioannes Sarisburiensis, qui ipso Privilegium hoc ab Adriano impetravit, libro 4. Metalogici sui capitulo ultimo ita aperit. Ad preces meas illustri Regi Anglorum Henrico II. concessit & dedit Hiberniam iure hæreditario possidendam: sicut literæ ipsius testantur in hodiernum diem. Nam omnes insulæ de iure antiquo, ex donatione Constantini quæ eam fundavit & dotavit, dicuntur ad Romanam Ecclesiam pertinere. Annulum quoque per me transmissit aureum, smaragdo optimo decoratum, quo fieret investitura iuris in gerenda Hibernia: idemque adhuc annulos in curiali archivo publico custodiri iussus est. Narrat quoque Giraldu Cambrensis in Hibernia expugnata historiâ lib. 2. cap. 6. Regem Henricum ab Adriano Papâ Privilegium hoc perquisivisse, per Ioannem Salisburiensem, postmodum Episcopum Carnotensem, Romam ad hoc destinatum. Per quem etiam (inquit), idem Papa Anglorum Regi annulum aureum in investituræ signum præsentavit: qui statim, simul cum Privilegio, in archivis Wintoniæ repositus fuerat. Anno verd 1155. sub ipsa videlicet initia regni Henrici & Pontificatus Adriani, impetratum fuisse hoc privilegium, docent in suis Annalibus Rogerus Wendoverius, Matthæus Parisiensis & Nicolaus Trivetius. Per idem tempus, (ait ad eum annam Matthæus Westmonasteriensis) rex Anglorum Henricus nuncios solemnes Romam mittens, rogavit Papam Adrianum, adhuc novum, cuius gratiam confidenter obtinere speravit, utpote Anglum, ut liceret ei Hiberniam hostiliter intrare, & eam sibi subjugare; atque homines illos bestiales ad fidem Christi deentius revocare, Ecclesiæque Romanæ fidelius inclinare. Quod Papa Regi grante antuit; & eidem, super hoc, Privilegium destinavit. Rex igitur Henricus) addis ad eundem annum Trivetius) circa festum S. Michaëlis, habito Wintoniæ Parlamento, de conquirendâ Hiberniâ cum suis optimatibus tractavit. Quod quia matri eius Imperatrici non placuit; ad tempus aliud dilata est illa expeditio. Similia habet Robertus de Monte in Continuatione Chronographiæ Sieberti, anno 1156. & Ioannes Rastus Warwicensis in libello de terris Corona Angliæ annexis: cui & integram hanc Adriani Bullam inseruit, quod etiam à Matthæo Parisiensi & Nicolao Triveto ad annum 1155. Casareo Baronio, ad annum 1159 & Giraldo Cambrensi (tùm in loco jam citato, tum in 2. libro de Vita sua) est factum. Eandem etiam in Scoticronici, lib. 12. cap. 33. necnon in Dubliniensis Archiepiscopi & Lisimonsis Episcopi Regiis descriptam vidimus. Eidem in Manuscripto Giraldi codice, quo Ioannes Stouvers usus, (sicut in Annalibus eius, ad annum 1160. videre licet) adjuncta erat Symboli Apostolici orationis Dominica votus Anglicana versio: quam nonnulli eodem tempore ab Adriano ad populares suos missam fuisse autumant.

* Ioan. Elderliter. ad Cathonesæ Episcopum, dat. Londini Kalend. Ianuar. anno 1555. & Math. Parker. in vitâ Poli.

ALEXANDRI III. Pontificis Romani, ad eundem.

EPIST.
XLVII.Anno Chri-
sti 1172.*Alexander Episcopus, servus servorum Dei, charissimo in Christo filio, illustri Anglorum Regi, Salutem & Apostolicam benedictionem.*

Quoniam ea quæ à decessoribus nostris rationabiliter indulta noscuntur, perpetuâ merentur stabilitate firmari; venerabilis Adriani Papæ vestigiis inhaerentes, nostrique desiderij fructum attendentes, concessionem eiusdem super Hibernici regni dominio vobis indulto (salva beato Petro & sacrosanctæ Romanæ Ecclesiæ; sicut in Angliâ, sic & in Hiberniâ, de singulis domibus annuâ unius denarij pensione) ratam habemus & confirmamus. quatenus eliminatis terræ illius spurcitijs, barbara natio, quæ Christiano censetur nomine, vestrâ indulgentiâ morum induat venustatem; & redactâ in formam hæcenus informi finium illorum Ecclesiâ, gens ea per vos Christianæ professionis nomen cum effectu de cetero consequatur.

RECENSIO.

Habetur apud Giraldum Cambrensem libro 2. Historia Hibernia expugnata cap. 6. indeque apud Ioannem Rossium VVarwicensem in libro de terra Cereva Anglia annexæ. In Francfortensi tamem Giraldi editione, non solum integrum hoc Diploma est prætermissum, sed etiam tota eius historia inversa & depravata: quam nos ex duobus Manuscriptis exemplaribus ita restitimus. Anglorum rex, directis ad Curiam Romanam nuncijs, ab Alexandro tertio tunc præidente privilegium impetravit, eiusdem auctoritate simul & assensu, Hibernico populo tam dominandi quàm ipsum in fidei rudimentis inculcissimum Ecclesiasticis normis & disciplinis (iuxta Anglicanæ Ecclesiæ mores) informandi. In Hiberniam itaque Privilegio transmissio per Nicolaum VValingfordensem tunc Priorem (Malmesburiensem quoque postmodum Abbatem tam positum quàm depositum) necnon & Gulielmum Aldelmi filium, convocatâ statim apud VVaterfordiam Episcoporum Synodo, in publicâ audientiâ ejusdem Privilegij, eum universitatis assensu; solemniter recitatio facta fuit: necnon & alterius Privilegij per eosdem transmissi, quod idem Rex ab Adriano Papâ, Alexandri decessore, antea perquisierat per Ioannem Salisburiensem, postmodum Episcopum Carnotensem, Romam ad hoc destinatum. Unde corrigendus error Richardi Stanburis V. GL. auctoritatis mei, qui in 3. de rebus Hibernicis libro, depravata Giraldi secutus exemplaria, ait Ioannem Salisburiensem, convocato VVaterfordiæ antistitem Concilio, Pontificias litteras publicè recitasse. Huc verò spectat locus ille Rogeri Hovedeni, in poste-riore Annalium parte, ad annum 1171. Rex Angliæ militi transcriptum Chartarum universorum Archiepiscoporum & Episcoporum Hiberniæ ad Alexandrum Papam; & ipse auctoritate Apostolicâ confirmavit illi & hæredibus suis regnum Hiberniæ secundum formam Chartarum Archiepiscoporum & Episcoporum Hiberniæ. & Ioannis Bramptoni in Iuvannalensi Historia. Rex Angliæ militi nuncios suos ad Alexandrum Papam, cum litteris Archiepiscoporum & Episcoporum Hiberniæ, ad regimen Hiberniæ sibi & hæredibus suis auctoritate Apostolicâ confirmandum; & sicque factum est. Nam summus Pontifex regnum illud sibi & hæredibus suis auctoritate Apostolicâ confirmavit, & in perpetuum eos constituit inde Reges.

EIVSDEM *Alexandri*, ad *Laurentium* Dublinensem
Archiepiscopum.EPIST.
XLVIII.*Alexander Episcopus servus servorum Dei, Venerabili fratri Laurentio
Dublinensi Archiepiscopo, ejusque successoribus canonice
subsistendis in perpetuum.*Anno Chri-
sti 1179.

Cum tenendus ex debito suscepti regiminis circa universum cor-
pus Ecclesiæ aciem nostræ considerationis extendere, & necessita-
tē patientibus prout convenit suffragari: fratribus & Coëpiscopis no-
stris Apostolicum cogimur suffragium impartiri, & his maxime qui pro
multā locorum distantia, & impedimentis viarum, liberum non pos-
sunt accessum ad sedem Apostolicam habere. Eapropter, venerabilis in
Christo frater Archiepiscopo, tuis iustis postulationibus clementer an-
nuimus; & *Dublinensem* Ecclesiam, cui auctore Deo præesse dinosceris,
sub beati *Petri* & nostrā protectione suscipimus, & præsentis scripti
privilegio communimus. Statuentes ut quascumque possessiones, quæ-
cunque bona, quæ eadem Ecclesia in præsentiarum iuste & canonicè pos-
sident, aut in futuro concessione Pontificum, largitione Regum vel
Principum, oblatione fidelium, seu alijs iustis modis (præstante Do-
mino) poterit adipisci; firma tibi, tuisque successoribus, & illibata per-
manent. *Glendalensis, Darensis, Fernensis, Lecklinsensis, & Ostragensis*
Episcopatus, sicut tibi sunt Metropolitico iure subiecti; tibi tuisque
successoribus auctoritate Apostolicā confirmamus. Adjicentes quoque
statuimus, ut Cathedralis Ecclesiæ prædictorum Episcopatum, cum
omnibus bonis & possessionibus suis quas in præsentiarum canonicè pos-
sident, vel in futurum iustis modis (Deo propitio) poterunt adipisci;
sub beati *Petri* & nostrā protectione consistant.

Præterea Ecclesias, villas, & possessiones Ecclesiæ tibi commissa, in-
ferius adnotatas, tibi tuisque successoribus nihilominus confirmamus:
videlicet *Luscam* cum omnibus suis, *Sord* cum omnibus pertinentijs
suis intus & extrā, *Finglas* cum omnibus pertinentijs suis, *Cluaindol-*
cam cum omnibus pertinentijs suis, *Tamlachtan* cum omnibus perti-
nentijs suis, *Cell* Episcopi *Sanctani* cum pertinentijs suis, medietatem
de *Tignas* cum Ecclesiā ipsius villæ, *Raithmichael, Cellcomgaill, Cell-*
chaish Driengig, Cellorubaish, cum montanis ab *Igis* usque *Sudi, Cheli,*
Cellcoemgen cum suburbio & alijs pertinentijs suis, & *Technabrenach,*
Léchracasandi, ad mensam autem Canonice, medietatem de *Rathra-*
vini, & portus *Besh, Raithchillin, Glasneden* cum molendino, *Chenn-*
droch cum molendino pontis, *Balemetamlab, Dun, Cnanach, Balen-*
gore, Cellefra, Cenansale, Lisluan, tertiam partem de *Clochair*, ter-
tiam partem de *Cellalia, Cluinkeny, Kalgohc, Tulachbacham, Cellingen-*
lenin, Celltucca, Raithsalcan, Tulachmanephscop, Drunmind, Balencha-
ram, Tir odraun, Bale uroolef, Balmochain, Balmace murgulla, Ba-
Vsserij Epist. Hibern.

lendelar. Parochiales autem Ecclesias, scilicet sancti *Thome*, sancti *Nicolai*, sanctæ *Vvarburgæ*, sancti *Patricij* in insulâ, cum omnibus earum pertinentijs; Insulam filiorum quondam *Nessani*, & *Dalcinsh*, cum appendicijs earum, & cæteras Ecclesias tuæ diocesis, cum decimis & alijs earum pertinentijs,

Decernimus ergo, ut nulli omnino hominum fas sit præfatam Ecclesiam temerè perturbare, aut eius possessiones auferre, vel ablatas retinere, minuire, seu quibuscumque vexationibus fatigare; sed omnia integra conseruentur eorum, pro quorum gubernatione ac sustentatione concessa sunt, usibus omnimodis profutura: salvâ sedis Apostolicæ auctoritate. Si qua igitur in futurum Ecclesiastica secularive persona hanc nostræ Constitutionis paginam sciens, contra eam temerè venire temptaverit, secundum tertiove communionis, nisi reatum suum dignâ satisfactione correxerit; potestatis honorisque sui dignitate careat, reamque se divino iudicio existere de perpetrata iniquitate cognoscat, & à sacratissimo corpore ac sanguine Dei & Domini redemptoris nostri *Iesu Christi* aliena fiat, atque in extremo examine divinæ ultioni subiaceat. Cunctis autem eidem loco sua iura servantibus sit pax Domini nostri *Iesu Christi*; quatenus & hic fructum bonæ actionis percipiant, & apud districtum Iudicem præmia æternæ pacis inveniant. *Amen.* Datum Laterani, per manum *Alberti* sanctæ Romanæ Ecclesiæ presbyteri Cardinalis & Cancellarij, XII. Calend. Maij, Indictione XII. Incarnationis Dominicæ anno MCLXXIX. Pontificatus verò Domini *Alexandri* Papæ III. anno XX.

RECENSIO.

Est hic *Laurentius O Tolus*; cuius Vitam ab *Augiensis* Collegij menacho descriptam *tom. 6. Vit. Sanctior. Novemb. 14. inferuit Laurentium Stryus.* Pa rem habuit, ut auctor ille indicat, *Muciantach* sive *Mauricium O Tuohail*, ad quem non modica pars *Hiberniæ*, quæ *Lagenia* dicitur, iure hæreditario pertinebat; matrem *Ingen Ybrua* (ita enim legunt duo huius Vita, quæ ego habeo, Manuscripta exemplaria) id est, *hiliam* Principis, ex *Birnoenm*, ni fallor, familia, Annos natus decem, Decemito regi (qui alius ab illo *Murchardi* filio fuit, à quo Angli in *Hiberniam* sunt introducti) à patre obitus datus, durissimè ab eo habitus est: post biennium vero parvi æstus, & Ecclesiæ ministerio ab eo datus, sub magisterio *Glandelacensis* Episcopi vixit. Cum annorum esset XXV. Ecclesiæ *S. Comgoni* sive *Keivini de Glandeac* Abbas, Clero & populo id postulantijs, constitutus est: ac demum *Dubliniensis* Archiepiscopo disuncto, ad *Dublinensem* cathedram evectus, anno Domini 162. à *Gelasio* totius *Hiberniæ* Primæ, in ipsâ *Dubliniensis* Ecclesiâ, multis Episcopis præsentibus, gratias agente populo, solemniter consecratus est. Anno 1179. unâ cum *Catholico Tuamenis Archiepiscopo*, & quinque vel sex *Hiberniæ* Episcopis Romam ad *Lateranense* Concilium profecturus, per *Angliam* transiit: ubi omnes pro licentiâ transiendi iuraverunt, quoddam neque Regi, neque regno eius damnum quærerent; quemadmodum in annalibus historia referi *Rogerus Hovedenus*. *Laurentium* tamen, ob privilegia in *Lateranensi* Concilio contra Regis dignitatis honorem, zelo suæ gentis, ut ferebatur, impetra-

* ita *Hovedenus*. sed quatuor tantum habentur in nomenclaturâ Episcoporum, quam in notis ad *Guillelmi Neubrigenis* histor. lib. 1. cap. 2. edidit *Ioannes Picardus*, nempe *Constantinus Episcopus de Quidalua*, qui *Laonensis* fuisse putatur, *Vricius Lunbogensis*, sive *Limericensis*, *Augustinus VVaterfordensis*, & *Felix Lismorensis*.

III. Anglorum Regi suspectam fuisse, libro 1. Expugnat. Hibern. cap. 23. narrat Giraldus Cambrensis. Eo tempore, Dubliniensis sua Metropoli præfatus hoc imperatum est ab eo Privilegium, ex antiquo Dubliniensis Archiepiscopi Regesto, quod Crede mihi appellatur, à nobis exscriptum. Obijt apud augensem Normannæ castrum (eius Comites Richardus Strongbow fuerat, qui Dubliniam & Lageniam, Laurentij sedem metropoliticaam & provinciam, ipso vivente & vidente subjugavit) hunc patria ab Angliâ vastata calamitatem deplorasset, miserabiliter lingua materna aicens: Heu popule stulte & insipiens, quid iam facturus es? Quis sanabit aversiones tuas? Quis miseretur tui? Atque ita, XVIII. Calendæ Decembris, cum sextæ feræ terminus advenisset, in confinio Sabbati subsequens spiritum sancti viri requies æterna suscepit, inquit Vita eius scriptor. Annum, quem illo tacet, Annales nostri assignant 1180. quo & 14. dies Novembris in sextam feriæ incidit, Rogerus Hovedenus, & cum secutus Casar Baronius in Annalibus suis ad sequentem annum malè referunt. Nam ut ipse Rogerus postea confirmat, anno 1181. Henricus rex Angliæ, filius Imperatricis, dedit Ioanni Cumin, clerico suo, Archiepiscopatum Divelinix in Hiberniâ, VIII. Idus Septembris apud Euesham. (isdem Novembris dies 14. qui electionem hanc antecesserat, ad annum 1180. necessariò retrahendus est.) & anno 1181. Lucius Papa III. ordinavit Ioannem Cumin in Sacerdotem III. Idus Martij apud Velletræ: deinde consecravit eum in Archiepiscopum Divelinix XII. Calend. Aprilis, Dominicâ in ramis Palmarum, apud Velletræ, cui Calendarij quoque ratio suffragatur; quæ anno 1181. Dominicam Paschalem 18. die Martij celebratam fuisse docet. In Sanctorum verò numerum relatus est Laurentius ab Honorio III. anno 1215. cuius canonizationis Bulla, data Reate, III. Id. Decembr. anno Pontificatus 10. habetur in Laurentij Cherubini Bullario; tom. 1. pag. 49 edit. Rom. anno 1637.

GIRALDI Barry Cambrensis, ad Guilielmum Verum
Herefordensem Episcopum

De Mirabilibus Hiberniæ

Epist.
XLIX.

Circa An-
num 1190.

Lectio certa prodest, varia delectat. Si ergo legendo proficere quæris: primò continentiam operis cum diligentia seriatim transcurras, quatenus & materiæ tenor, & tractandi modus, & rerum coherencia cuncta patefcat. Quoties verò transcurso volumine delectari volueris? circa titulos istos verseris. In primâ distinctione: de avibus earumque naturis, & defectibus. De feris. De vermibus. De comparatione Occidentis & Orientis; usque in finem illius distinctionis. In secundâ distinctione: de lupo cum sacerdote loquente. De muliere barbarâ, & in tergo cristatâ. De semibove viro semiviroque bove. De vaccâ ceruinâ. De hircio ad mulierem accedente, & leone mulierem adamante. De mirandis Sanctorum refugiis. De saltu Salmonis, & modò salendi. De libro miraculosè conscripto, & libri compositione. De vita Brendani. In terciâ distinctione: de gentis Hibernicæ naturâ, moribus & cultu. De gentis eiusdem in musicis instrumentis peritiâ incomparabili. De commodis artis Musicæ. In calce verò eiusdem distinctionis; De victoriis Anglorum Regis Henrici II. & filiorum titulis, usque in finem Operis. Notulas quoque contra magis notabiles tam sententias quàm sermones per loca disposui; ad quæ perfacile tota lectoris acies dirigatur. Præ omnibus autem titulis, meo iudicio, de musicis instru-

mentis & arte Musicâ tractatus, pro sui capiti laudabilior: quanto ibidem & materia inusitatio, & stylus elegantior invenitur.

RECENSIO.

Giraldus de Cambriâ oriundus, & australi eiusdem parte maritimisque Demetiz finibus, non procul ab oppido principali de Penbroc castello, sc. de * Mainarpu; ingenio natalibus profapiam duxit. Ex matre namque Angareth (filia Nestæ nobilis filiz Resi principis Sudvalliæ, sc. filij Theodori) viro egregio VVillelmo de Bari matrimonialiter copulata processit. Ita de genere suo scribit; in primo de Vita sua libro cap. 1. *Giraldum noster; qui à patre Barij, à patriâ Cambrensis cognomen traxit. Is ab avunculo suo Davide; (Nestæ illius, quam Angli Annetz vocant, filio) Brechinienfis Archidiaconatus (qui è quatuor Menevensis dioceseos unus erat) munus accepit. Gafrido, anno 1198 defuncto, in Menevensi Episcopatus successisse Sylvestrum Giraldum, & el potius Giraldum, Manricio nempe progenerum, Giraldi de VVinfor (qui arcem condidit Penbrochianam) & Nestæ (sororis Cistini Australis VValliz Principis) filio; in Menevensium Episcoporum Catalogo affirmat eruditissimus antistes D. Franciscus Godwinus. Sylvestri nomen primum, quod sciam, Giraldo Ioannes Lelandus imposuit; neque enim in Vita, quam ipse conscripser suam, neque in tota Manuscriptis, qua videre contigit, operum ipsius exemplaribus, ejusmodi quid adhuc invento potui. Giraldi, absque omni dubio, proprium fuit illi nomen: Giraldiz verò cognomentum, ut ex materna parte indè illi potuisse fortasè non abnuerim, ita ex paterno Batrensem extitisse, tam certum est quàm quod certissimum. Mauricius quidem Giraldides, Dominus de Landeloffan, qui in Hibernia fixu postea sedibus, Comitibus nostris Kildarensibus & Desmondaniis originem dedit, matrem habuit Nestam (Giraldi nostri aviam) patrem Giraldum VVinforium, Arnulphi illius qui castrum Penbrochianum primum construxit (ut ad epistolam 17. ex ipso Giraldo ostendimus) Castellanus: ac filiam etiam (quod errori videtur prabuisse ansam) Giraldum: verum non nostrum, sed alium, cuius in secundo Expugnationis Hiberniæ libro cap. 10 hic noster meminit. Anno verò 1198. obiit non Galfridus, sed Petrus proximus illius in sede Menevensi antecessor. Vnde longa illa liti est exorta, Roma coram Innocentio III. agitata, inter Galfridum Huberti Cantuariensis Archiepiscopi opera promotum: & Giraldum nostrum à Menevensi Capitulo electum: cuius historiam suis lateque ipse Giraldus exequitur, tum in Dialogo de statu Ecclesiæ Menevensis, tum in libro secundo de Vita sua, ubi ostendit qualiter ad collatum (ita enim ille loquitur) efficac in Curia pars adversa se convertit, & totam contra Giraldum Curiam per hoc corrumpit. Vnde demum causa sedere, & Galfrido Menevensem Episcopatum relinquere coactus est.*

Anno 1185. ab Henrico II. Anglorum rege, cum filio suo Ioanno Martono tunc Camris, in Hiberniam missus est: ubi dum moram faceret, duorum Episcopatum qui tunc vacabant, VVesefordensis sc. (qui & Fernensis dicitur) & Lechelinenfis Archidiacono Comes optionem dedit; & cum utramque recusaret, obtulit ei duas Ecclesias illas & dioceses in unum convertendas, si regimen ipsarum suscipere vellet. Ad quod respondit: quod si animum ipsius ad hoc datum videret, ut Ecclesiam Hibernicam extolleret vellet & sublimare; se forsam, ut ad hoc conserpari & conjuvare posset, oblatum honorem suscepturum. Sed quamiam hoc non attendit: maluit esse privatus, quàm intulit in potestate constitutus; nec aliquatenus ibi præfesse voluit, ubi prodesset non potuit. Videns ergo quod Comes ibi nil præficeret, sed de die in diem deteriorem per eius adventum terra statum haberet; considerans etiam multa ibidem nova & notabilia, alijs aliena regnis & prorsus incognita: ut vel ipse quæstum aliquem, aut conquestum suo saltem labore faceret; primum Topographiæ suæ, deinde Expugnationis Hibernicæ materiam ibi colligere, studio grandi & diligenti inquisitione, curavit. Cum itaque Comes per æstatem totam & hyemis partem, moram in Hibernia inu-

* *Maenor Pyrr.* id est, *mansio Pyrris*: de quâ vid. Girald. Itinarar. Cambrix, lib. 1. cap. 11.

illi facta, remenso pelago in Valliam & Angliam remearet: Giralduſ cum ſeneſcalle Hiberniæ Bertramo de Verdun ſociuſ & rerum gerendarum teſtis relictuſ, ut ſtudio prædicto plenius indulgeret, non ſolùm congerendo ſed etiam digerendo, uſque ad Paſcha ſequens moram in Inſulâ fecit. *Hæc de ſeipſo Giralduſ, libro 1. de Vita ſua, cap. 25. quibus & capite 28. deinde addit.* Cùm itaque magni nominis in Inſulâ tunc Giralduſ exiſſet & famæ præclaræ, inter Paſcha & Peniecoſten de Hiberniâ in VValliam tranſſeravit: ubi & Topographiæ ſuæ, cuiuſ tractatum iam inchoaverat, conſummationi ſtudioſam ex toto meniem applicavit. Proceſſu verò temporis opere compulſo & correcto, lucernam accenſam non ſub modio ponere, ſed ſuper candelabrum ut luceret erigere cupiens; apud Oxoniam, ubi Cleruſ in Angliâ magis vigeſcit & clericata præcellebat, Opuſ ſuum in tantâ audientiâ recitare diſpoſuit. Et quoniam tres erant in libro ſuo Diſtinctiones, qualibet recitaræ die, tribuſ diebuſ continuiſ recitatio duravit: primoque die pauperes omnes oppidi totiuſ, ad hoc convocatoſ, hoſpitiuſ ſuſcepit & exhibuit. In craſſino verò Doctoreſ diverſarum facultatum omneſ, & diſcipuloſ famæ majoriſ & notioriſ. Tertio die reliquoſ ſcholareſ, cum militibuſ oppidanuſ & Burgenſibuſ multiſ. Sumptuoſa quidem reſ & nobiliſ: quia renouata ſunt quodammodo antiqua & authentica in hoc factio Poëtarum tempora; nec rem ſimilem in Angliâ factam, vel præſentem ætas, vel ulla recollit antiquitatuſ.

Huiuſ Recitationi præmiſſa ſuit Præſatio in Hibernicam Topographiam prima: cui in aliquibuſ exemplaribuſ tituluſ appoſituſ inveni, Introituſ in recitationem. In alijs duobuſ, ſini Operuſ hanc ad Guillelmum Herefordenſem Episcopuſ epistolam ſubjunctam reperi: in quâ tituluſ recenſetur inſignioruſ Topographiæ huiuſ, ſive Libri de mirabilibuſ Hiberniæ. Cui cùm fabuloſa complura inſeruiſſe Giralduſ inſimularetur, præter apoſophiſmuſ, quatuſ prima in libruſ Expugnationiſ Hiberniæ Præſationiſ intexuit, hanc etiam in Retractionuſ ſuarum tractatuſ admonitionem ſubjiciendam prætaſit. De Topographiâ Hibernicâ, labore ſcilicet noſtro primævo ſerè nec ignobili, ubi multa nova aliſque regionibuſ proriuſ incognita (ideoque magiſ admiranda) ſcribuntur, hoc pro certo ſciendum: quòd quorundam: quiniſ & quampluriuſ, perſeſſigentem & certam indagationem à magniſ terræ illiuſ & authenticis viriſ notitiâ eliciuiſ; de cæteriſque totiuſ terræ famam potiùſ ſecui ſuiuiſ. De quibuſ omnibuſ cum Auguſtino ſentiuſ: qui in libro de Civitate Dei, de talibuſ quæ ſolùm fama celebrat nec cerrâ veritate fulciuntur loquens, nec ea affirmanda pluriſimùm nec proriuſ abneganda decrevit.

EIVSDEM Giraldu Cambrenſiſ in libruſ tertiuſ Vaticanuſ EPI: 1, 2
Prologuſ. qui adjectuſ eſt, vice Appendiciſ, ad duoſ
ejuſdem libroſ Vaticanaliſ Hiſtoriæ, de Expugnatione Hiberniæ.

Quoniam in prioribuſ libriſ *Merlini* vaticinia tam *Caledoniæ* quàm *Ambroſij* lociſ competentibuſ, prout reſ exigeſcit, inſeruiuiſ; *Ambroſio* verò dudum expoſito, nondum *Caledoniæ* Britannicam exuſ barbariem, uſque ad hæc noſtra tempora latuit parùm agnituſ: noſtræ videbatur intereſſe diligentæ, tam ipſuſ ab antiquiſ & occultis ſcrutandâ in quaſitione latebris, ut pulchriùſ eluceſcat, in commune deducere, & ab ignorantæ tenebris in lucem tranſſerre, quàm tranſlatuſ quoque præſenti volumini coaptare. Non indecens enim, non incongruū videri debet, * id unde authoritatem & præſcientiam nec non & Vaticanale nomen ſortitur Hiſtoria, id ipſi ſtatim Hiſtoriæ continuetur: & ut ea quæ carptim & variè, prout ordo tractatuſ exigeſcit, diſperſa per opuſ reperiuntur, ea in ejuſdem operiſ con-

* id, redun-
 dat.

tinentiâ, eo quo prolata sunt ordine, loco competenti Lector valeat invenire. plurima tamen quæ Vaticinalis, quisquis fuerit & undecunque proveniens, varie deprompsit & dispersit, sub certos redacta titulos, prout dicti causa vel dicendorum materia potius coniungenda poposcerat, ad maiorem evidentiam series ordinata connexit. Nec indignetur inspector, nec in calurniam prorumpat lector delicatus, si ab historiâ tanquam ad fabulas converti videar. Non enim fabulosa sunt omnia, quæ falsitatis imaginem tenent; sicut nec verisimilia cuncta statim pro veris suscipienda.

Erat itaque *Caledony Silvestris* solum hæcenus fama percelebris; & Britannicis tamen *Bardis*, quos Poëtas vocant, verbo tenus penes plurimos, scripto verò penes paucissimos vaticiniorum e. u. s. d. e. m. memoria retenta fuerat. Quoniam igitur *Merlini* istius expositionem Anglorum Regem *Henricum* secundum summopere requisivisse multoties audivimus: tanto propensius elaborandum in hoc dixi, quanto id ipsum & Principi placiturum & posteritati profuturum pro certo compereram. Nam ut ait Poëta: *Principibus placuisse viris non ultima laus est.* Quinimò diligè à principe & digne cõmendari, maior est laus quàm principiari. Illud enim fortunæ, istud virtutis est. In huius igitur inquisitione libelli, cùm penitimos *Cambria* fines frustra pluries transpenetrâsem: tandem viro sancto & literatissimo *Baldevino* Cantuariorum archiepiscopo in salutiferæ Crucis obsequium laudabili per *Cambriam* legatione fungenti regio mandato comes effectus, in remotissimâ quâdam *Venedociæ* provinciâ & Hibernico mari conterminâ, quæ *Leni* vocatur in veneratione quâdam ab antiquo repositum, operam adhibens & impensam, diu quæsitum desideratumque domum non absque labore libellum eliciui.

Functus igitur interpretis officio, peritis quoque linguæ Britannicæ viris mecum adhibitis, in quantum idiomatum permixta diversitas, verbo ad verbum plurima, sententias autem in singulis fideliter expressi. Sed quoniam sicut in alijs, sic & in istis *Bardorum* ars invida naturam adulterans multa de suis tanquam prophætica veris adjecit: cunctis moderni sermonis compositionem redolentibus quasi reprobatis & abjectis, sola veritatis amica sermonis antiqui rudis & plana simplicitas diligenter excepta mentem allexit. Seriatim itaque singula depromens, & Vaticinali historiæ Vaticiniorum librum non incompetenter annectens; Barbaræ linguæ tenebras Latini luce sermonis illustravi: veritus quippe posterorum invidiam, si ea posteris inviderem. In publica namque commoda peccem, si vel hæc studia in tempus differam, vel negligenter omittam. Quibus expletis & in commune deductis, ad *Britannica Topographiæ* declarationem, Deo duce vitæ que comite studiosus pedetentim animus aspirabit. Quia tunc mihi molliter ossa cubabunt; si trino saltem nostra diligentia beneficio (tanquam triplici funiculo difficile rumpendo) & longe sui memoriam in ævum extenderit, & favorabilem sibi posteritatis gratiam comparaverit.

Tradunt Britones, & antiqua referunt historia, &c.

Sed hæc hæcendū. Hujus enim tertiæ Distinctionis editio, & nova Vaticaniorum interpretatio suum adhuc saniori consilio tempus expectet: quia nondum venit hora ejus. Satius est enim ut veritas, quantum perutilis & desiderabilis, aliquamdiu tamen suppressa lateat; quàm in lucem cum majorum offensâ præpropore pariter & periculose prorumpat.

R E C E N S I O.

Ut Hibernicam Topographiam triennij, ita Vaticanalem expugnationis Hibernica historiam biennij labore complexus: quemadmodum testatur ipse, sum in Vaticano hujus historia libro 2. cap. 31. cum initio Præfationis prioris in Descriptionis Cambria libros duos quorum primus, qui laudabilium inscribitur, à D. Davide Pouelo est editus, secundo illaudabilem prætermisso. In eâ verò præfatione, ad Stephanum Langtenum Cantuariensem Archiepiscopum scriptâ, Vaticanalem suam historiam duabus distinctionibus confuisse significat: neque plures ea quâ typis vulgatam habemus continet editio. At in codicibus quibus ego sum usus Manuscriptis, author hunc Vaticaniorum librum subinde pollicetur; ut libro 2. cap. 20. 30. 32. & 44. (nam in editis, Vaticanis, & ibi & aibi etiam aliquoties citata, desiderantur) atque secus dum librum ita concludit. Novis de extero historicis ita indolis egregie gesta, digno eoque stylo, nunc relinquentes; ad toties promissum Vaticaniorum librum transeamus. Deinde sequitur Liber tertius Vaticanus; vel hic potius, quem jam damus, in illum Prologus. Nam ipsum librum, sicut & Britannicam quam hîc & alijs in locis præmittit Topographiam, Giraldu nuncquam videtur perfecisse. Hibernica verò expugnationis Historiam sacro Vaticanalem à se fuisse inscriptam in hujus Præfationis vestibulo significat; quod & Merlini vaticinia tam Caledonii quàm Ambrosij locis competentibus, prout res exigebat, inseruit, de quo utroque libro 2. Itinerary Cambria cap. 7. sic ipse scribit. Non procul ab ortu Convey, in capite montis Eryri, stat Dinas Emrys, id est, promontorium Ambrosij; ubi Merlinus prophetavit, sedenti super ripam Vortigerno. Eiant enim Merlini duo: iste qui & Ambrosius dictus est (quia binominis fuerat) & sub rege Vortigerno prophetavit, ab incubo genitus, & apud Caermardhin inventus unde & ab ipso ibidem invento denominata est Caermardhin, id est, urbs Merlini. Alter verò de Albanîâ oriundus, qui & Calidonus dictus est, à Calidoniâ sylvâ in quâ prophetavit; & Sylvester, quia cum inter acies bellicas constitutus, monstrum horribile nimis in aëra suspiciendo prospiceret, demente corripit, & ad sylvam transfugiendo sylvestrem usque ad obitum viam perduxit. Hic autem Merlinus tempore Arthuri fuit, & longè plenius & apertius quàm alter prophetasse perhibetur. Merlinum suum Britanni Merdhyu vocant, & ab eo Caermardhin denominatam censent: cum longè ante Merlinum natum urbs ea Mariduni nomine Ptolemæ nota fuerit. Ut Ambrosius ille Maridunensis cognomintum ab urte potius traxisset dicendus sit, quam urbs ab illo nomen accepisset. De fabuloso ejus ortu & rebus gestis, videri potest Ninius Britannus in Brevariis suis, cap. 41. 42. 43. Galfridus Monemuthensis sub finem 6. libri Historia Britannica, Alanus de Insulis in Præfatione explanationum Prophetiarum ipsius, Vincentius Bellouacensis in Specul. Historial. lib. 20. cap. 30. Rabbi Abraham Zachutus in libro Iuchasin, Stephanus Forcatius de Gallorum imperio & Philosophia libro 7. Viterius de prestigijs damonum lib. 2. cap. 16. Ioannes Tuvinnus Commentariorum Britannicorum libro 2. & alij plurimi. Ejus Vaticanis, Alexandri Lincoliensis Episcopi jussu, Galfridus Monemuthensis Henrico 1. regnante de Britannico in Latinum transfudit, & libro 7. Britannica sua historia intexit, qua deinde, Henrico 11. in Angliâ imperante; Alanus de Insulis Germanus addidit Commentariis

* Topograph. Hibern. lib. 3. cap. 16. & in Descript. Cambrix pæfæ. 1.

rum libris 7. illustravit. Eorum vanitatem, Præmia in Historiam sub Richards 1. à se editam, detexit Guilielmus Neubrigenſis: quam ſuperiori quoque ſæculo perſtrinxerunt, inter alios, Richardus Stanhurſtus neſter rerum Hibernicarum libro 3. pag. 112. & lib. 4. pag. 181. Georgius Buchananus rerum Scotticarum lib. 5. (in Rege XLIV.) Guilielmus Camdenus in Caermaden-shire (pag. 504.) David Penſlus in annotationib. ad Giraldi lib. 2. Itinerarii Cambria cap. 8. & Epistolæ ad Guilielmum Flatevoodum de Britannicâ hiſtoriâ reſid. intelligendâ. quibus & Romanus liberum prohibicorum Index accedit, in quem Merlini Angli (vel Britanni potius) liber obſcuratus prædictionum eſt relatus. Poëticam vel jocofam potius Merlini fabulam verſuheroice à Gaſfrido Menemuthenſi deſcriptam in Bibliotheca Cottoniana vidimus. Ab eodem Propheticum Merlini Sylveſtris (quem Britanni Mërdhyn VVylht appellant) libellum in carmen redactum fuiſſe aſſerit Ioannes Lelandus, Commentar. in Cygnæam Cautionem, voc. Britanniz, & in Aſſertione Arturij; ubi de ſunro Arturij ex eodem libello verſus quosdam producit Merlini Caledoniæ à Thelieſino vate, ut quidam volunt, edoſti. Eſdem, verſus, ut Thalieſino vati inſcripti, citat etiam D. Ioannes Priſtus equus auzatus, in Hiſtoria Britannica deſenſione, (pag. 137.) ubi etiam carmina, vetuſtiſſima lingua Britannica conſcripta, habuiſſe ſe ſignificat Talieſini & utriuſque Merlini, Ambroſiani videlicet & Sylveſtris: quorum hunc (inquit ille, pag. 10.) tempore Aurelij Ambroſij à quo & nomen ſumpſiſſe videtur, illum verò Vorigerni, Talieſinum vero tempore Mailgonis regis floruiſſe conſtat.

PROFESSIONES ab Oſtomannorum in Hiberniâ Episcopis, ordinationis ſuæ tempore, Cantuarienſibus Archiepiſcopis factæ.

PROFESSIO.

Anno Chriſti 1074.

1. PATRICII, Dublinenſis Episcopi.

Quisquis aliis præſidet, ſi & ipſe aliis ſubjaceat dedignari non debet: ſed potius obedientiam quam à ſubjectis ſuis deſiderat habere, propter Deum ſtudeat prælatis ſibi per omnia humiliter exhibere. Propterea ego Patricius, ad regendam Dublinam metropolem Hibernia electus antiſtes, tibi (reverende Pater Lanfrance; Britanniarum Primas & ſanctæ Dorobernenſis Eccleſiæ Archiepiſcope) profeſſionis meæ charitam porrigo: meque tibi tuiſque ſucceſſoribus in omnibus quæ ad Chriſtianam religionem pertinent, obtemperaturum eſſe promitto.

Anno Chriſti 1085.

2. DONATI, Dublinenſis Episcopi.

Ego Donatus, Dublinenſis Eccleſiæ antiſtes, quæ in Hiberniâ ſita eſt; Canonicam obedientiam tibi promitto & ſucceſſoribus tuis, ô Lanfrance, ſanctæ Dorobernenſis Eccleſiæ Archiepiſcope.

Anno Chriſti 1095.

3. SAMVELIS, Dublinenſis Episcopi.

Ego Samuel, ad regimen Eccleſiæ Dublinenſis quæ ſita eſt in Hiberniâ electus, & atque (reverende Pater Anſelme; ſanctæ Cantuarienſis Eccleſiæ Archiepiſcope, & totius Britannia Primas) antiſtes conſecrandus; tibi & omnibus ſucceſſoribus tuis Canonicam obedientiam me per omnia ſervaturum promitto.

4. MALCHI, *Episcopi VVatserfordi.*Anno Christi
1090.

EGo *Malchus* Ecclesiæ *VVatserfordiæ* electus, & à te (reverende Pater *Anselmus*, sanctæ *Cantuariensis* Ecclesiæ Archiepiscopo, & totius *Britannia* Primas) antistes consecrandus; tibi & omnibus successoribus tuis Canonicam obedientiam me per omnia servaturum promitto.

5. GREGORI, *Dublinensis Episcopi.*Anno Christi
1122.

EGo *Gregorius*, ad regimen *Dublinensis* Ecclesiæ quæ in *Hiberniâ* sita est electus, & à te (reverende Pater *Radulphus*, sanctæ *Cantuariensis* Ecclesiæ Archiepiscopo, & totius *Britannia* Primas) antistes consecrandus; tibi & omnibus successoribus tuis Canonicam obedientiam me per omnia servaturum promitto.

6. PATRICII, *Limbricensis Episcopi.*Circa An-
num 1140.

EGo *Patricius*, ad regimen Ecclesiæ *Limbricensis* electus, & à te (reverende Pater *Theobaldus*, sanctæ *Cantuariensis* Ecclesiæ Archiepiscopo, & totius *Britannia* Primas) per gratiam Dei antistes consecrandus; tibi, & omnibus successoribus tuis tibi canonicè succedentibus, debitam subjectionem & Canonicam obedientiam per omnia me exhibiturum fore promitto.

RECENSIO.

Livonia, & ad Eam mariæ Baltici littus porrecta, in tres partes loci, & lingue distincta; Estiam, Lettiam & Curlandiam distribuitur. Estiz sive (ut b. Crantzius appellat) Estonia provinciam hæc incluisse videntur, qui à veteribus Græci Ostizi & Ostiones; à Tacito in Germaniâ suâ Æstij, ab Eginardo in Caroli Magni Vita Aisti, à d. Saxone Grammatico Estones, à nostris Ostmanni appellantur. Hos ducibus tribus fratribus, Amelano, Sitaraco, & Yvoro, de Norvegia & insulam Bevenalium partibus, quasi mercatura exercenda prætextu, in Hiberniam advenisse, & maritimos portus statim occupasse, scribit e. Giraldu Cambrensis. Factum hoc sub initium sæculi post natum Christum à simi: circa quod tempus, Danos in insulam ingressos cum Hibernis pugnasse, f. Caradocus Lhancarvanensis, & Haraldum Haislagi, (sive, Pulchricorum) Hiberniam subjugasse; id refert, à quo Giffisii filij Conani Principis Venetotia Vita est conscripta. Ipse (inquit author ille) civita em Dublinensem, aliasque civitates, castella & munitiones edificabat, ubi iam in huius regni possessione conquieverat fratrumque alterum in urâ illarum quas condiderat urbium præfectum constituere, quæ illorum usitato sermone vocatur Porthlary, cuius posteritas in hodiernum diem eius urbis dominio potitur. Giraldu vero à tribus illis fratribus, Ostmannorum ducibus, tres præcipuas civitates constructas fuisse narrat: à quibus Dublinæ principatus Amelano cesserit, VVatserfordiz (quæ Hiberniæ & Cambrii Porthlary dicitur) Sitaraco, Limirici Yvoro. Atque hæc civitates illæ sunt, quæ

a Vandaliz & Saxoniz Alb. Crantzij Continuator. edit. VVitteberg. an. 1586. pag. 12.

b Alb. Crantz. Sueciz lib. 1. cap. 42.

c Pythea Massiliensis, apud Strabonem, lib. 1. & Stephan. Byzant. de urbibus, in Asiæ.

d Saxo, hist. Danic. lib. 6. fol. 55. edit. Paris. an. 1514.

e Giral'd Topograph. Hibern. distinct. 3. cap. 43.

f Carad. ut. Chron. Cambriæ, ann. Christi 903.

rum Episcopi à Lanfranco & ejus in sede Cantuariensi successoribus, id est, à Norman-
ni suis potius quàm à Hibernis (inter quos advena vixerunt) ordinationem accipi-
re maluerunt. Nam, ut in Annalibus nostris ad annum 1095. notatum invenimus,
Norwagenses sive Ostmanni, qui civitates Hiberniæ & maritima occupaverant, Nor-
manni vocati sunt. quos & medijs temporibus, omnibus Dania, Norwagia, Ligon-
ia & reliquarum Borealium gentium cômune nomen fuisse designant. V'o amittam quod à
scriptore Vita Griffithi filij Conani est traditum; unum è tribus illis fratribus qui in Hi-
berniam venerunt, cum Norwagiensibus suis in Galliam concessisse, & Francis de-
votissimas sedes in Normannia fixisse. Hunc Rodolphum ille vocat, quem alij Rollonem; à
quo Guilielmus, & alij Normanni qui in Anglia regnaverunt, genus deducunt suum.
Professione ex Cantuariensi Ecclesia codice Manuscripto, qui nunc ad Cottonianam
Bibliothecam est translatus, desumpsimus. De Episcopis verd singulis qui eam ediderunt,
in Epistolarum Recensione aliquid est dictum: postremò tantum excepto, à Theobaldo
ordinato, qui ab anno 1138. ad 1160. Cantuariensi sedi præsuit.

Anno Chri-
sti 964.

ÆDGARI Regis Anglorum Charta
de Osvaldes-lavv.

* Basilisus,
rex.

Altronantis Dei largituâ clementiâ, qui est Rex regum & Domi-
nus dominantium, Ego Ædgarus Anglorum * Basiliscus, omnium-
que regum insularum Oceani quæ Britanniam circumjacent, cuncta-
rumque nationum quæ infra eam includuntur, Imperator & Domi-
nus; gratias ago ipsi Deo omnipotenti, Regi meo, qui meum impe-
rium sic ampliavit & exaltavit super regnum Patrum meorum. quilibet
monarchiam totius Angliæ adeptus sunt, à tempore Æthelstani, qui pri-
mus regum Anglorum omnes nationes quæ Britanniam incolunt sibi ar-
mis subegit; nullus tamen eorum ultra eius fines imperium suum dila-
tare aggressus est. Mihi autem concessit propitia divinitas, cum An-
glorum imperio, omnia regna insularum Oceani cum suis ferocissimis
regibus, usque Norvegiam, maximamque partem Hiberniam cum suâ no-
bilissimâ civitate Dubliniâ, Anglorum regno subjugare: quos etiam
omnes meis imperijs colla subdet, Dei favente gratiâ, coëgi.

Quapropter & ego Christi gloriam & laudem in regno meo exaltare, &
eius servitium amplificare, devotus disposui; & per meos fideles fau-
tores, Dunstanum videlicet Archiepiscopum, & Osvaldum ac Osval-
dum Episcopos (quos mihi Patres spirituales & Consiliatores elegi) ma-
gnâ ex parte, secundum quod disposui, perfeci, &c. Et ipsis supradictis
meis cooperatoribus strenuè annitentibus, iam XLVII. monasteria cum
Monachis & Sanctimonialibus constitui; & si Christum vitam mihi tam
diu concesserit, usque ad quinquagesimum remissionis numerum meæ de-
votæ Deo munificentiz oblationem protendere decrevi. Vnde nunc in
præsenti Monasterium, quod prædictus reverendus Episcopus Osval-
dus in sede Episcopali * Vigoreceastre, in honore Sanctæ Dei genitricis
Mariae amplificavit, & eliminatis Clericorum natijs & spurcis lasciv-
ijs, religionis Dei servis Monachis, meo consensu & favore consultus,
locavit; Ego ipsis Monasticæ Religionis viris Regali authoritate confir-

* Vigor-
niensi.

mo, & consilio & assipatione Principum & Optimatum meorum corrobore & consigno. Ita ut iam amplius non sit fas neque ius Clericis reclamandi quicquam inde; quippe qui magis elegerunt, cum sui ordinis periculo & Ecclesiastici beneficii dispendio, suis uxoribus adherere, quam Deo castè & canonicè servire. Et idèd cuncta quæ illi de Ecclesiâ possederant, cum ipsa Ecclesiâ, sive Ecclesiastica, sive seculari, tam mobilia quam immobilia, ipsis Dei servis Monachis ab hac die perpetuallyter Regiæ munificentie iure deinceps possidenda trado & consigno, ita firmiter; ut nulli Principum, nec etiam ulli Episcopo succedenti, fas sit aut licitum quicquam inde subtrahere aut pervadere, aut ab eorum potestate surripere, & in Clericorum ius iterum traducere, quamdiu fides Christiana in Angliâ perduraverit, &c.

Facta sunt hæc anno Dominicæ Incarnationis Dcccxxiv. Indictione VIII. regni verò Ædgar Anglorum Regis sexto, in regiâ urbe quæ ab incolis * *gleavvceastre* nominatur; in Natali Domini, festivitate Sanctorum Innocentii, festiâ quartâ.

* Glocestria.

† Ego *Eadgar* Basileus Anglorum & Imperator regum gentium, cum consensu & Principum & Archiepiscoporum meorum, hanc meam munificentiam signo Crucis corrobore.

† Ego *Aelfryth* Regina consensi, & signo Crucis confirmavi.

Ego *Dunstan*, Archiepiscopus Dorobernensis Ecclesiæ Christi, consensi & subscripsi.

Ego *Oswel*, Archiepiscopus Eboracensis Ecclesiæ, consensi & subscripsi.

Ego *Alferio* Dux. Ego *Bruthnod* Dux. Ego *Aridgar* Dux.

RECENSIO.

Dum Epistolæ re legerem, decimo sæculi (quod propter scriptorum inopiam appellari consuevit * Obscurum) nullam notatam deprehendi. Quis defectus ut aliquo modo suppleretur, Ædgar Regis diploma visum fuit adycere; in quæ, quod omnes historia tacent, maximam partem Hiberniæ, cum suâ nobilissimâ civitate Dubliniâ, Anglorum regno subjugatam à se fuisse confirmat. Habuit illud inter VVigorniensis Ecclesiæ monimenta: ejusque exemplum inter archiva Regiæ in arce Lendinensi asservatur, hæc autem præmissa. Edvardus Dei gratiâ Rex Angliæ, &c. & Dominus Hiberniæ, omnibus ad quos presentes litteræ pervenerint, Salutem. Inspeimus Chartam confirmationis Domini Edgari quondam regis Angliæ progenitoris nostri, quam fecit Osvaldo Episcopo VVigorniensis & Monachis VVigorniensibus, in hæc verba. In libro VVigorniensis Ecclesiæ, quæ de loci illius fundatoribus agitur, ille quem dedimus titulus est prænotatus. Charta Regis Eadgar de Osvalde-lavv. quia mediante (ut ibi dicitur) B. Osvaldo, à Clericis in Monachos transiit hæc sedes Pontificalis honoris. Antè enim, ut in ejusdem Osvaldi Vita scribit Andreas Lencander sive VVithemannus Ramensis canobij abbas, non monastici viri ipsius sanctæ institutionis regulæ etiam in regione Anglorum, sed erant religiosi & dignissimi clerici: qui tamen thesauros suos, quos avidis adquirebant cordibus, non ad Ecclesiæ honorem, sed suis dare solebant uxori, bus. Posteaque, ut addit idem, Ædgar regis obitu turbatus est status totius regni-commori sunt Episcopi, irati sunt Principes, timore concussi sunt Monachi, pavescit populi, Clerici læti effecti sunt; quoniam tempus eorum advenit. Expelluntur Ab-bates cum monachis suis, introducuntur Clerici cum uxoribus suis: & erat error po-

† Baron. in romi 10. Annalium initio.

iot priore. Sic illa. Priorem verò statum sic plenius enarrat Cantuariensis Oſbernus Nondum in Anglia communis vitæ ratio colebatur; non uſus deferendi propicias voluntates hominibus affectabatur. Abbatis nomen vix quiſquam audierat; Conventus monachorum non ſatis quiſpiam viderat. Sed cui fortè id voluntatis erat, ut peregrinam veller tranſigere vitam, is modò ſolus, modò paucis eiufdem propoſiti comitatus, patrios egrediebatur ſines; & quâ opportunitas vivendi licentiam dabat, illic alienigena vitam agebat. Hicque mos cum pleroſque tum vehementer adhuc manet Hibernos: quia quod aliis bona voluntas in conſuetudinem, hoc illis conſuetudo vetit in naturam. Quorum multi atque illuſtres viri, divinis ac ſecularibus litteris nobiliter erudit, dum relictâ Hiberniâ in terrâ Anglorum peregrinaturi veniſſent, locum habitationis ſuz Gleſtoniam delegerunt, propterea quòd eſſet à civili multitudine ſequeſtratus, & humanis uſibus accommodus, & (quod maxime affectabant peregrini) Patriis religioſâ veneratione glorioſus: qui olim evangeliſando regnum Dei illuc perveniens, vitâ, doctrinâ, ſignis mirabilibus multipliciter elaruiſſe, & poſt omnia hæc ibidem in Domino quieviſſe perhibetur. Cum ergo hi tales viri talibus de cauſis Gleſtoniam veniſſent, nec tamen quicquid ſibi neceſſarium erat ſufficientiſſimè in loco reperiſſent: ſuſcipiunt filios nobilium liberalibus ſtudiis imbuendos; ut quod minus ad uſum loci abetas exhiberet, eorum quos docebant liberalitate redundaret. Hac in Vita Dunſtani Oſbernus: quæ, quia ad verum Hibernicorum illuſtrationem aliqui etiam conſervant; hæc in loco omittere non libuit.

F I N I S.









